

Kalaallit Nunaanni sulisilluni ajoqusersinnaanermut
isumannaarineq pillugu inatsisissatut

siunnersuut

Kapitali 1

Peqqussutip siunertaa

§ 1. Peqqussutip matuma siunertaraa ajoqusersimasunut taakkualuunniit sulisillutik ajoqusernermikkut qimataannut taarsiissuteqartarnissaq ajunngitsorsiaqartitsinissarlu. Ajoquserneq suliamik imaluunniit pissutsinik sulinermi atugaasunik pissuteqassaaq, tak. peqqussummi §§-it 5-imiit 7-imut, sulisitsisorli tamatumunnga akisussaannerminik qimarratiginnissimasariaqanngilaq. Sulinermi avatangiisinik nakkutilliinermik suliallit sulisilluni ajoqusernissanik pinaveersimatitsiniarnerat sulisitsisut taarsiissutinik il.il. aningaasalersuinerisigut tapersersorneqassaaq.

Imm. 2. Ajoqusersimasut taakkualuunniit qimataat aammalu sulisitsisoq, sillimmasiisarfik, Arbejdsmarkedets Erhvervsygdomsring, pisortat oqartussaataat nakorsallu suliamik suliarinninermi akuliutitinneqartassapput. Ajoqusersimasut taakkualuunniit qimataasa ataqatigiissumik suliuteqarfigineqarnissaannut pisariaqartitsineq tassuunakkut qulakkeerqassaaq.

Kapitali 2

*Inatsit naapertorlugu inuit isumannaariffigineqarsinnaasut
aamma inatsisip atuuffii*

§ 2. Inuit suliamik Kalaallit Nunaanni suliaqartussatut sulisitsisumit atorfinitsitaasimasut inatsit manna naapertorlugu isumannaariffigineqarsinnaapput. Suliaq tassaasinnaavoq akissarsiaqarluni imaluunniit akissarsiaqarani suliaq, tassaasinnaallunilu ataavartumik, utaqqiisaagallartumik si-vikitsuinnarmilluunniit suliaq.

Imm. 2. Sulisitsisup ilaqutai suliffeqarfimmi suliamik suussusiisigut annertussusiisigullu sulisunut allanut naligitinneqarsinnaagunik inatsit manna naapertorlugu isumannaariffigineqarsinnaapput.

Imm. 3. Namminersorlutik inuussutissarsiummik ingerlataqartut Kalaallit Nunaanni sulisut inatsit manna naapertorlugu isumannaariffigineqarsinnaapput, tak. § 52,imm. 2..

Imm. 4. Inuit, kalaallit umiarsuaataanni sulisussatut atorfinitsinneqarsimasunut inatsit manna naapertorlugu isumannaariffigineqarsinnaapput.

Imm. 5. Meeraq uumalluni erniusimasoq, naartuunermi nalaani anaanami sulinerata nassatarisaa-nik nappaateqalereersimaguni inatsit manna naapertorlugu isumannaariffigineqarsinnaavoq.

Imm. 6. Angajoqqaat naartup naartorineqalernera sioqqullugu meeqqalluunniit inunngornerata ki-ngorna naartumut meeqqamulluunniit ajoqusiisinnaasumik sunnigaasimanerat kingusinnerusukkut uppersarsarneqarpat, naartoq meerarluunniit inatsit manna naapertorlugu isumannaariffigineqarsin-naavoq. Ajoqusigaanerit taamaattut inatsimmi § 7-mi pineqartunut ilaatinneqarsinnaapput.

§ 3. Suliassaqartitsinermut ministerip Namminersorlutik Oqartussat isumaqatiginiareerlugit inasutip makkununnga qanoq atuunnissaanut maleruagassat aalajangersassavai

- 1) meeqqanut 18-it inorlugit ukiulinnut, isumaginninnermut tunngasutigut Inatsisartut peqqussutaanni pineqartunut, aamma
- 2) ilinniagaqartunut inunnulluunniit allanut ilinniagaqarnerminnut suliffimilluunniit misiliinerminnut il.il. atatillugu ilinniarfimmittunut sullivimmiittunulluunniit.

Imm. 2. Inatsisip inunnut sulisitsisumik sullissillutik nunamut allamut suliarthorallartitaasunut qanoq atuunnissaanut maleruagassat Arbejdsskade styrelsen pisortaata aalajangersassavai, Namminersorlutik Oqartussat isumaqatiginiareerlugit.

Imm. 3. Inatsit inunnut, Kalaallit Nunaanni pinerluttulerinermik inatsimmi kapitalini 28-miit 33-mi pineqartunut qanoq annertutigisumik atuunnissaanut maleruagassat suliasaqartitsinermut ministerip Namminersorlutik Oqartussat isumaqatiginiareerlugit aalajangersassavai.

§ 4. Sulisitsisumi sulinerit tamarmik sulisilluni ajoqusersinnaanermut isumannaarinnermi pineqarput. Pineqarput sulisitsisup inuussutissarsiutigalugu inuussutissarsiutiginguluunniit suliffeqarfutaani, aammalu sulisitsisup illuani sulinerit kiisalu sulisitsisumut taassumalu ilaqutaanut kiffartorluni sulineq.

Imm. 2. Aammattaaq inuit ingerlatanik makkuninnga suliaqartut inatsit manna naapertorlugu isumannaariffigineqarsinnaapput, tak. §§-it 6-imiit 7-mut:

- 1) Inuiaqatigiinnik kiffartuussilluni kommuniniluunniit qinigaasimaneq tunngavigalugu suliaqarneq.
- 2) Suliffeqarfimmi sulisut sulinerminni atugarisaannut atasumik sulisunut sinniisutut suliaqarneq.
- 3) Inuup inuuneranik annaassiniarneq, ajoqusernarnik pitsaaliuiniarneq imaluunniit atortutigut porsimassutsikkullu annertuunik annaasaqatsaaliuineq, iliuseq taamatut ittoq § 2 malillugu sulinerit isigineqarsinnaangikkaluarluni taamatut sulinerit attuumassuteqaraangat.
- 4) Kalaallit Nunaanni inuup inuuneranik annaassiniarneq, iliuseqarneq pineqartup suliaata naliginnaasumik ilaginngikkaluarpaguluunniit.

Imm. 3. Inatsisip suliarthorluni sulereerlunilu angerlarluni ingerlanermi ajoquserthornerani qanoq innikkut atuunnissaanut maleruagassat suliasaqartitsinermut ministerip aalajangersassavai Namminersorlutik Oqartussat isumaqatiginiareerlugit.

Kapitali 3

Sulisilluni ajoquserneq

§ 5. Sulisilluni ajoquserneq inatsimmi matumani tassaatinneqarpoq ajoquserneq, tak. § 6, aamma inuussutissarsiordermi nappaatigiligaq, tak. § 7, suliamik imaluunniit pissutsinik sulinerit atuugaasunik pissuteqartoq.

§ 6. Ajoquserneq inatsimmi matumani tassaatinneqarpoq pisup sunnigaanerulluunniit tassaangaannartumik ullulluunniit tallimat qaangiutinnginneranni pisup kingunerisaanik inuup ajoquserneq.

Imm. 2. Ajoqusernerit tunngatillugu inatsisip matuma atuutilerfia tassaavoq ulloq ajoquserfik, imaluunniit sunnigaanerup ajoquserneqarnermut pissutaasup qaangiuffia, aatsaalli inatsimmi alamik aalajangersaasoqarsimangippat.

§ 7. Inuussutissarsiordermi nappaatigilikkat inatsimmi matumani tassaatinneqarput:

- 1) Nappaatit nakorsartinnikkut paasisat malillugit immikkut ittumik sunnerneqarnermik pissuteqartut, inuit aalajangersimasut suliatik imaluunniit pissutsit sulinerit atugaasut aqutitigalugit inunnit taamatut suliaqartuunngitsunit sunnerneqaatiginerusaat. Aammattaaq meeqqap uumal-

luni erniusup nappaatai, anaanaasup naartulluni sulinerata nassatarisaatut meeqqap naartuunermini nappaatigiligai. Arbejdsskadestyrelsen pisortaata Erhvervsstyrelsen isumaqatiginiareerlugu, tak. sulisilluni ajoqusersinnaanermut isumannaarinet pillugu inatsimmi § 9, nappaatit suut taamaattut naatsorsuunneqarnersut allattorsimaffimmi aalangersassavai.

- 2) Nappaatit allat, matumani ilanngullugit meeqqap uumalluni erniusimasup naartuunermini nappaatigiligai, uppersarsarnerqarsinnaappat nappaat nakorsartinnikkut uppersarsarsaatissat nutaernerpaat malillugit piunasaqaatinik nr. 1, oqaaseqatigiinni siullerni taaneqartunik naammassinittoq imaluunniit suliap immikkut ittumik pissusaanik pissuteqavissut tamatumingaluunniit pissuteqarnerusut naatsorsuunneqartariaqartoq.

Imm. 2. Nappaatit, angajoqqaat naartup naartorineqalernera sioqqullugu meeqqalluunniit inunngornerata kingorna naartumut meeqqamulluunniit ajoqusiisinnaasumik sunnigaasimanerannik pissuteqartut allattorsimaffiup imm. 1, nr. 1-imi taaneqartup allannngortinneratigut imaluunniit imm. 1, nr. 2 malillugu peqqussummi pineqartunut ilanngunneqarsinnaassapput, sunnigaanerit taakku naartumut meeqqamulluunniit ajoqusiisinnaasumik kingunneqarsimanerat uppersarsarnerqarpat.

Imm. 3. Nappaatit imm. 1, nr. 2-mi aamma imm. 2-mi pineqartut aatsaat Erhvervsstyrelsen valgimut saqqummiussereernikkut inuussutissarsiornermi nappaataalersutut akuerineqarsinnaapput, tak. sulisilluni ajoqusersinnaanermut isumannaarinet pillugu inatsimmi § 9. Nappaatit tamakku Erhvervsstyrelsen valgimut saqqummiunneqartassapput, Arbejdsskadestyrelsen naatsorsuutigippagu, nappaatip akuerineqarnissaa periarfissaasoq.

§ 8. Inuk nappaammik inuussutissarsiornermi nappaatigilikkat allattorsimaffianni ilanngunneqarsimasumik, tak. § 7, imm. 1 nappaateqalersimasoq inatsit naapertorlugu pisartagaqarsinnaatitaavoq, nappaat pissutsinik inuussutissarsiummut tunngassuteqanngitsunik pissuteqarsorineqanngippat.

Imm. 2. Inuussutissarsiornermi nappaataalersunut tunngatillugu inatsisip matuma atuutilerfia tassaavoq ulloq nappaataalersup nalunaarutigineqarfia, aatsaalli inatsimmi allamik aalajangersaasoqarsimanngippat.

§ 9. Danmark sorsulersimappat ajoqusernerit sorsunnermi iliuutsit kingunerisaat sulisilluni ajoqusernertut naatsorsuunneqassanngillat. Inuilli angallatini umiartornermik aalisarnermilluunniit inuussutissarsiuqarnermi nalinginnaasumik atugaasuni suugaluartuniluunniit sulisuusut, sorsunnermi iliuutsit kingunerisaannik ajoqusernerit atatillugu peqqussut manna naapertorlugu taarsiiffineqarsinnaapput. Tamanna aamma atuuppoq umiarsuarnut aalisarnermik nakkutilliissutinut umiarsuarnullu imaanik misissuinermi atugaasunut, kiisalu inunnut § 67 naapertorlugu aalisartutut piniartutullu isumannaagaasunut.

Kapitali 4

Aningaasat pisartakkat

§ 10. Aningaasat inatsit malillugu tunniunneqartartut tassaapput

- 1) katsorsartinnermut, sungiusartinnermut atortutigullu ikiorsiissutinut il.il. aningaasartuutinut akiilitit, tak. § 14,
- 2) sulisinnaajunnaarnermi ullormusiat, tak. §§-it 16-imiit 20-mut,
- 3) inuussutissarsiorsinnaanermik annasaqarnermut taarsiissutit, tak. § 21,
- 4) ataavartumik ajuuteqalernermi ajunngitsorsiat, tak. § 22,
- 5) toqusoqarnerani aningaasat ikaarsaariarnermi tunniuttakkat, tak. § 23,

- 6) pilersuisigisamik annaasaqarnermut taarsiissutit, tak. §§-it 24-miit 26-mut, aamma
7) qimagaasunut ajunngitsorsiat, tak. § 27.

Taarsiissutissanik il.il. annertussusiliisarneq pillugu malerugassat nalinginnaasut

§ 11. § 10, nr. 1, 3 aamma 4 naapertorlugit taarsiissutit aamma ajunngitsorsiat sulisilluni ajoqusernerup kingunerisai tunngavigalugit annertussusilerneqartassapput. Ajoqusersimasup peq-qissutsikkut isumaginnikkullu atugai sulisilluni ajoqusernerinnarmut tunngatinneqarsinnaanngip-pata taarsiissutissat il.il. ikilineqarsinnaapput, pissutsilluunniit apeqqutaatillugit atorunnaarsinnaal-lutik.

Imm. 2. Inuussutissarsiorsinnaanermik annaasaqarneq, ataavartumik ajuuteqalernerq imaluunniit inuup toqunera sulisilluni ajoqusernerup kingunerisaatut naatsorsuunneqassapput, annertunerusum-ik qularutissaanngitsumik tamatumunnga akerliusoqanngippat, imaluunniit inatsimmi matumani al-latut aalajangersaasoqarsimanngippat.

§ 12. Ajoquser tup piumasaqaatit § 43-mi taaneqartut naammassiumanngippagit, imaluunniit peqqissarneqarnini peqqussutaasunik sumiginnaanermigut akornusersorpagu taarsiiffigineqarsin-naaneq tamakkiisumik ilaannakuusumilluunniit atorunnaarsinnaavoq.

Imm. 2. Qimagaasut toqusup timaanik pilattaanikkut misissuinissaq akerliuffigippassuk, tak. § 41, imm. 2, taarsiiffigineqarsinnaaneq atorunnaarsinnaavoq.

§ 13. Ajoquser toq piaaraluneerluni inatsisinulluunniit akerliusumik iliuuseqarluni imaluunniit ili-uuseqanngitsoorluni sulisilluni ajoqusernermut pisuusimappat annertuumilluunniit pisooqataasimappat ullormusiaqarsinnaatitaaneq, inuussutissarsiorsinnaanermik annaasaqarnermut taarsiiffigineqarsinnaaneq aamma ataavartumik ajuuteqalernermi ajunngitsorsiaqarsinnaaneq anni-killisinneqarlutilluunniit tamakkiisumik atorunnaarsinnaapput. Taamatut pisoqartillugu ajoquser toq tamatumunnga erseqqilluinnartumik ilisimatinneqassaaq.

Nappaammik katsorsaaneq, sungiusaqqinneq atortutigullu ikiorsiissutit il.il.

§ 14. Sapinngisamik pitsaanerpaamik peqqissinissaq anguneqassappat, aningaasartuutillu peqqin-nissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginnin-nermut tunngasut pillugit Inatsisartut peqqussutaat, taamaattoq tak. imm. 5, malillugit akilerneqarsinnaanngippata katsorsarneqarnermut sungiusarneqarnermulluunniit aningaasartuutit suliap suliarineqarnerata nalaani akilerneqarsinnaapput. Sungiusarneqarneq nakorsat nappaammik katsorsaanerannut malitsigitinneqartoq nakorsanit nakkutigineqartumik ingerlanneqassaaq.

Imm. 2. Nappaammik katsorsaanerup sungiusarneqarnerulluunniit kinguneqarluarnissaat, sulisil-luni ajoqusernerup kingunerisaasa annikillisarinnissaat imaluunniit inuussutissarsiorsinnaanermik an-naasaqarnerup qanoq annertutiginerata aammalu ataavartumik ajuuteqalernerup annertussusiata erseqqinnerusumik paasineqarnissaat qulakkeerniarlugit, aammalu aningaasartuutit peqqinnissaqar-fiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata timip ilaanut taarsiussatut sanaanut, isarussanut atortutigullu ikiorsiissutinut assigisaannut kiisalu issiavinnut as-sakaasulinnut aningaasartuutit suliap suliarineqarnerata nalaani akilerneqarsinnaapput.

Imm. 3. Sulisilluni ajoqusernerup kingorna peqqissisinneqarnissamut, sungiusarnissamut atortuti-gullu ikiorsiissutinut siunissami aningaasartuutaajumaartussanut, isumaginninnermut tunngasut pil-lugit malittarisassat atuuttut malillugit akilerneqarsinnaanngitsunut aningaasat taarsiissutissat ataasi-artumik tunniunneqartussatut annertussusilerneqassapput. Aningaasartuutaajuartussat annertussusis-

saat tassaassaaq ukiumut agguaqatigiissillugit aningaasartuutissatut naatsorsuutigineqartut, inuussutissarsiorsinnaanermik annaasaqarnermut taarsiissutissat ataatsikkut tunniunneqarneranni naatsorsuinermi kisitsimmik § 31, imm. 4-mi annertussusilerneqartumik amerlisarlugit.

Imm. 4. Atortutigut ikiorsiissut imm. 2-mi taaneqartoq sulisilluni atorneqarsimappat, atortutigullu ikiorsiissut suliamik imaluunniit pissutsinik sulinermi atugaasunik pissuteqartumik ajoquserneqarsimappat, atortutigullu ikiorsiissutip iluarsanneqarnera nutaamilluunniit taarserneqarnera peqqinnissakkut tunniunneqartartut imaluunniit isumaginninnikkut tunniunneqartartut pillugit malittarisassat atuuttut malillugit pisortanit akilerneqarsinnaanngippat aningaasartuutit akilerneqarsinnaapput.

Imm. 5. Ajoqusersimasut imm. 1 malillugu Kalaallit Nunaanni imaluunniit Danmarmikimi napparsimmavinni namminersortuni aamma nakorsiartarfinni namminersortuni katsorsartinnermut aningaasartuutit akilertissinnaavaat, pisortanit tapiissutaasinnaasut ilanngaatigereerlugit, naatsorsuutigineqarpat ajoqusersimasoq pisortat napparsimmaviini nakorsiartarfiniluunniit katsorsarneqar-nissaminut utaqqissanngitsoq, akiliuteqarneq ataatsimut ullormusianut aamma angallassinermut un-innganermullu aningaasartuutitut sipaaruteqarnermut naleqqutsinneqarsinnaappat.

Imm. 6. Aningaasartuutit imm. 1-imiit 5-mut pineqartut, matumani ilanngullugit aningaasartuutit suliassap nalunaarutigineqarnera sioqqullugu aningaasartuutigineqarsimasut, qanoq annertutigisumik matussuserneqartarnissaannut maleruagassat Arbejdsskadestyrelsen pisortaata aalajangersassavai.

Imm. 7. Sillimmasiisarfiit aamma Arbejdsmarkedets Erhvervssygdomssikringip aningaasartuutit imm. 1-imiit 5-mut pineqartut akilerneqarnissaannik piumasaaqatinik isummerfiginnissinnaanis-saannik maleruagassat Arbejdsskadestyrelsen pisortaata aalajangersassavai.

§ 15. Nappaatip katsorsareerneratigut, sungiusaaqqereernikkut imaluunniit piginnaanngorsaaqqe-reernikkut ajoquserup siunissami peqqissutsikkut atugarisassai inuussutissarsiorsinnaaneralu nali-liiffigissallugit tunngavissaqarpat Arbejdsskadestyrelsen aalajangissavaa ajoquser-toq inuussutissarsiorsinnaanermik annaasaqarnermut taarsiissutinik § 21 naapertorlugu taarsiiffigineqarsinnaanersoq aammalu ataavartumik ajuuteqalernerq pillugu ajunngitsorsianik § 22 naapertorlugu tunineqarsin-naanersoq. Sulisilluni ajoqusernerup nalunaarutigineqarneraniit ukioq ataaseq qaangiutsinnagu aala-jangiiniartoqartassaaq. Inuussutissarsiornikkut nappaatit, Erhvervssygdomsudvalgimut saqqum-miunneqartussat, piffissarititaasoq ukiut marluupput.

Imm. 2. Sulisilluni ajoquserneq toqumik kinguneqarsimappat imm. 1-imi taaneqartutuut piffissat taakkua ingerlaneranni, toqunerup nalunaarutigineqarneraniit naatsorsorlugu aalajangerneqassaaq toqusup qimatai toqusoqarnerani ikaarsaariarnermi tunniunneqartartunik, pilersuisigisamik annaasa-qarnermi taarsiissutinik aammalu qimagaasunut ajunngitsorsianik tunineqarsinnaanersut.

Imm. 3. Inuussutissarsiorsinnaanermik annaasaqarnermut taarsiissutit aamma ataavartumik ajuute-qalernermi ajunngitsorsiat inaarutaasumik aalajangiisoqarnissaa tikillugu siumoortumik tunniun-neqartarsinnaapput.

Ullormusiat

§ 16. Sulisilluni ajoqusernerup kingunerisaanik sulisinnaajunnaavinnermi ullormusiaqartitsisoqas-saaq.

Imm. 2. Ilaannakuusumik sulisinnaajunnaarnermi Arbejdsskadestyrelsen ullormusiat tam-atumunnga naapertuuttumik ikililersinnaavai.

§ 17. Ullormusiaqarsinnaatitaaneq aallartissaaq sulisilluni ajoqusernerup kingorna ulloq naallugu sulinngitsoorfigisamit siullermit, unitsinneqassappullu ullormi ajoquserup sulisinnaalerfiani, suli-artunngitsoornera peqqissinerminilluunniit nalunaaruteqanngitsoornera apeqqutaatinnagit. Taamaat-

torli ullormusianik piginnaatitaaneq atorunnaassaaq kingusinnerpaamik ulloq, § 21 malillugu Arbejdsskadestyrelsen inuutissarsiorsiummik annaasaqarnermi taarsiissuteqartoqarnissaanik aalajangeererneratigut sunniuteqarfia tikillugu.

§ 18. Ullormusiat suliffeqanngikkallarnermi akunnermut tunniunneqartartut qaqugukkulluunniit aalajangersarneqartut assigai aamma ullut 14-ikkaarlugit kingumut tunniunneqartassapput. Ullormusiat naatsorneqartarput aningaasarsiaqartoq sapaatip akunnerit 13-ini kingullerni sapaatip akunneranut sulisimanera tunngavigalugu. Aggvaqatigiissillugu sapaatip akunneranut akunnerit 40-nit amerlanerusinnaanngillat aamma akunnernit 20-nit ikinnerusinnaanngillat.

§ 19. Sulisitsisoq sulisinnaajunnaaqanermi akissarsiaqartitsisoq ajoqusertup ullormusiassaanik tiguisinnaatitaavoq, tak. § 18, ajoqusersimasup pisinnatitaannik. Ullormusiat sinneruttuusinnaasut ajoqusersimasumut tunniunneqassapput.

§ 20. Ullormusiaqarsinnaatitaanerme piunnaasaqataavoq, sulisilluni ajoqusernerup kingunerisaanik ajoqusertoq sulisinnaajunnaarnera pillugu nakorsap allagartaliinikkut uppersaasiinissaa.

Inuussutissarsiorsinnaanermik annaasaqarnermut taarsiissutit

§ 21. Sulisilluni ajoquserneq ajoqusertup sulinikkut aningaasarsiorsinnaanerata annikillineranik kinguneqarsimappat pineqartoq inuussutissarsiorsinnaanermik annaasaqarnermut taarsiiffigineqarsinnaavoq. Inuussutissarsiorsinnaanermik annaasaqarneq 15 pct.-imit annikinneruppat taarsiissuteqartoqassanngilaq.

Imm. 2. Inuussutissarsiorsinnaanermik annaasaqarnerup naliliiffigineqarnerani ajoqusertup piginnaassusii, ilinniagaqarsimanera, ukiui aammalu inuussutissarsiutitigut ilinniaqqissinnaanermut sunngiusarneqarnissamullu periarfissai tunngavigalugit pineqartup sulinikkut aningaasarsiorinissaanut periarfissatut piunnaasaqataasinnaasut isiginiarneqartassapput.

Imm. 3. Inuussutissarsiorsinnaanerup qanoq annertutiginera erseqqissumik paasineqanngippat Arbejdsskadestyrelsen inuussutissarsiorsinnaanermik annaasaqarnermut taarsiissutissat pillugit aalajangiigallarsinnaavoq.

Imm. 4. Meeqqamut naartuunermini ajoquserneqarsimasumut imaluunniit meeqqamut, angajoqqaat meeqqap naartorineqalinnginneranili imaluunniit inunngoreernerani sunnigaanerisa kingunerisaanik nappaateqalersimasumut inuussutissarsiorsinnaanermik annaasaqarnermut taarsiissutit tunniunneqartalersinnaapput siusinnerpaamik ukiut 15-issaanni.

Imm. 5. Taarsiissutit ingerlaavartumik tunniuttagassatut pisassanngortinneqassapput, § 31-mi maleruagassat naapertorlugit ataatsikkut aningaasannorlugit tunniutassanngortinneqanngikkunik.

Imm. 6. Inuussutissarsiorsinnaaneq tamakkiisumik annaaneqarsimatillugu ingerlaavartumik ukiumut tunniuttagassat ajoqusertup ukiumut akissarsiaasa 4/5-eraat, tak. § 28, inuussutissarsiorsinnaanerlu annikillismappat annikilleriaammut tamatumunnga naapertuuttuussallutik.

Imm. 7. Ukiumut tunniuttagassat 1/12-iat qaammatikkuutaartumik siumut tunniunneqartassaaq, tunniussisarnerlu piffissamiit inuussutissarsiorsinnaanermik annaasaqarnerup paasineqarfianiit aallartissalluni, kisiannili piffissaq sulisilluni ajoqusernerup nalunaarutigineqarfia sioqqullugu aallartissanani. Ajoqusertoq piffissami aalajangiiffiusumi 63-inik ukioqalereersimappat taarsiissutissat § 31-mi maleruagassat naapertorlugit ingerlaavartumik ukiumut tunniuttakkat marloriaataattut angitigisut aningaasannorlugit ataatsikkut tunniunneqassapput, tak. imm. 6.

Imm. 8. Imm. 7 naapertorlugu taarsiissutit ingerlaavartumik tunniunneqartarnerat qaammatip pissarsisartup 65-inik ukioqalerfiata naanerani unitsinneqassaaq.

Ataavartumik ajoquteqalernermi ajunngitsorsiat

§ 22. Sulisilluni ajoquserneq ajoquser tup ataavartumik ajuuteqalerneranik kinguneqarpat pineqar toq ajunngitsorsianik tunineqarsinnaavoq. Ajuuteqalernerulli annertussusia 5 pct.-imit annikinner usutut annertussusilerneqarpat ajunngitsorsiaqartitsisoqassanngilaq.

Imm. 2. Ajuuteqalernerup annertussusia ajoqusernerup nakorsaasernerup tungaanit isigalugu suus usia annertussusialu tunngavigalugit, aammalu sulisilluni ajoqusernerup ajoquser tup nammineq inuuniarneranut akornutissarsiarititai eqqarsaatigalugit aalajangiiffigineqartassaaq.

Imm. 3. Ataavartumik ajuuteqalernermi ajunngitsorsiat aningaasanngorlugit ataatsikkut tunniutas sanngortinneqassapput, ajuuteqalernerulli annertussusia 100 pct.-iutillugu 752.000 kr.-ussallutik. Aningaasat § 29 malillugu iluarsiivigineqartassapput. Ajuuteqalernerup annikinnerutillugu ajunngit sorsiat tassaassapput 752.000 kr.-t ilaat ajuuteqalernerup annertussusianut naapertuuttut.

Imm. 4. Immikkut illuinnartunik pisoqartillugu ataavartumik ajuuteqalernermi ajunngitsorsiat an nertunerusunngorlugit annertussusilerneqarsinnaapput, annerpaamilli 752.000 kr.-t § 29 malillugu iluarsiivigisat 120 pct.-iannut.

Imm. 5. Ajoquser toq sulisilluni ajoqusernermini 40-nik ukioqalersimappat ajunngitsorsiat pineqar tup sulisilluni ajoqusernermi 39-nik ukioqalereerfianiit ukiut tamaasa 1 pct.-imik ikileriartinneqar tassapput. Ajoquser toq 60-inik ukioqalersimappat taarsiissutissat pineqartup sulisilluni ajoquserner mi 59-inik ukioqalereerfianiit ukiut tamaasa suli 1 pct.-imik ikileriartinneqartassapput. Ajunngitsor sialli 69-ileereernikkut ikiliseqqinneqassanngillat.

Aningaasat toqusoqarnerani ikaarsaariarnermi tunniuttakkat

§ 23. Sulisilluni ajoquserneq toqumik kinguneqarsimappat katissimallugu aapparisaq qimagaasoq aningaasanik ikaarsaariarnermi tunniuttakkanik 137.900 kr.-nik tunineqarsinnaatitaavoq, sulisilluni ajoquserneq sioqqullugu aappariit katissimappata inooqatigiinnerlu ajoquser tup toqunera tikillugu attatiinnarneqarsimappat. Aningaasat § 29 malillugu iluarsiivigineqartassapput.

Imm. 2. Aappariit sulisilluni ajoqusernerup kingornatigut katissimappata aappaasup qimagaasup aningaasat ikaarsaariarnermi tunniuttakkat taakku piumasarisinnaavai, katissimalluni aappariinneq ajoquser tup toqunera tikillugu ukiuni kingullerni marlunni attatiinnarneqarsimappat aappariillu pif fissami ajoquser tup toqquiani inooqatigiissimappata.

Imm. 3. Aningaasat ikaarsaariarnermi tunniuttakkat aamma qimagaasumut, ajoquser tup sulisilluni ajoquserneq sioqqullugu katissimallugu aapparisaatulli inooqatigisaanut pisassaritinneqassapput, in oooqatigiinneq piffissami toqqiusumi ukiuni kingullerni marlunni attatiinnarneqarsimappat.

Imm. 4. Toqusoq aningaasanik ikaarsaariarnermi tunniuttakkanik imm. 1-imiit 3-mut naapertorlug it pisinnaatitaasumik qimataqanngippat, aningaasat ikaarsaariarnermi tunniuttakkat inummut qimagaasumut allamut pisassanngortinneqarsinnaapput, taamaaliornissamut immikkut ittunik pissu tissaqartillugu.

Pilersuisigisamik annaasaqarnermut taarsiissutit

§ 24. § 23, imm. 1-imiit 3-mut naapertorlugit aningaasanik ikaarsaariarnermi tunniuttakkanik pisinnaatitaasoq, ajoquser tulli toquneratigut pilersuisigisaminik annaasaqartoq imaluunniit pilers orneqarneq eqqarsaatigalugu toqusoqarneratigut atugarliornerulersussaq tamatumunnga taarsiiffi gineqarsinnaatitaavoq. Taarsiissutissat pilersugaanerup annertussusia qimagaasullu imminent pilers ornissamut, tassa ukiut, peqqissuseq, ilinniagaqarneq kiisalu pilersugaqarneq aningaasarsiornerlu eqqarsaatigalugit periarfissai tunngavigalugit annertussusilerneqassapput.

Imm. 2. Taarsiissutissat toqusup ukiumut akissarsiarisimasaasa 30 pct.-iisut ukiumut annertussuseqartut, tak. § 28, piffissap aalajangersimasup ingerlanerani tunniuttakkatut tunniunneqartassapput. Taarsiissutissat ulloq toqquik aallarnerfigalugu qaammamm 1/12-itut annertussusillit siumoortumik tunniunneqartassapput. Ukiut pisartagaqarfissat annerpaamik ukiunik qulinik amerlasusilerneqarsinnaapput. Toqusoqarnerali pissutigalugu qimagaanersiutisiaqartitsisoqassappat taarsiissutissat aatsaat piffissap qimagaanersiuteqartitsiviup naaneraniit tunniunneqartalissapput. Toqusoq inatsit manna naapertorlugu inuussutissarsiorsinnaanermik annaasaqarnermut taarsiissutitik ingerlaavartumik pissarsisarsimappat, pilersuisigisamik annaasaqarnermut taarsiissutit aatsaat ullup toqqiusup kingorna qaammatip tulluuttup aallaqqaataaniit tunniunneqartalissapput.

Imm. 3. Imm. 2 naapertorlugu tunniuttakkat piffissami pisartagaqarfissatut aalajangikkami allanguuteqaratik ingerlaannassapput, tunniuttakkat tamakkiisumik ilaannakuusumilluunniit ataatsikkut aningaasanngorlugit tunniutassanngortinneqanngippata imaluunniit pisartagaqarsinnaatitaasoq toquppat.

Imm. 4. Qimagaasunut tunngatillugu taarsiissutit ingerlaavartumik tunniunneqartarnerat qaammatip pissarsisartup 65-inik ukioqalerfiata naaneraniit unitsinneqassaaq.

§ 25. Toqusoq qitornaminik pilersussallugit pisussaaitaaffigisaminik imaluunniit akilersuuteqarfiggissallugit pisussaaitaaffigisaminik qimataqarpat meeqqat tamarmik, angajoqqaamik arlaannik suli najorteqartut 18-inik ukioqalernissartik tikillugu ingerlaavartumik pisartagaqarsinnaatitaassapput, toqusup ukiumut akissarsiarisimasaasa 10 pct.-iisut ukiumut annertussuseqartunik, tak. § 28.

Imm. 2. Meeqqap imm. 1 naapertorlugu ingerlaavartumik pisartagaqartitaasup angajoqqaatuartiligaa toquppat, meeraq toqusup ukiumut akissarsiarisimasaasa 20 pct.-iisut annertussuseqartunik piffissami sinneruttumi ukiumut pisartagaqartinneqassaaq. Ukiutum tunniuttakkat taakku meeqqanut tamanut toqusup kisimiilluni pilersugarisimasaanut pisartagassanngortinneqassapput meeqqat 18-iliinissaat tikillugu.

Imm. 3. Meeraq 18-inik ukioqalernermini ilinniartuuppat, pissutsillumi taamaaliornissamut tunngavissaqartitsippata taava pisartagaqartitsineq ilinniarnep naammassinissaanut sivit-sorneqarsinnaavoq, sivisunerpaamilli pineqartup 21-liinera tikillugu. Aamma toqusup qitornaa toqunerup nalaani 18-ileereersimasoq ilinniagaqartuusorlu taamatulli periarfissaqartitaassaaq.

Imm. 4. Imm. 1-imiit 3-mut naapertorlugit pisartagarititassat toqusup ukiumut akissarsiarisimasaasa 50 pct.-iinit amerlaneruppata, pisartagassat ataasiakkaat katillutik toqusup ukiumut akissarsiarisimasaasa 50 pct.-iinut ikililerneqassapput. Tassunga peqatigitillugu § 24 naapertorlugu taarsiissutit tunniunneqartarpata tunniuttakkat taamatulli toqusup ukiumut akissarsiarisimasaasa 40 pct.-iinut ikililerneqassapput.

Imm. 5. Imm. 1-imiit 3-mut naapertorlugit pisartagarititat ulloq toqquik aallarnerfigalugu qaammamm 1/12-itut annertussusillit siumoortumik tunniunneqartassapput. Toqusoqarnerali pissutigalugu qimagaanersiutisiaqartitsisoqassappat taarsiissutissat aatsaat piffissap qimagaanersiuteqartitsiviup naaneraniit tunniunneqartalissapput.

§ 26. §§-it 24 aamma 25 naapertorlugit ukiumut pisartagarititat tamarmiusut toqusup ukiumut akissarsiarisimasaasa 70 pct.-iinit minneruppata killissarititaasup taassuma iluani pissutsit immikkut ittut tunngavigalugit taarsiissutissanik allanut, toqusup tamakkiisumik ilaannakuusumilluunniit suli-silluni ajoqusernini tikillugu pilersorsimasaanut pisassanngortitsisoqarsinnaavoq. Taarsiissutissat, toqusup qitornassaannut 21-it inorlugit ukiulinnut taarsiissutit eqqaassanngikkaanni ataatsikkut aningaasanngorlugit tunniunneqarsinnaapput, tak. § 31.

Qimagaasunut ajunngitsorsiat

§ 27. Toqusoqarnera piaaraluneertoqarnerani mianersuaalliorujussuartoqarneraniluunniit pisimap-pat qimagaasut toqusumut immikkut ittumik qaniginnittuusut immikkut ittumik ajunngitsorsiaqar-tinneqarsinnaapput.

Imm. 2. Imm. 1 naapertorlugu ajunngitsorsiaqartitsinissamik naliliinermi, aammalu ajunngitsorsiat annertussusissaannik aalajangiinermi ajoqusiisup iliusaata suunera, taamatullu aamma qimagaasu-mut qimagaasunulluunniit qanoq naalliuutaatigisimanera ajoqusiisimaneraluunniit immikkut ittu-mik isiginiarneqassapput.

Kapitali 5

Ukiumut akissarsianik annertussusiliisarneq iluarsiiisuteqartarnerlu

§ 28. Ukiumut akissarsiat tassaapput ajoqusertup ukiumi ajoquserfimmi siuliani akissarsiai tamar-miusut. Atorfinitsitaanermi immikkut ittunik atugassaqaartitsisoqarsimappat, imaluunniit ajoqusertoq inuussutissarsiornikkut nappaatigilikani pissutigalugu ukiup siulia tamaat akissarsiani pigiinnarlugit sulisinneqarsimanngippat, imaluunniit ajoqusertoq nappaatip ulloq nalunaarutigineqarfia siog-qullugu piffissami sivikinnerusumi sivisunerusumiluunniit inuussutissarsiorsinnaasimanngippat uki-umut akissarsiat missingersuinikkut amerlassusilerneqartassapput.

Imm. 2. Ukiumut akissarsianut ilanngullugit naatsorsuutigineqassapput akeqanngitsumik ner-isaqartitaanerup ineqartitaanerullu nalingat kiisalu allat nioqqutissanngorlugit tunniunneqartartut nalingat. Arbejdsskadestyrelsen pisortaata inuit sulisitsisuminni najugaqarallartut nerisaqarnerisa in-eqarnerisalu nalingat aalajangersassavaa.

Imm. 3. Ukiumut akissarsiat 451.000 kr.-t sinnerlugit annertussusilerneqarsinnaanngillat. Anin-gaasat § 29 naapertorlugu iluarsiivigineqartassapput.

Imm. 4. Ajoqusertoq 18-it inorlugit ukioqarpat imaluunniit ilinniagaqartuuppat ukiumut akissar-sianik annertussusiliinermi, ajoqusertup ajoquserneq pisimanngitsuuppat 18-inik ukioqalereernermi-gut inuussutissarsiornermigut ilinniagaqareernermigulluunniit isertitarisinnaasai eqqarsaatigineqass-apput. Ukiumulli akissarsiat minnerpaamik 55.200 kr.-nik, § 29, imm. 2 naapertorlugu iluarsiivigi-sanut annertussusilerneqassapput, ajoqusertup inuussutissarsiorsinnaanera sulisilluni ajoquserneq si-qqulluguli annertuumik annikilleriareersimanngippat.

Imm. 5. Piniartutut, aalisartutut, savaatilittut il.il. namminersortutut ingerlatsisunut, ataatsimoortu-mik sillimmasersimasunut tak. § 67, ilanngunneqassapput aningaasat namminermut atugassat pisat nioqqutissiallu nalinginut matussutissat. Aningaasat ullormut narisaqarnermut qaqugukkulluunniit atuuttut akigitinneqartup affaata tallimarterutaapput, tak. imm. 2. Ukiumut aningaasarsiat 55.200 kr.-nit annikinnerutinneqarsinnaanngillat, aningaasat namminermut atugassat pisat nioqqutissiallu il.il. nalingat ilanngaatigereerlugit.

Imm. 6. Pisuni, isertitanut tunngasutigut ataavartumik allannguuteqarpat, sulisilluni ajoqusertoqar-fiunngitsuni, ukiumut aningaasarsiat aalajangersarneqassapput, piffissamiit isertitanut tunngasutigut pissutsit allanngorneraniit isertitassat naatsorsuutigineqartut tunngavigalugit.

Imm. 7. Namminersorlutik inuussutissarsiummik ingerlataqartunut tunngatillugu ukiumut akissarsiat naatsorsornissaannut maleruagassat erseqqinnerusut Arbejdsskadestyrelsen pisortaata aalajangersassavai.

Imm. 8. Ullormusiat aamma inuussutissarsiorsinnaanermik annaasaqarnermut pilersuisigisamillu annaasaqarnermut taarsiissutissat ingerlaavartumik tunniuttagassatut naatsorsornissaannut iluarsii-viginissaannullu tunngaviusussamik akissarsianik annertussusiliisoqassaaq. Taakku ukiumut akissar-siat imm. 1-imiit 6-imut maleruagassat naapertorlugit annertussusilikkat, 55.200 kr.-t ukiumullu akissarsiat minnerpaaffissaasa sulisilluni ajoqusernerup pinerani atuuttut nikingassutaannik amerli-neqarnerisigut naatsorsorneqassapput.

§ 29. Ataavartumik ajuuteqalernermi ajunngitsorsiat § 22-mi taaneqartut, aamma ukiumut akissarsiat annerpaaffissaat § 28, imm. 3-mi taaneqartoq sulisilluni ajoqusersinnaanermut isuman-naarineq pillugu inatsimmi § 25, imm. 1-imi maleruagassat naapertorlugit iluarsivigineqassapput.

Imm. 2. Aningaasat ikaarsaariarnermi tunniuttakkat § 23-mi taaneqartut aamma ukiumut akissarsiat minnerpaaffissaat § 28, imm. 4-mi 5-imilu taaneqartoq procentimik, Kalaallit Nunaanni akinut iluarsiiussummut naleqqersuutip ukiup siuliani julip qaammataani atuuttup Kalaallit Nunaanni akinut iluarsiiussummut naleqqersuutip juli 2009-imi atuuttumut naleqqiullugu allannguutaanut naapertuut-tumik ukiut tamaasa 1. januarimi iluarsivigineqartassapput. Aningaasat tassuunakkut naatsorsukkat koruuninut 100-mik agguarneqarsinnaasunut qaninnerpaanut qummut akunnaallineqassapput.

Imm. 3. Ullormusiat ingerlaavartumillu tunniunneqartartut akissarsiat tunngaviusut aallaavigalugit aalajangersarneqartut, tak. § 28, imm. 7, aningaasat imm. 2-mi taaneqartut procentiata assinganik iluarsivigineqassapput.

Imm. 4. Arbejdsskadeystyrelsen pisortaata ukiut tamaasa oktoberip qaammataa naatinnagu sutigut iluarsiiusuteqartoqassanersoq nalunaarutigisassavaa. Allannguutissat januarip tulliuttup aallaqqaa-taaniit atuutilertassapput.

Imm. 5. Taarsiissutitut pisartagassanik ingerlaavartumik tunniunneqartartussanik annertussusiliinermi, ataatsikkut aningaasannorlugit akiliinissami kiisalu ataavartumik ajuuteqalernermi ajunngitsorsiat aningaasartaannik annertussusiliinermi taarsiissutissat aamma ajunngitsorsiat, sulisilluni ajoquserneq piffissap aalajangiiffiup nalaani pisutut isigalugu naatsorsorneqassapput.

Imm. 6. Ukiumut ingerlaavartumik pisartagarititat 12-imik agguarneqarsinnaanngitsut koruuninut 12-imik agguarneqarsinnaasunut qaninnerpaanut qaffanneqassapput.

Kapitali 6

Taarsiissutit tunniunneqartarnerat

§ 30. Inatsit manna malillugu taarsiissutit, ajunngitsorsiat aamma ullormusiat ajoqusersimasunut qimagaasimasunullu tunniunneqassapput, taamaattorli tak. imm. 6.

Imm. 2. Arbejdsskadeystyrelsen immikkut ittunik pisoqartillugu ullormusiat, taarsiissutit ataavartumillu ajoquteqalernermi ajunngitsorsiat ajoqusernumut qimagaasunullu tunniussinnaavai, aningaasallu akilerallakkat ernialerlugit, tak. § 65, tamatuma kingorna sillimmasiisarfimmumut imaluunniit Arbejdsmarkedets Erhvervsyndomssikringimut piumasaqaatigalugit.

Imm. 3. Arbejdsskadeystyrelsen ullormusiat ajoqusersumasut tunniutissavai, kingorna sillimmasiisarfimmiit imaluunniit Arbejdsmarkedets Erhvervsyndomssikringimit taarsertillugit.

Imm. 4. Aningaasat imm. 1-imi pineqartut ullormit aningaasat pisassanngortinneqarnerannik nalunaaruteqarfiusumiit sap.ak. 4-nit kingusinnerusumik tunniunneqarpata, aningaasat sap.ak. 4-nik piffissarititaasup naaneraniit tunniunneqarnissaat tikillugu erniat ukiumoortut, kingusinaarluni akiliinermi il.il. ernialersuisarneq (pillaatitut ernialersuisarneq) pillugu inatsit, Kunngip peqqussutaatigut Kalaallit Nunaanni atuuttussanngortinneqarsimasoq naapertorlugit annertussusiligaasut annertoqqa-taannik ernialersorneqassapput. Pisuni § 33, imm. 1-imi pineqartuni piffissaliusseq tassaavoq ullormit kommunip utertivigineqarnissamik piumsaqaammik taarsiissutitut akiliuteqartussamut inaarutaasumik nalunaarutigisaaniit ullut 14-it.

Imm. 5. Ullormusiaqarsinnaatitaaneq, inuussutissarsiorsinnaanermik annaasaqarnermut pilersuisigisamillu annaasaqarnermut taarsiissutit ingerlaavartumik tunniunneqartartussat pisassanngortinneqarsimasut qaammatip tunniunneqartartunik pissarsisartup toquffiata naanerani tunniunneqartarun-naassaapput.

Imm. 6. Taarsiissutissat qaammammut toqquiusumut tunngassuteqartut aammalu qaammatinut siusinnerusunut tunngassuteqartut tunniunneqarsimangippata taarsiissutissat pissarsisartup katissimallugu aapparisaanut tunniunneqassapput, aappariit piffissami toqquiusumi inooqatigiissimappata. Pissarsisartuq katissimallugu aapparisaaminik inooqatigisaminik qimataqanngippat aningaasat toqusup pigisaanut tunniunneqassapput.

§ 31. Ukiumut ingerlaavartumik taarsiissutissat inuussutissarsiorsinnaanermik 50 pct. inorlugu annaasaqarnermut § 21 malillugu pisassanngortitaasut nalinginnaasumik, aammalu taarsiissutisisinnaatitaasoq akuersiseqqaanngikkaluarlugu aningaasanngorlugit ataatsikkut tunniussassanngortinneqassapput. Inuussutissarsiorsinnaanermik annaasaqarnermut taarsiissutissat inunnu piffissami aalajangiiffiusumi 63-inik ukioqalereersunut § 21, imm. 7, oqaaseqatigiit aappaat naapertorlugit pisassanngortinneqartut tamatigut aningaasanngorlugit ataatsikkut tunniunneqartassapput. Inuussutissarsiorsinnaanermik annaasaqarnermut taarsiissutissat pillugit § 21, imm. 3 naapertorlugu utaqqiisagallartumik aalajangiisoqarsimatillugu taarsiissutissat aningaasanngorlugit ataatsikkut tunniussassanngortinneqarsinnaanngillat.

Imm. 2. Inuussutissarsiorsinnaanermik annaasaqarnermut 50 pct.-iusumut taassumangalu anner-tunerusunut ukiumoortumik ingerlaavartumik taarsiissutissanik pisassanngortitsisoqarsimatillugu, taarsiissutisisinnaatitaasup tamanna qinnutigippagu taarsiissutissat ilaat inuussutissarsiorsinnaanermik annaasaqarnerup 50 pct.-itai tikillugit annertussuseqartut aningaasanngorlugit ataatsikkut tunniutassanngortinneqassapput. Pissarsisussa 63-inik ukioqalereersimappat taarsiissutissatut ingerlaavartumik tunniutassanngortinneqartut aningaasanngorlugit ataatsikkut tunniutassanngortinneqarsinnaanngillat

Imm. 3. Pilersuisigisamik annaasaqarnermut § 24 naapertorlugu taarsiissutissat taarsiissutisisinnaatitaasup qinnuteqarneratigut aningaasanngorlugit ataatsikkut tunniunneqassapput.

Imm. 4. Ingerlaavartumik pisartagaritit aningaasanngorlugit ataatsikkut tunniutassanngortinneqarneranni, pisartagarisat piffissami aningaasanngorlugit ataatsikkut tunniunneqarfigisaanni annertussusiat tunngavigineqassaaq, piffissaq tassaalluni piffissaq aningaasanngorlugit ataatsikkut tunniunneqartussat tunniunneqarfigisinnaasaat. Taarsiissutinik aningaasanngorlugit ataatsikkut tunniussassanngortitsisarneq taamaallaat siunissami pisussanut atuutissaaq. Ingerlaavartumik pisartagarititanik aningaasanngorlugit ataatsikkut tunniussisoqartarnissaanut maleruagassat, Arbejdsskadestyrelsen pisortaata aalajangersassavai Nammisorlutik Oqartussat isumaqatiginiareerlugit.

Imm. 5. Inuussutissarsiorsinnaanermik annaasaqarnermut taarsiissutissat pillugit inaarutaasumik aalajangiisoqarpat, taarsiissutisisinnaatitaasullu taarsiissutissat aningaasanngorlugit ataatsikkut tunniunneqarnissaat qinnutigisimappagu, taarsiissutisisinnaatitaasorli aningaasanngorlugit ataatsikkut tunniunneqartussat tunniunneqannginneranni toqusimappat, aningaasat toqusup pigisaanut tunniunneqassapput. Ingerlaavartumik pisartagarititanik aningaasanngorlugit ataatsikkut tunniussassanngortitsineq pisartagaritit ullup toqquiusup siuliani annertussusiat tunngavigalugu pissaaq.

§ 32. Ajoqusertoq sulisilluni ajoqusernerup kingunerisaanik Kalaallit Nunaanni atorfillit soraarnerussutisiaat pillugit malittarisassat atuuttut malillugit soraarnerussutisiaqartussaappat, ajoqusertup inuussutissarsiorsinnaanermik annaasaqarnermut inatsit manna naapertorlugu taartisiassaasa nalingi ikilisinneqassapput. Ikilisitsissut atorfillittut qanoq sivilutigisumik sulisimaneq tunngavigalugu soraarnerussutisiat saniatigut qaffaatip nalingata 2/3-ianik annertussuseqassaaq.

Imm. 2. Sulisilluni ajoquserneq toqumik kinguneqarpat, qimagaasullu Kalaallit Nunaanni atorfillit soraarnerussutisiaat pillugit malittarisassat atuuttut malillugit soraarnerussutisianik pisartagaqartussaappata, inatsit manna naapertorlugu ukiumut ingerlaavartumik pisartagaritit soraarnerussutisiat

toqusup toqugami atorfilittut qanoq sivilisutigisumik sulisimamera tunngavigalugu soraarnerussutisia-ritinneqartut saniatigut qaffaatip nalingata 2/3-ianik ikilisinneqassapput.

Imm. 3. Imm. 1-imi 2-milu aalajangersakkat taamatuttaaq atuutissapput inatsit manna naapertorlugu taarsiissutisisinnaatitaasunut allanut, Kalaallit Nunaanni atorfillit pillugit malittarisassanut naapertuuttumik soraarnerussutisiaqartinneqartussat aalajangersaavigineqarsimasunut. Taamaattoqartillugu sillimmasiisarfiup imaluunniit Arbejdsmarkedets Erhvervssygdømsikringip soraarnerussutisianik tunniussisussap, ajoqusertup qimagaasulluunniit inatsit manna naapertorlugu taartisiassaani ilanngaatisatut naatsorsorneqarsimasut annertoqqataat akilissavai.

§ 33. Ajoqusertoq qimagaasulluunniit isumaginninnermut tunngasut pillugit Inatsisartut peqqusutaat malillugit piffissami aalajangersimasumi aningaasanik pisartagaqarsimappata, kingusinnerusukkullu ullormusianik, tak. §-it 16-imiit 20-mut, inuussutissarsiorsinnaanermik annaasaqarnermut ingerlaavartumik taarsiissutinik, tak. § 22, imaluunniit pilersuisigisamik annaasaqarnermut taarsiissutinik, tak. §§-it 24-miit 26-mut tunineqartussanngortitaallutik, taava kommuni utertitsivigineqarnissaminik sillimmasiisarfirmut imaluunniit Arbejdsmarkedets Erhvervssygdømsikringimut piumasqaartussaavoq. Utertitsivigineqarnissamik piumasarineqartut tassaapput aningaasat tunniunneqarsimasut aningaasallu isumaginninnikkut tunniuttakkanut peqatigitillugu taarsiissutinik akiliisoqassagaluarpat tunniunneqarsimasussaagaluit nikingassutaat. Kommunilli utertitsivigineqarnissamik piumasqaatai aningaasanit inatsit manna naapertorlugu pineqartumut piffissami tassani tunniunneqarsimasunit amerlanerusinnaanngillat. Utertitsivigineqarnissamik piumasqaat kommunip taarsiissutissanik tunniussisoqarnissaanik nalunaarfigneqarneraniit sap.ak. 4-t qaangiutinnginneranni saqqummiunneqanngippat piumasqaarsinnaaneq atorunnaassaaq.

Imm. 2. Ajoqusertoq taassumaluunniit qimatai sulisilluni ajoqusernerup kingunerisaanik taarsiiffigineqarsimappata ajunngitsorsiaqartinneqarsimappataluunniit, ajoqusiisoq taarsiissuteqarnissamut akisussaasoq taassumaluunniit akisussaasutut sillimmasiisarfiata sulisilluni ajoqusersinnaanermut sillimmasiisarfirmut imaluunniit Arbejdsmarkedets Erhvervssygdømsikringimit utertitsivigineqarnissamik piumasqaartussaavoq. Ajoqusiisup taarsiissuteqarnissamut akisussaasup taassumaluunniit akisussaasutut sillimmasiisarfiata piumasarisasa assigaat aningaasat taarsiissutigineqartussat ajunngitsorsiaritinneqartussallu sulisilluni ajoqusersinnaanermut sillimmasiisarfiup imaluunniit Arbejdsmarkedets Erhvervssygdømsikringip piffissami piumasqaatit saqqummiunneqarfianni akilissallugit pisussaaffii.

§ 34. Piumasarisat ajoqusertup taassumaluunniit qimataasa inatsit naapertorlugu pisassarisaat isumaqatigiissuteqarnikkut allanut nuunneqarsinnaanngillat. Akiligassaqarfiit piumasarisat taakku aki-liutigitissinnaanagilluunniit eqqartuussiviit aqutigalugit malersorsinnaanngilaat.

Kapitali 7

Nalunaarutiginninneq suliamillu suliarinninneq

§ 35. Sulisilluni ajoquserneq inatsit naapertorlugu aningaasanik pisartagaqarnissamik piumasqaarfiusinnaassangatitaq sapinngisamik piaarnerpaamik kingusinnerpaamillu ajoqusernermiit ullut 9-t qaangiunneranni nalunaarutigineqassaaq.

Imm. 2. Sulisilluni ajoquserneq imm. 1 naapertorlugu nalunaarutigineqanngitsoq, ajoqusernerullu pineraniit sapaatip akunnerisa tallimat qaangiunneranni ajoqusertup tamakkiisumik nalinginnaasumik sulilersinnaasimannginneranik nassataqartoq kingusinnerpaamik tamatuma qaangiunnerani ullut 9-t qaangiunneranni nalunaarutigineqassaaq.

Imm. 3. Imm. 1 aamma 2 aamma atuuppoq inuussutissarsiornermi nappaatigilikkanut, taamaattorli nalunaaruteqarnissamut piffissarititaq piffissamit nalunaarutiginninnissamut pisussaasup nappaatip inuussutissarsiornermik pissuteqarsorineqarneranik ilisimasaqalerfigisaaniit aallartittumik naatsorsorneqassaaq.

Imm. 4. Arbejdsskade styrelsi akunnerit 48-t qaangiutsinnagit toqusoqarsimaneramik nalunaarfigineqassaaq, sulisilluni ajoqusernermik tungaveqartunik, matumani ilanngullugu suliffimmi pisimasut toqusut tamarmik.

§ 36. Sulilluni ajutoornernik nalunaaruteqartussaataitaavoq sulisitsisoq isumannaarinissamut pisussaataitaasoq, tak. § 52.

Imm. 2. Inuk angerlarsimaffimmi allatulluunniit sulisitsisumit namminermit sulisitaasoq isumannaariffigisaanissamullu pisussaaffiunngitsaq, tak. § 52, imm. 6, pillugu nalunaaruteqarnissaaq sulisitsisup pisussaaffigaa.

Imm. 3. Inuk § 52, imm. 2 aamma 4 naapertorlugit imminut isumannaariffigisimasoq aamma inuk § 4, imm. 2, nr. 4-mi pineqartunut ilaasoq nalunaarutigineqassaaq pineqartumit namminermit imaluunniit taassuma qimataanit.

§ 37. Sulisitsisup nalunaaruteqartussaataitaasup, tak. § 36, aammalu inuup imminut isumannaariffigisimasup, tak. § 52, imm. 2 aamma 4, ajoqusernerit Arbejdsskade styrelsimut nalunaarutigissavaat.

Imm. 2. Imm. 1 taamatuttaaq atuuppoq ajutumeernernut imaattoqartillugu

- 1) isumannaarinnittussaataitaaneq eqquutsinneqarsimanngippat, tak. § 52, imm. 1 aamma 4,
- 2) isumannaarinnittussaataitaasoqanngippat, tak. § 52, imm. 5 aamma 6, imaluunniit
- 3) ajoquserneq § 4, imm. 2, nr. 4-mi pineqartunut ilaappat.

§ 38. Nakorsat kigutillu nakorsaasa inuussutissarsiornermi nappaatigilikkat qularnaatsut taamatullu pasitsaassat, inuussutissarsiornermik ilisimalikkatik pillugit Arbejdsskade styrelsimut aamma Kalaallit Nunaanni Sullivinnik Nakkutilliisoqarfimmut nalunaaruteqartarnissaat pillugu maleruagassat suliaaqqartitsinermit ministerip aalajangersassavai.

§ 39. Nalunaarutit sunik paasissutissartaqarnissaat qanorlu nalunaaruteqartoqartarnissaa pillugit maleruagassat Arbejdsskade styrelsip pisortaata aalajangersassavai. Sulisilluni ajoqusernerit qarasaasiat aqutugalugit nalunaarutigineqarsinnaanerit maleruagassiani allasimasinnaavoq.

Imm. 2. Kommunalbestyrelsit, Arbejdsmarkedets Erhvervssygdomssikringip aamma sillimmasiisarfiit inatsisip atuutsinneqarnerani peqataanissaat pillugu maleruagassat erseqqinnerusut Arbejdsskade styrelsip pisortaata aalajangersarsinnaavai.

Imm. 3. Sulisilluni ajoqusernerit nalunaarutigineqartarnissaat nakorsallu uppernarsaatitut oqaaseqaataannik, suliaasap suliarineqarnissaani pisariaqartinneqartunik tunniussisoqartarnissaa pillugit maleruagassat Arbejdsskade styrelsip pisortaata aalajangersassavai. Nakorsat uppernarsaatitut oqaaseqaataasa nakorsallu allagarsiussaasa, tak. imm. 4, akimik aalajangersimasumik qanoq innikkut akilerneqartarnissaat, akillu taassuma annertussusissaa pillugit maleruagassat Arbejdsskade styrelsip pisortaata aamma aalajangersassavai.

Imm. 4. Nakorsat uppernarsaatitut oqaaseqaataannut, matumani aamma nakorsat immikkut ilisimasallit uppernarsaatitut oqaaseqaataannut toqusimasunillu pilattaalluni misissuinerit pillugit oqaaseqaatinut, aammattaarlu oqaaseqaatinut allagartatigullu uppernarsaasiussanut allanut, matumani aamma naatsorsuutininik kukkunersiuisut naatsorsuinerannut pisariaqartunut nutserinermullu aningaasartuutit sillimmasiisarfiup aamma Arbejdsmarkedets Erhvervssygdomssikringip akilissavaat.

§ 40. Nalunaarulli piffissaagallartillugu nassiunneqarsimanngippat ajoquser tup qimagaasulluunniit inatsit malillugu taarsiiffigineqarnissaq, sulisilluni ajoqusernermiit ukioq ataaseq qaangiutsinagu piunasaqaatigisinnaavaat. Inuussutissarsiormi nappaataalersunut, tak. § 7, tunngatillugu piffissarititaq piffissamit ajoquser tup qimagaasulluunniit nappaatip inuussutissarsiummik pat-siseqarsorineqarneranik ilisimannilerfianniit naatsorsorneqassaaq. Piffissarititaasoq atuutinngitsoortinneqarsinnaavoq, uppersarsineqarpat ajoqusersimasooq sulisilluni ajoqusersimasooq, tak. § 5, aamma § 14 imaluunniit §§ 21 – 27 malillugu ajoqusersimasooq imaluunniit sulisilluni ajoquserner-sup kingunerisaanik qimagaasut taarsiiffigineqarnissaminnut pisinnaatitaappata. § 11, imm. 2 aalajangersagaq manna malillugu pissutaasut attuumassuteqarnerisa naliliiffigineqarneranni atuutis-sannigilaq.

Imm. 2. Pisimasooq nalunaarutigineqartoq pissutsit ajoquser tup qimagaasulluunniit pisuussuti-gisaanik pissuteqartumik suliarineqarsinnaanngippat, inatsit naapertorlugu piunasaqaatit sulisil-luni ajoqusernermiit ukiut tallimat qaangiunnerisigut atorunnaassapput.

§ 41. Arbejdsskadestyrelsi suliamik paasisimasalinnik ajoquserfiusumut misissuiartortitsisinnaa-voq.

Imm. 2. Arbejdsskadestyrelsip aamma Ankestyrelsip paasisutissanik sunilluunniit styrelsip pingaaruteqarsorisaanik tunineqarnissartik sulisitsisunut, sulisorisanut, kommuninut susasaqar-tunullu allanut, matumani aamma napparsimmavinnut, suliffeqarfinnut nakorsanullu suliarinnittunut il.il. piunasarisinnaavaat. Tamakku ilaatigut tassaapput politiinit nalunaarusiaajunnartut, nappar-simmavinni ullormut nalunaarsuutit taakkunungalu attuumassutillit, nioqqutissiornermi periaatsit, nioqqutissiat akoorutissallu sananeqaatsiminni akugisaat pillugit paasisutissat nalunaarusiallu, im-aluunniit nalunaarusiat, nalunaarsuutit sananeqaatillu nassuiaatitaasa (formler) taakku assilineqarneri. Arbejdsskadestyrelsip Kalaallit Nunaanni eqqartuussisarnermik inatsimmi kap. 8 naapertorlugu eqqartuussisutigit killisiuisooqarnissaa piunasarisinnaavaa, taassuma imaqarnili-orneqarnera pisinnaallugu, kiisalu toqusup timaanik pilattaasarneq pillugu inatsisitigit maleruagas-sat naapertorlugit toqusup timaanik pilattaasooqarnissaa piunasarisinnaallugu, taamaattorli tak. § 12, imm. 2. Paasisutissat qarasaasiat aqqutigalugit piniarneqarsinnaapput.

Imm. 3. Inatsit una malillugu suliarinninnissamut atugassanik Arbejdsskadestyrelsi kommunillu sulisilluni ajoqusernerit piginnaanngorsaaqqiinerillu kiisalu sioqqutsilluni pensionisiat suliarineqar-tarnerannut paasisutissanik katersiffiit pilersinneqartarnerannut paasisutissiiffigeqatigiissinnaap-put. Paasisutissiiffigeqatigiinneq nammineq aamma innuttaasoq akuersiseqqaarnagu pisinnaavoq.

Imm. 4. Inunnut § 52, imm. 3-mi taaneqartunut tunngatillugu sulisilluni ajoquserneq tassunngalu atatillugu pisimasut pillugit paasisutissanik sukumiisunik umiarsuup allattaaviinut allattuinnissaq umiarsuup naalagaata pisussaaffigaa.

§ 42. Kalaallit Nunaanni sulisilluni ajoqusernerit pillugit sulianik suliarinninnermi, § 41 malillugu paasisutissanik pissarsinissamut akuersissut pissarsiarineqarsinnaavoq, ajoquser toq imaluunniit qimagaasoq, nalunaaruteqartoqarsimaneramik allaganngorlugu uppersarsaanikkut, erseqqissaavi-gineqarpat, paasisutissat qanoq ittut pissarsiarineqassanersut, tamatumunngalu akerliussutissaasin-naasunut piffissarititamik tunineqarluni.

§ 43. Ajoquser toq sulisilluni ajoqusernerup pereerneratigut sapinngisamik piaarnerpaamik nakor-samut inummulluunniit peqqinnissaqarfimmi taamatut misissuinissamut piginnaatitaasumut misissortissaaq, tamannalu pereerpat nakorsap imaluunniit Arbejdsskadestyrelsip pisariaqarsor-isaatut nakorsamut katsorsartissalluni imaluunniit sungiusaqqinneqassalluni. Ajoquser toq pisari-aqassappat napparsimmavimmi assigisaaniluunniit misissugassatut uneqqusaaguni uninngassaaq. Ajoquser toq aammattaaq Arbejdsskadestyrelsip aalajangiinera malillugu nakorsamut Arbe-

jdsskadestyrelsip toqqagaanut misissortissaaq, sulisinnaanermut misilitsissalluni qinnuigineqarnermigullu Arbejdsskadestyrelsimut oqaatsitigut nassuiaateqassalluni. Ajoquser tup aalajangersagaq manna malillugu piumasaqaatit malinnigippagit § 12, imm. 1-imi maleruagassaq atuutsinneqassaaq.

Imm. 2. Ajoquser toq nakorsamit katsorsarneqarnerminut il.il., tak. imm. 1, atatillugu angalanermut aningaasartuutitut akiliunneqarnissaminut pisinnaatitaavoq, nakorsamit katsorsarneqarneq il.il. Arbejdsskadestyrelsip piumasaqarnera malillugu pippat. Aammattaaq ajoquser toq katsorsartinnermini il.il. sulinikkut iluanaarutissaagaluanit annaasanut uppersaasikkanut taartisiaqarsinnaatitaavoq, tak. imm. 1, oqaaseqatigiit aappaat pingajuilu, qimagusimaneq minnerpaamik nal. akunnerinik 2-nik sivisussuseqarsimappat. Nalunaaquttap akunnermusiap annerpaaffissaa, ukiumut akissarsianut § 28, imm. 3-mi taaneqartunut naapertuuttoq naatsorsuiner mi tunngavigineqassaaq. Ajoqusernerit pillugit suliassani aningaasartuutit sillimmasiisar fimmit akilerneqassapput. Inuussutissarsiornermi nappaatigilikkat pillugit suliassani aningaasartuutit Arbejdsmarkedets Erhvervssygdomssikringip akilissavai.

Imm. 3. Imm. 2 aamma atuuttassaaq paasissutissat imm. 1-imi taaneqartut Ankestyrelsimit qinnutigineqarsimatillugit.

Imm. 4. Sillimmasiisarfiup imaluunniit Arbejdsmarkedets Erhvervssygdomssikringip aningaasartuutit imm. 2 aamma 3 naapertorlugit akiliisussaanerata Arbejdsskadestyrelsip imaluunniit Ankestyrelsip piumasaqaateqarneratigut pinissaanik piumasaqaat sanioqqunneqarsinnaavoq, paasissutissat Arbejdsskadestyrelsip imaluunniit Ankestyrelsip pisariaqartuusorippagit. Sulisilluni ajoquserner nut tunngatillugu suliassani sillimmasiisarfiup taamaallaat akilissavai aningaasartuutit ajoqusernerup kingorna pinngortut akilerneqarsimasulluunniit. Inuussutissarsiornermi nappaatigilikkat pillugit suliassani Arbejdsmarkedets Erhvervssygdomssikringip taamaallaat akilissavai aningaasartuutit ajoqusernerup nalunaarutigineqarnerata, tak. § 8, imm. 2, kingorna pinngortut akilerneqarsimasulluunniit.

Imm. 5. Aningaasartuutit imm. 2 aamma 3 naapertorlugit akilerneqarnissat pillugu maleruagassat Arbejdsskadestyrelsip pisortaata aalajangersassavai, aammalu angalanermut il.il. qanoq annertutiginik akiliisoqarsinnaanersoq ukiumoortumik nalunaarutigisassallugu.

§ 44. Paasinarsippat ajoquserneq nalunaarutigineqartoq inatsimmi ilaatinneqanngitsoq, tamanna pillugu Arbejdsskadestyrelsi aalajangiissaaq. Sulianut, ajutumeernerit pillugit § 6 malillugu suliarineqartut, aalajangiisoqassaaq kingusinnerpaamik Arbejdsskadestyrelsip nalunaarut tigoreernerata kingorna qaammatit pingasut qaangiutsinnagit. Sulianut, inuussutissarsiornermi nappaataalersut allattorsimaffiat pillugit § 7, imm. 1, nr. 1 malillugu suliarineqartut, qaammatit arfiniliupput. Inuussutissarsiornermi nappaataalersunut, § 7, imm. 1, nr. 2 aamma § 7, imm. 2 malillugit suliarineqartut, Erhvervssygdomsudvalgimut saqqummiunneqartussat, ukiunik marlunnik piffissarititaasoq § 15, imm. 1-imi taaneqartoq taamaallaat atuutinneqassaaq

Imm. 2. Ajoquser toq ajoqusernerup nalunaarutigineqareerneratigut toquppat, toqqutaasup inatsimmi pineqartunut ilaatinneqarsinnaaneraniq qimagaasunut nalunaaruteqarnissami imm. 1-imi piffissarititat taamatulli atuutissapput. Taamaattoqartillugu piffissarititat toqunerup Arbejdsskadestyrelsimut nalunaarutigineqarneraniit naatsorsorneqassapput.

Imm. 3. Imm. 1 aamma 2 naapertorlugit aalajangiinissaaq piffissarititat naannginneranni pisinnaanngippat ajoquser toq qimagaasulluunniit tamatuminna ilisimatinneqassapput. Ilisimatitsissut taamaattoq tassaanngilaq aalajangiineq naammagittaalliutiginneqarsinnaasoq.

Kapitali 8

Allaffissorneq

Aalajangiinissamut pisinnaatitaaneq

§ 45. Arbejdsskadestyrelser apequtit tamaasa inatsit manna naapertorlugu aalajangiiffigisassavai, allatut aalajangiisoqarsimanngippat.

Imm. 2. Arbejdsskadestyrelseri inatsit manna malillugu sulianik suliarinninnermi illuatungeriit pi-masaqaataannik pituttugaanngilaq aamma suliat ataasiakkaat aalajangernissaannut ilitersuutiniq pi-tuttorsimanngilaq.

Suliassanngortitseqqittarneq

§ 46. Ajoqusertumit imaluunniit qimagaasunit qinnuigineqarnikkut imaluunniit Arbejdsskadestyrelseri iliuuseqarneratigut, ajoquserneq inatsimmi ilaatinneqannginnera pillugu aalajangi-ineq sugaluarterluunniit aalajangiinnermiit ukiut 5-t iluanni suliassanngorteqqinneqarsinnaavoq. Tamanna aamma atuuppoq sulianut, kingusinaartumik nalunaaruteqarsimaneq pissutigalugu it-igartitaasimasunut.

Imm. 2. Nappaatip nalunaarutigineqartup inatsimmi ilaatinneqannginnera Arbejdsskadestyrelseri nalunaarutigisimappagu, nappaallu taanna nappaatit allattorsimaffiannut § 7, imm. 1, nr. 1-imi taaneqartumut kingusinnerusukkut ilanngunneqarluni, suliaq Arbejdsskadestyrelseri aalajangiiner-aniit ukiut 5-it sinnerlugit qaangiutereersimagaluarpataluunniit suliassanngorteqqinneqarsinnaavoq.

§ 47. Taarsiissuteqarnissamik ajunngitsorsiaqartitsinissamillu apequtit, tak. §§-it 14, 21 aamma 22, siullermik aalajangiinnermi tunngavigisat annertuumik allannguuteqarsimappata ajoqusertup qin-nuteqarneratigut imaluunniit Arbejdsskadestyrelseri sulissuteqarneratigut, aalajangiinnermiit ukiut 5-it qaangiutinnginneranni suliassanngorteqqinneqarsinnaapput. Taamaaliornissamut immikkut illuin-nartunik pissutissaqartillugu piffissarititat sanioqqunneqarsinnaapput.

Imm. 2. § 21 naapertorlugu ingerlaavartumik tunniuttakkanik pisartagalik pissutsini atugarisamini allannguutit, tunniuttakkat ikililerneqarnissaannik tunniunneqartarunnaarnissaannilluunniit kingune-qarsinnaasorisani suulluunniit pillugit sillimasiisarfimmut, Arbejdsmarkedets Erhvervssygdoms-sikringimut imaluunniit Arbejdsskadestyrelsimut ilisimatitsissuteqartassaaq, soorluttaa sillim-masiisarfup, Arbejdsmarkedets Erhvervssygdomssikringip imaluunniit Arbejdsskadestyrelseri pi-sartagallip atugarisaani taamatut allannguuteqarsinnaaneq eqqumaffigissagaa.

§ 48. Qimagaasoq § 24, imm. 1 naapertorlugu taarsiissutiniq pisartagaqarsinnaatitaasutut isigine-qanngippat, pineqartup tamatuminnaga aalajangiinnermik tigusaqarnerminiit ukiut 5-it qaangiutsinna-git, taarsiissutit pillugit apequtip suliassanngorteqqinneqarnissaa qinnutigisinnaavaa. Taamatutaaq qimagaasup § 24, imm. 1, tak. imm. 2, naapertorlugu taarsiissutiniq pisartagaqartussanngortitaasi-masup, ingerlaavartumik tunniuttakkat piffissami aalajangersimasumik sivilissusilimmi tunniunne-qaqqitalernissaat anguniarlugu suliassanngortitseqqinnissaq tunniuttakkat unitsinneqarneranniit ukiut 5-it qaangiutsinnagit qinnutigisinnaavaa.

Maalaaruteqarsinnaatitaaneq

§ 49. Arbejdsskadestyrelseri § 45 naapertorlugu aalajangiineri ukunannga Ankestyrelsimut suli-
assanngortinneqarsinnaapput

- 1) ajoqusertumit taassumaluunniit qimataanit,
- 2) ajoqusernemi suliassat pineqartillugit sillimasiisarfimmit,

- 3) inuussutissarsiornermi nappaatigilikkat pineqartillugit Arbejdsmarkedets Erhvervssygdomssikringimit aamma
- 4) sulisilluni ajoqusernerit akuersissutigineqarneri pillugit aalajangiinerit pineqartillugit sulisitsisumit.

Imm. 2. Imm. 1 malillugu maalaaruteqarneq tunniunneqassaaq maalaaruteqartup, tak. imm. 1, nr. 2-4, aalajangiinerup tigoreernerata kingorna sap. ak. sisamat qaangiutsinnagit. Ajoqusersimasumut imaluunniit qimagaasunut piffissarititaasoq sap. ak. arfiniliupput. Ajoqusersimasooq imaluunniit qimagaasut Europap avataaniippata, piffissarititaasoq qaammatit pingasuupput.

Imm. 3. Ankestyrelsip naammagittaalliuuteqarnissamut killissarititat immikkut ittunik pissutis-saqartillugu sanioqussinnaavai.

Imm. 4. Sulisitsisoq, sillimmasiisarfik imaluunniit Arbejdsmarkedets Erhvervssygdomssikring Arbejdsskadestyrelsip aalajangiineranik Ankestyrelsimut suliassanngortitsippat naammagittaalliu-teqarneq kinguartitsigallarnermik sunniuteqassaaq.

Imm. 5. Arbejdsskadestyrelsip sulisilluni ajoquserneq pillugu suliami akuerineqarnissamik apeqqut pillugu aalajangiineri ajoquserup nappaataata suussusaa sulisitsisumut ingerlateqqissa-vaa.

Imm. 6. Ankestyrelsi imm. 1 naapertorlugu naammagittaalliummik suliaqartinnagu Arbejds-skadestyrelsip nalissavaa naammagittaallioruq tamakkiisumik ilaannakuusumilluunniit tapersis-sallugu tunngavissaqarnerisooq. Taamaatumik naammagittaalliuut Arbejdsskadestyrelsimut nassiun-neqassaaq.

Imm. 7. Arbejdsskadestyrelsip naammagittaallioruq tapersersinnaanngippagu, naammagittaalliuut aalajangiineri tunngavilersuummik nalileeqqinnermillu ilaqartillugu Ankestyrelsimut ingerla-teqqinneqassaaq.

Imm. 8. Sulisilluni ajoqusernermi isumannaarisinnaaneq pillugu inatsimmi § 44, imm. 9 naapert-orlugu naammagittaalliuutinik suliarinninnermut aalajangersakkat atuutilersinneqarsimasut taama-tulli atuupput inatsit manna naapertorlugu aalajangiinerit.

§ 50. Arbejdsmarkedets Erhvervssygdomssikringip imaluunniit Arbejdsmarkedets Tillægspensio-nip inatsit manna naapertorlugu aalajangiineri pillugit naammagittaalliuutit aalajangiinerup nalunaa-rutigineqarneraniit sap.ak. 4-t qaangiutsinnagit naammagittaalliuuteqartarfimmuq suliassanngortin-neqarsinnaapput, Arbejdsmarkedets Tillægspensioni pillugu inatsimmi § 28 naapertorlugu maalaar-uteqarnermut ataatsimiititaliamut pilersinneqarsimasumut.

§ 51. Forsikring & Pension sulisilluni ajoqusernerit pillugit suliani, Arbejdsskadestyrelsip § 52, imm. 6-imut aamma § 56-imut atatitaani § 49-mi taaneqartutuut naammagittaalliuuteqarsinnaatitaa-voq.

Kapitali 9

Sulisitsisoq isumannaarinissamut pisussaaffilik namminersorlunilu inuussutissarsiummik ingerlata-qartooq inatsit naapertorlugu imminut isumannaariffigisoq

§ 52. Sulisitsisoq kinaluunniit inunnik § 2-mi taaneqartunik sulisoqartooq inatsit naapertorlugu pisussaavoq inunnik taakkuninnga isumannaarinissamut, taamaattorli tak. imm. 5 aamma 6. Sulisit-sisup isumannaarininnissamut pisussaaffini sulisilluni ajoqusernerit kingunerisassaannut sillimma-sernermigut, tak. § 54, aammalu inuussutissarsiornermi nappaatigilikkat kingunerisassaannut silli-manialluni Arbejdsmarkedets Erhvervssygdomssikringimut ilanngunnermigut naammassissavaa, tak. § 60.

Imm. 2. Namminersorlutik inuussutissarsiummik ingerlataqartut inatsit naapertorlugu sulisilluni ajoqusernerit kingunerisaannut imminnut isumannaariffiginnaapput, tak. § 54, aammalu inuussutissarsiornermi nappaatigilikkat kingunerisassaannut sillimaniarlutik Arbejdsmarkedets Erhvervssygdomssikringimut ilanngunermikkut, tak. § 60, imminnut isumannaariffigissapput.

Imm. 3. Umiarsuarmik Kalaallit Nunaanni angerlarsimaffeqartumik, inunnik § 2-mi pineqartunik, umiarsuup naalagaata umiarsuarmi suliassiissutaanik suliaqartussatut sulisussarsiarineqartunik kikkunnilluunniit isumannaarinissamut pisussaataaavoq, pineqartup umiarsuup piginnittuanit allanilluunniit atorfinitsinneqarsimalluniluunniit akissarsiaqartinneqarnera apeqqutaatinnagu, aammalu suliat umiarsuup ingerlanneranut tunnganatik allanut tunngasuugaluarpataluunniit.

Imm. 4. Namminersortutut inuussutissarsiuteqartut, § 69 naapertorlugu atuutilersinneqartunik matilarisassani piunasaqaatinik naammassinnittoq, ingerlatamini nammineq peqataanermi annertussusia naapertorlugu immiut isumannaariffiginissaminut, sulisuminnut sillimmasiisussaani naammassissavaa ataatsimoortunut sillimmasiinermikkut, tak. § 67.

Imm. 5. Namminersorlutik Oqartussat kommunillu sulisilluni ajoqusernerit kingunerisassaannut sillimmasiinissamut pisussaangillat, tak. § 54.

Imm. 6. Isumannaarinissamut pisussaannermi pineqangillat nammineq illugisami ikiortitut sulisorisat, taakkua sulinerat tamarmiusoq qaammatisiutit malillugit ukiumut nal. akunnerinit 400-nit annertunerungippat. Sulisorisat taakku sulisillutik ajoqusernerini aningaasartuutit Arbejdsskade styrelsimit siumoortumik tunniunneqassapput, qaammatisiutillu malillugit ukiuni tamani agguanneqartassallutik sillimmasiisarfinnut sulisilluni ajoqusernissamut sillimmasiiffiusartunut tamanut. Aningaasartuutit Arbejdsskade styrelsip Finanstilsyni suleqatigalugu, sulisilluni ajoquserinnaannermut isumannaarineq pillugu inatsimmi § 48, imm. 6, oqaaseqatigiit pingajuat naapertorlugu maleruagassiai naapertorlugit agguanneqartassapput. Sulisorisat taakku inuussutissarsiornermi nappaatigiligaannut aningaasartuutit Arbejdsmarkedets Erhvervssygdomssikringimit akilerneqassapput. Sulianut sunut ataneq Arbejdsskade styrelsip aalajangissavaa, sunniutit suunerat qanorlu annertutiginerat piffissallu taakku atuuffiisa sivisussusiat naatsorsuutigalugit. Tamatuma kingorna Arbejdsmarkedets Erhvervssygdomssikringip aningaasartuutit inuussutissarsiummut attuumassuteqarfianut ilanngutissavai.

§ 53. Ajoqusertoqartillugu aningaasartuutit sulisitsisup isumannaarinninnissamut pisussaataasup sillimmasiisarfanit imaluunniit Ataatsimoortunut Sillimmasiinermi akilerneqassapput. Inuussutissarsiornermi nappaatigilikkanut tunngatillugu aningaasartutit Arbejdsmarkedets Erhvervssygdomssikringimit akilerneqassapput. Tamanna aamma atuuppoq nammineq piunassutsiminnik § 52, imm. 2 naapertorlugu isumannaarinnittut pineqartillugit. Suliamut sumut ataneq Arbejdsskade styrelsip aalajangissavaa, sunniutit suunerat qanorlu annertutiginerat piffissallu taakku atuuffiisa sivisussusiat naatsorsuutigalugit. Arbejdsmarkedets Erhvervssygdomssikringip aningaasartuutit inuussutissarsiummut attuumassuteqarfiannut ilanngutissavai.

Imm. 2. Sulisitsisoq ajoqusernumut isumannaarinninnissamut pisussaataasoq tassaavoq sulisitsisoq, suliffeqarfimmik sularititaanilluunniit sulisilluni ajoquserfiusumik ingerlataqartoq, taamaatorli tak. imm. 3 aamma § 53, imm. 3 aamma 6. Sulisilluni ajoquserneq sulisitsisunut arlaqartunut attuumatinneqarsinnaappat Arbejdsskade styrelsip aalajangissavaa sulisitsisoq sorleq isumannaarinninnissamut pisussaataaanersoq.

Imm. 3. Ajoqusernumut aamma nammineq piunassutsiminik isumannaarinnittumut inuussutissarsiornermi nappaateqalersumut sulisitsisoq isumannaarinninnissamut pisussaataasoq tassaavoq suliffeqarfimmi, pineqartup nappaateqalernerata paasineqarnera kingusinnerpaamik sioqqullugu ajoqusiisinnaasumik nappaammik pineqartumik kinguneqarsimasorineqartumik sunnertiffigisimaasani sulisitsisoq. Tamannali atuutissangilaq nappaatip suliffeqarfimmi allami sulinermik pissuteqarnera uppersarneqarpat.

Imm. 4. Sulisitsisoq imm. 3 naapertorlugu isumannaarinninnissamut pisussaataaasoq naammagi-nartumik qularnaassusilimmik toqqarneqarsinnaanngippat, imaluunniit suliffeqarfik atorunnaarsi-mappat Arbejdsskadestyrelsi aalajangissavaa ajoquserneq suliamut sumut atassanersoq. Suliamut sumut atanermik Arbejdsskadestyrelsi aalajangiinissaa, ajoquserup namminerluunniit piumassut-siminik isumannaarinnittup sunnigaaneri nappaammik pineqartumik kinguneqarsorineqartut suliami sumi pisimanerunerannik naliliilluarnikkut pissaaq. Naliliinermi tunngavigisanut ilaatinneqassapput sunniutit suunerat, qanoq annertutiginerat piffissarlu taakkua atuuffiat.

Imm. 5. Ajoquserneq inuit isumannaariffigineqartut inuit inuunerannik annaassiniarnerisa kingun-erisaanik pisimappat, tak. § 4, nr. 3, sillimmasiisarfiup imaluunniit Arbejdsmarkedets Er-hvervssygdomsringip tunniussimasai naalagaaffiup karsianit utertinneqassapput.

Imm. 6. Aamma inuk peqqussut naapertorlugu isumannaariffigineqarsimanngitsoq inuup inuune-ranik annaassiniartilluni ajoquserpat, tak. § 4, nr. 4, inatsit naapertorlugu tunniunneqarsimasut naa-lagaaffiup karsiata akilissavai.

Imm. 7. Pisuni imm. 5-imi 6-imilu pineqartuni ajoquserup ukiumut akissarsiai inatsimmi male-ruagassat nalinginnaasut naapertorlugit naatsorsorneqassapput.

Imm. 8. Ajoqusernerit inuiaqatigiinnik kiffartuussinerup imaluunniit kommunimi qinigaaneq tun-ngavigalugu sulinerup kingunerisai ajoquseroqartillugu inatsit naapertorlugu tunniunneqarsimasut naalagaaffimmit, Namminersornerullutik Oqartussanit kommuninillu akilernerqassapput. Inuussutis-sarsiornermi nappaateqartoqalersillugu ajoqusernerut taamaattunut inatsit naapertorlugu tunniun-neqartartut Arbejdsmarkedets Erhvervssygdomsringip akilissavai.

Kapitali 10

Isumannaarinninnissamut pisussaataaneq

Sillimmasiineq

§ 54. Sulisitsisut isumannaarinninnissamut pisussaataasut, tak. § 52, aamma nammineq piumas-utsiminnik § 52, imm. 2 naapertorlugu isumannaarinnissimasut ajoqusernissamut aarlerinaateqar-sinnaasunut pisussaaffitik sillimmasiisarfirmut, inatsit manna naapertorlugu ajoqusernissamut sil-limmasiisarfiusumut nuussavaat, Ataatsimoortunut Sillimmasiinermit ilaasortaannikkunik, tak. §§-it 67-imiit 69-imut.

§ 55. Sulisitsisoq inatsit malillugu sillimmasiisussaagaluarluni sillimmasiinngitsoq sillimmasiis-summilluunniit taamaattumik atuutsitsinngitsoq sillimmasiisarfirmut akiliutissamut akilernerqarsi-masussaagaluartumut naapertuuttumik akiliuteqassaaq. Akiliutissap annertussusissaa Sulisillutik ajoqusersimasunik Sullissiviup aalajangissavaa. Aningaasat Arbejdsskadestyrelsimut akilernerqas-sapput, maleruagassallu Arbejdsskadestyrelsi Finanstilsyni suleqatigalugu aalajangersagai naapert-orlugit Kalaallit Nunaanni sillimmasiisarfirmut sulisilluni ajoqusersinnaanermut sillimmasiiffius-artunut tamanut pisassanngortinneqassallutik, sulisilluni ajoqusersinnaanermut isumannaarineq pil-lugu inatsimmi § 51 naapertorlugu. Sulisitsisup aningaasat akiligassanngorsimasut akilinngippagit Kalaallit Nunaanni eqqartuussisarnermik inatsimmi kap. 7-imi maleruagassat naapertorlugit akiler-sinniarneqarsinnaapput.

§ 56. Sulisilluni ajoquseroqarsimappat sulisitsisullu isumannaarinninnissamut pisussaaffini sil-limmasiinermit naammassisimanngippagu, Arbejdsskadestyrelsi aningaasartuutit § 10-mi, § 39, imm. 3-mi 4-imilu aamma §§-ini 43-mi 64-imilu taaneqartut siumoortumik akilissavai.

Imm. 2. Sulisitsisup aningaasat tunniunneqarsimasut, tak. imm. 1, Arbejdsskadestyrelsimut utertissavai, sulisitsisoq tamakkiisumik ilaannakuusumilluunniit akiliuteqanngitsoortitaanissamut utoqqatsissutissaqartutut Arbejdsskadestyrelsip isumaqarfiginngippagu. Arbejdsskadestyrelsip aningaasat Kalaallit Nunaanni eqqartuussisarnermik inatsimmi immikkoortoq VIII-imi maleruagassat naapertorlugit akilersinniarsinnaavai.

Imm. 3. Arbejdsskadestyrelsip naleqquttuosorinninnini naapertorlugu sulisitsisoq aningaasanik akiligassaanik isumakkeerfigisinnaavaa.

Imm. 4. Aningaasat Arbejdsskadestyrelsip imm. 1 naapertorlugu tunniussimasai § 52, imm. 6, oqaaseqatigiit aappaanni pingajuinilu maleruagassat naapertorlugit, aningaasanik imm. 2 naapertorlugu utertinneqarsimajunnartunik ilanngarlugit sillimmasiisarfinnut sulisilluni ajoqusersinnaanermut sillimmasiiffiusartunut tamanut agguanneqassapput.

Imm. 5. Suliffeqarfik sulisilluni ajoquserfiusoq atorunnaarsimappat, sillimmasiisarfirmillu toqqaasoqarsinnaanngippat imm. 1-imi 4-milu maleruagassat taamatuttaaq atuutsinneqassapput.

§ 57. Sillimmasiisarfiup sulisisitsisup isumannaarinninnissamut pisusaatitaasup namminersorluniluunniit inuussutissarsiummik ingerlataqartup aarlerinartorsiorfigisinnaasai tigusimagunigit, tak. § 54, sillimmasiisarfik akiliisussanngussaaq, sillimmasiineq pillugu isumaqatigiissuteqarnermi akissusaaffigisassat suuneri annertussusiilu pillugit naatsorsuutigisassat eqqunngitsut tunngavigineqarsimagaluarpataluunniit.

§ 58. Sulisilluni ajoqusersinnaanermut inatsisit malillugit sillimmasiisussaanermut akiliutissat piffissaq eqqorlugu akilernerqarsimangippata sillimmasiisarfiup aningaasat Kalaallit Nunaanni eqqartuussisarnermik inatsimmi immikkoortoq VIII-imi maleruagassat naapertorlugit akilersinniarsinnaavai.

§ 59. Sulisilluni ajoqusersinnaanermut sillimmasiissutit aningaasarsiornermik ingerlataqarneq pillugu inatsimmi § 250, imm. 2 naapertorlugu Arbejdsskadestyrelsimut aqutassanngortinneqarsimappata ajoqusernerit, imaluunniit aningaasarsiornermik ingerlataqarneq pillugu inatsisip Kalaallit Nunaanni atuutlernissaanik pillugu peeqqussut nr. 1252, 15. december 2004-meersumi § 275, imm. 2 naapertorlugu, ullup sillimmasiisarfiup atorunnaarfiata kingornatigut sillimmasiisarfirmut nalunaarutigineqartut tamarmik Arbejdsskadestyrelsimut nassiunneqassapput. Tamatumunnga peqatigitillugu aningaasaatit sillimmasiisarfiup, aningaasarsiornermik ingerlataqarneq pillugu inatsit naapertorlugu immikkoortissimasai, sillimmasiisarfiullu atorunnaarnerata nalaani inatsit naapertorlugu sillimmasiissutitut pigisaanut tunngasuusut Arbejdsskadestyrelsimut tunniunneqassapput.

Imm. 2. Sillimmasiissutit aqunneqarnerannut atatillugu aningaasartuutit Arbejdsskadestyrelsimut siumoortumik tunniunneqartassapput, qaammatsiutillu malillugit ukiuni tamani sillimmasiisarfinnut, sulisilluni ajoqusersinnaanermut sillimmasiiffiusartunut tamanut, sulisilluni ajoqusersinnaanermut isumannaarineq pillugu inatsimmi § 48, imm. 6, oqaaseqatigiit aappaanni pingajuannilu maleruagassat naapertorlugit agguataarneqassallutik. Aningaasaatit tunniunneqarsimasut maleruagassat taakku malillugit agguataarneqassapput.

Arbejdsmarkedets Erhvervsyndomssikringimut ilanngunneq

§ 60. Sulisitsisut isumannaarinninnissamut pisusaatitaasut, tak. § 52, imm. 2, aamma nammineq piuumassutsiminnik § 52, imm. 2 naapertorlugu isumannaarinnittut Arbejdsmarkedets Erhvervsyndomssikringimut akiliuteqartassapput, tak. § 66, Ataatsimoortunut Sillimmasiinermut ilaasortaanngikkunik, tak. §§ 67-imiit 69-imut.

Imm. 2. Arbejdsmarkedets Erhvervssygdømsikringi sulisitsisumut isumannaarinninnissamut pisussaataasumut namminersorluniluunniit inuussutissarsiummik ingerlataqartumut aarlerinaataasinnaasunik tiguisimappat Arbejdsmarkedets Erhvervssygdømsikringi akiliisussangussaaq, akisussaaffigisassat suuneri annertussusiilu pillugit naatsorsuutigisassat eqqunngitsut tunngavigineqarsimagaluarpataluunniit.

Imm. 3. Isumannaarinninnissamut pisussaataasooq, sillimmasiisarfik pisortallu oqartussaasut qinuigineqarnermikkut inatsit naapertorlugu akiliutissat annertussusilerneqarnissaannut pingaarutilinik paasisutissanik Arbejdsmarkedets Erhvervssygdømsikringimut tunniussissapput. Tamanna aamma atuuppoq nammineq piumassutsiminnik § 52, imm. 2 naapertorlugu isumannaarinnittunut. Paasisutissanik Arbejdsmarkedets Erhvervssygdømsikringimut tunniussisussaataaneq atuutinnigilaq nipangiussisussaataaneq inatsisiliornikkut allatigut immikkut aalajangersaavigineqarsimappat.

Imm. 4. Akiliutissat akilersinniarnernumut aamma inuussutissarsiornermi nappaatigilikkat pillugit nalunaarutit suliarineqarnissaannut atugassatut Arbejdsmarkedets Erhvervssygdømsikringip, Arbejdsmarkedets Tillægspensionip sulisitsisunut inunnullu nalunaarsuiffiani paasisutissat, Arbejdsmarkedets Tillægspensionip ATP-mut akiligassiissutinut sulisitsisut akilersimasaannik allattorsimaffiutaani paasisutissat kiisalu sulisitsisunut tunngasunik aamma Arbejdsmarkedets Tillægspensionip akissarsiorturnut nalunaarsuiffiani inuit ATP-mut akiliutigisimasaat pillugit paasisutissat qaraasaat aqutugalugit pissarsiarinnaavai.

§ 61. Arbejdsmarkedets Erhvervssygdømsikringip siulersuisuisa akiliutissat akilernissaat, matumani aamma akiliinissamut piffissarititaq, pillugit maleruagassat erseqqinnerusut aalajangersassaavaat. Maleruagassatigut taakkunuunatigut aalajangerneqarsinnaavoq Arbejdsmarkedets Erhvervssygdømsikring akiliutissat akilerneqannginnerat pissutigalugu suliarinninnermut akileeqquisinnaasooq aammalu akiliutissanik kinguatitsinnaasooq kiisalu akiliutissat, erniat suliarinninnermullu akiliutissat akilerneqarnissaannik isumakkeerinnissinnaasooq.

Imm. 2. Akiliutissat piffissaatillugu akilerneqanngippata isumannaarinninnissamut pisussaataasooq aammalu nammineq piumassutsiminik § 52, imm. 2 naapertorlugu isumannaarinnittoq akiliutissat ullormit akilerneqartussangorfianniit erniaannik, kingusinaarluni akiliinermi il.il. ernialersuisarneq pillugu inatsit naapertorlugu sukkulluunniit annertussusilerneqartartunik, akiliisaaq.

Imm. 3. Akiliutissat piffissaatillugu akilerneqanngippata aningaasat Arbejdsmarkedets Erhvervssygdømsikringip, Kalaallit Nunaanni eqqartuussisarnermik inatsimmi immikkoortoq VIII-imi maleruagassat naapertorlugit akilersinniarsinnaavai.

Imm. 4. Piumasarisat Arbejdsmarkedets Erhvervssygdømsikringip kapitali manna naapertorlugu pisassarisai, pisassarisat ilaasa pisoqalisoornerannik inatsimmi nr. 274, 22. december 1908-meersumi, pigisanut tunngatillugu eqqartuussisarnermi inatsisit il.il. ilaasa Kalaallit Nunaanni atuuttussanngortinneqarnerat pillugu inatsisikkut nr. 104, 31. marts 1965-imeersukkut atuutilersinneqarsimasumi maleruagassat naapertorlugit pisoqalisassapput.

Imm. 5. Arbejdsmarkedets Erhvervssygdømsikringi Kalaallit Nunaanni akileraartarnermut oqartussaasunit aammalu Namminersorerullutik Oqartussani oqartussaasunit allanit, isumannaarinninnissamut pisussaataasooq aamma nammineq piumassutsiminnik § 52, imm. 2 naapertorlugu isumannaarinnittoq pillugit paasisutissanik, akiligassat akilinnigitsuukkat, erniat suliarinninnermullu akiliutissat akilersinniarneqarnissaannut pisariaqartinneqartunik, matumani aamma aningaasarsianut pigisanullu tunngasut pillugit paasisutissanik pissarsiniarsinnaavoq.

§ 62. Inuussutissarsiornermi nappaateqartoqalersimappat, sulisitsisorlu isumannaarinninnissamut pisussaataasooq akiliutissamik akiliisimangippat Arbejdsmarkedets Erhvervssygdømsikringip

aningsartuutit § 10-mi, § 39, imm. 3-mi 4-imilu aamma §§-ini 43-mi 64-imilu taaneqartut siu-
moortumik akilissavai.

Imm. 2. Sulisitsisup aningaasat tunniunneqarsimasut Arbejdsmarkedets Erhvervssygdomsikringi-
mut utertissavai, tak. imm. 1, pineqartup tamakkiisumik ilaannakuusumilluunniit akiliuteqanngit-
soortitaanissamut utoqqatsissutissaqarnera Arbejdsskadestyrelsimit nalilerneqanngippat.

Imm. 3. Arbejdsskadestyrelsip naapertuuttuosorinninnini naapertorlugu sulisitsisoq aningaasat
akilernissaannik isumakkeerfigisinnaavaa.

Imm. 4. Aningaasat Arbejdsmarkedets Erhvervssygdomsikringip imm. 1 naapertorlugu akilersi-
masai § 52, imm. 6, oqaaseqatigiit sisamaanniit arfernannut maleruagassat naapertorlugit, aningaas-
at imm. 2 naapertorlugu utertissutaasimasinnaasut ilanngaatigalugit agguataarneqassapput.

Imm. 5. Imm. 2 naapertorlugu utertitassatut piumasarisat, taakku § 65 naapertorlugu erniaat piffis-
saatillugu akilerneqanngippata aningaasat Arbejdsmarkedets Erhvervssygdomsikringip, Kalaallit
Nunaanni eqqartuussisarnermik inatsimmi aningaasanik pisassanik akiliisitsiniaaneq pillugu immik-
koortoq VIII malillugu akilersinniarneqarsinnaapput. Taamatuttaaq § 61, imm. 5-imi maleruagassaq
atuutsinneqassaaq.

*Arbejdsmarkedets Erhvervssygdomsikringimut akiliutissat
tamarmiusut annertussusilerneqartarnerat*

§ 63. Arbejdsmarkedets Erhvervssygdomsikringimut akiliutissat tamarmiusut aalajangersar-
neqarnerat pillugu sulisilluni ajoqusersinnaanermi isumannaarineq pillugu inatsimmi §§ 58-miit 58
c-mut malittarisassat matumani inatsit malillugu sulisitsisut isumannaarinninnissamut pisussaati-
taasunut atuutissapput.

Aqutsinermut akiliuteqarneq ernialiinerillu pillugit ataatsimut aalajangersakkat

§ 64. Sillimmasiisarfiit sulisilluni ajoqusersinnaanermut sillimmasiiffiusartut aamma Arbejdsmar-
kedets Erhvervssygdomsikring, Arbejdsskadestyrelsip aamma Ankestyrelsip pissutsinik inatsimmi
pineqartunik, pineqartunullu tunngassuteqartunik aqutsinerannut akiliuteqassapput. Akiliisarneq
taakkuninngalu akiligassiisarneq pillugit maleruagassat suliffissaqartitsinermut ministerip aalajan-
gersassavai.

Imm. 2. Arbejdsskadestyrelsip pisortaata sillimmasiisarfiit imm. 1-imi taaneqartut aamma Ar-
bejdsmarkedets Erhvervssygdomsikring kisitsisinngorlugit paasissutissanik assigisaannillu pissar-
sinaqqullugit peqqusinnaavai.

§ 65. Aningaasat Arbejdsskadestyrelsip § 30, imm. 2, aamma § 52, imm. 6 aamma § 56, imm. 1
aamma 5 naapertorlugit, imaluunniit Arbejdsmarkedets Erhvervssygdomsikringip § 62 naapertor-
lugu siu-
moortumik akilerallarsimasaat ukiumoortumik ernianik, aningaasat niuerutigiissutaaneranni
Nationalbankip ullormiit ullormut ernialiuttagaasa agguaqatigiissinnerannut naapertuuttunik ernia-
lersorneqassapput. Erniat Arbejdsskadestyrelsip pisortaata sulisilluni ajoqusersinnaanermut isuman-
naarineq pillugu inatsimmi § 60, imm. 1 naapertorlugu maleruagassiai naapertorlugit naatsorsor-
neqassapput.

Arbejdsmarkedets Erhvervssygdomsikring

§ 66. Sulisilluni ajoqusersinnaanermut isumannaarineq pillugu inatsimmi kapitali 11-mi Arbejds-
markedets Erhvervssygdomsikring pillugu maleruagassat katitigaaneq, suliassat, allaffissorneq, ak-

tuarimut tunngassuteqartut, ukiumoortumik naatsorsuutit kukkunersiuisarnerlu, aningaasalersuiner-
mi maleruagassat aammalu nakkutilliineq eqqarsaatigalugit taamatulli atuutsinneqassapput.

Ataatsimoortunut Sillimmasiineq

§ 67. § 52, imm. 4-mi taaneqartunut sulisitsisunut sulisuinullu, taakkununga ilanngullugit aap-
paasut suleqataasut ataatsimoortunut sillimmasiiner-
mi Sulisilluni ajoqusersimasunik Sullissivik sil-
limmasiisuvoq.

Imm. 2. 15 meterinik taakkunanngalu takinerusunik kilisaataatillit Ataatsimoortunut Sillimmasii-
nermut ilaasortaangillat.

Imm. 3. Inatsimmi matumani § 57-imi malittarisassaq Ataatsimoortunut Sillimmasiiner-
mut taama-
tuttaaq atuuppoq.

§ 68. Inuit Ataatsimoortunut Sillimmasiiner-
mi ilaatinneqartut akiliutissaasa annertussusissaat suli-
assaqartitsiner-
mut ministerip, Arbejdsskadestyrelsen inassuteqarneratigut aalajangersassavai.

Imm. 2. Akiliutit akilerneqartut taarsiissutissatigut pisussaaffinnik matusissutaasinnaangippata
aningsaat amigaataasut naalagaaffimmit akilerneqassapput.

Imm. 3. Naalagaaffik suliffeqarfimmut inunnit ataasiakkaanit ingerlanneqartunut sulisilluni ajoqu-
sersinnaanermut sillimmasiiner-
mut akiliutissaannik appartitsinissamut tapiissuteqartassaaq.
Tapiissutit tunniunneqassapput sulisitsip imminermut sillimmasiiner-
anut aamma suliffeqarfimmi
sulisut sillimmasernissaannut.

Imm. 4. Tapiissutit akiliutissap 2/5-iisut annertutigisut maleruagassat Arbejdsskadestyrelsen pisor-
taata aalajangersagai naapertorlugit tunniunneqartassapput.

§ 69. Arbejdsskadestyrelsen pisortaata Ataatsimoortunut Sillimmasiiner-
mut ilaasortaaner-
mi kiisalu akiligassanik akiliisitsiniartar-
neq kiisalu ataatsimoortunut Sillimmasiiner-
mut ilanngunneq pillugit
maleruagassat Namminersorlutik Oqartussat isumaqatiginiareerlugu aalajangersassavai.

Kapitali 11

Aalajangersakkat assigiinningsut

§ 70. Inatsit naapertorlugu pisartagaritit ajoqusiisumut, ajoquser-
tumut taassumaluunniit qima-
taanut taarsiisussanngortitaasimasumut akilersinni-
ar-
neqarnissaat piumasarineqarsinnaangilaq. Ajo-
quser-
tumut taassumaluunniit qimataanut inatsit manna naapertorlugu pisartagarit-
inneqartut aki-
lerneqarsimappata akilerneqarnissaannulluunniit pisussa-
atitaasooqarpat, pineqartut taarsiissuteqartus-
saatitaasumut piumasaqaataat ikililerneqassapput.

§ 71. Isumannaarinnissamut pisussa-
atitaasup aammalu tunineqarsinnaatitaasup akornanni isu-
maqatigiissutit atuussinnaatitaas-
angillat inatsimmi aalajangersakkat atuutinnginnissaannik, ima-
luunniit tunineqarsinnaatitaasut sillimmasiiner-
mut akiliutissamik sillimmasiisar-
fimm-
mut imaluunniit akiliutissamik Arbejdsmarkedets Erhvervs-
sygdomssikringimut, isumannaarinnissamut pisussa-
atitaasup inatsit naapertorlugu akiligassarisaanik akiliuteqarnissaannik, imaluunniit pinngitsoorani
pisartagassat inatsit naapertorlugu naatsorsorneqannginnissaannik kinguneqassappata kingu-
neqarpataluunniit. Taamatuttaaq inatsit naapertorlugu isumannaarinnissaq pissutigalugu akissarsianit
unerartitsinissamik isumaqatigiissutaasimasut atuussinnaatitaangillat.

§ 72. Suliassaqtitsinermut ministerip naalagaaffiit allat isumaqatigiissuteqarfigereerlugit, inatsimmi aalajangersakkat imaluunniit naalagaaffiup allap taassuma tamakkununga inatsisaataasa pisutsinut inatsimmi aalajangersarneqartunut qanoq annertutigisumik atuutsinneqarnissaat pillugu malleruagassat aalajangersarsinnaavai.

§ 73. Arbejdsskadestyrelsip sulisui, matumani aamma nakorsat siunnersortigisagai, sillimmasiisarfinni imaluunniit Arbejdsmarkedets Erhvervssygdomssikringimi atorfeqartuusinnaanatilluunniit siulersuisooqataasinnaangillat.

§ 74. Arbejdsskadestyrelsip qinnuigineqarnermigut, aammalu inatsimmi matumani aalajangersakanik atuilluni, inunnik ajoqusiinermut tunngasutigut apequtit inatsimmi pineqanngitsut pillugit oqaaseqaateqartarsinnaavoq. Arbejdsskadestyrelsi taamatuttaaq taarsiissutissat pillugit akisussaasuseqarnermik inatsisip Kalaallit Nunaanni atuutilersinneqarneranik peqqussummi § 10 naapertorlugu oqaaseqaateqartarsinnaavoq.

Imm. 2. Oqaaseqaatinut taamaattunut akiliummik Arbejdsskadestyrelsip pisortaata annertussusili-gaanik akiliuteqartoqartassaaq.

§ 75. Sulisitsisoq isumannaarinninnissamut pisussaatitaasoq sillimmasiinngitsoq imaluunniit Arbejdsmarkedets Erhvervssygdomssikringimut ilanngutinngitsoq akiliisussanngortitaassaaq.

Imm. 2. Sulisitsisoq isumannaarinninnissamut pisussaatitaasoq sillimmasiinermik atuutsitsinngitsoq imaluunniit Arbejdsmarkedets Erhvervssygdomssikringimut akiliutissanik akiliinngitsoq akiliisussanngortitaassaaq.

Imm. 3. Sulisitsisoq isumannaarinninnissamut pisussaatitaasoq sulisilluni ajoqusernermik piffissaagallartillugu nalunaaruteqanngitsoq imaluunniit sulisilluni ajoquserneq nalunaarutigineqarsima-soq pillugu paasissutisseeqataajumangitsoq, tak. kapitali 7, akiliisussanngortitaassaaq.

Imm. 4. Unioqutitsinerit aktieselskabinit, andelselskabinit, anpartsselskabinit assigisaannilluunniit unioqutitsinerusut selskabimut namminermut akiliisitsissutaasinnaapput.

Imm. 5. Unioqutitsineq naalagaaffimmit, Namminersorlutik Oqartussanit, kommunimit kommunilluunniit suleqatigiiffiannit unioqutitsineruppat naalagaaffik, Namminersorlutik Oqartussat, kommuni kommunilluunniit suleqatigiiffiat akiliisitaanissamut akisussaaffilerneqarsinnaapput.

Kapitali 12

Aalajangersakkat atuutilersitsissutaasut ikaarsaarutaasullu

§ 76. Inatsit atuutilissaaq ulloq 1. januar 2011.

Imm. 2. Inatsit atuutsinneqassaaq

- 1) sulisilluni ajoqusernermut ulloq 1. januar 2011-imi taassumaluunniit kingorna pisunut, aamma
- 2) inuussutissarsiornermi nappaatigilikkanut ulloq 1. januar 2011-imi taassumaluunniit kingorna nalunaarutigineqartunut.

Imm. 3. Peqqussutip matuma atuutilernera ilutigalugu Kalaallit Nunaanni sulisilluni ajoqusernerit kingunerisassaannut isumannaarineq pillugu inatsisip atuutilersinneqarneranik peqqussut nr. 991, 3. oktober 2008-imeersoq atorunnaarsinneqassaaq.

Imm. 4. Peqqussut, tak. imm. 3, suli makkununga atuutissaaq

- 1) ajoqusernermut, ulloq 1. januar 2001 sioqqullugu pisut, aamma

2) inuussutissarsiornermi nappaatigilikkanut ulloq 1. januar 2011 sioqqullugu nalunaarutigineqar-simasunut.

Imm. 5. Inatsisip atuutilerneratigut aningaasat §§-ini 22-mi, 23-mi aamma 28, imm. 3-mi, 4-mi aamma 5-imi allassimasut § 29 naapertorlugu iluarsiivigineqassapput. Arbejdsskadestyrelsip pisortaata nalunaarutigissavaa naleqqussaanerit suut pissanersut.

§ 77. Kalaallit Nunaanni ajutumeernerup kingunerisaanik sillimmasiineq pillugu inatsisip atuuti-lermissaanik peqqussut nr. 42, 2. februar 1962-imeersoq malillugu ullormusiat ingerlaavartumillu erniat, 1. januar 2011-miit 197,8 pct.-inut qaffanneqassapput, tunngaviusumik erniat 1. april 1984-imi atuuttut malillugit, tak. peqqussummi nr. 103, 19. marts 1984-imeersumi § 44 B.

Imm. 2. Ajoqusernerit 1. januar 1980-ip aamma 31. marts 1984-ip akornanni pisimasut, Kalaallit Nunaanni sulisilluni ajoqusersinnaanermi isumannaarineq pillugu inatsisip atuutilersinneqarnera pillugu peqqussut 558, 28. december 1979-imeersoq malillugu ulloq 1. januar 2001-imi 197,8 pct.-inut qaffanneqassapput, tunngaviusumik tunniunneqartartut 1. april 1984-imi atuuttut, tak. § 44 A, peqqussut nr. 103, 19. marts 1984-imeersoq malillugu.

Imm. 3. Ajoqusernerit 1. april 1984-ip aamma 31. marts 1988-ip akornanni pisimasut kingune-risaanik, sulisilluni ajoqusernissamut sillimmasiisarneq pillugu Kalaallit Nunaannut peqqussut naapertorlugu ullormusiat aamma ingerlaavartumik tunniunneqartartut, tak. peqqussut nr. 558, 28. december 1979-imeersoq, tunngaviusumik akissarsianut naapertuuttut 197,8 pct.-iannut qaffan-neqassapput 1. januar 2011-imiit atuutilersumik.

Imm. 4. Sulisilluni ajoqusernissamut sillimmasiisarneq pillugu Kalaallit Nunaannut peqqussut nr. 145, 16. marts 1988-imeersoq naapertorlugu ullormusiat aamma ingerlaavartumik tunniun-neqartartut, tunngaviusumik akissarsianut naapertuuttut 197,8 pct.-iannut qaffanneqassapput 1. ja-nuar 2011-imiit atuutilersumik.

Imm. 5. Kalaallit Nunaanni sulisilluni ajoqusernerup kingunerisassaannut isumannaarineq pillugu inatsisip atuutilersinneqarneranik peqqussut nr. 818, 11. spetember 1996 naapertorlugu ullormusiat aamma ingerlaavartumik tunniunneqartartut, tunngaviusumik akissarsianut naapertuuttut 197,8 pct.-iannut qaffanneqassapput 1. januar 2011-imiit atuutilersumik.

Imm. 6. Kalaallit Nunaanni sulisilluni ajoqusernerup kingunerisassaannut isumannaarineq pillugu inatsisip atuutilersinneqarneranik peqqussut nr. 273, 24. april 2001-imeersoq naapertorlugu ullormu-siat aamma ingerlaavartumik tunniunneqartartut, tunngaviusumik akissarsianut naapertuuttut 197,8 pct.-iannut qaffanneqassapput 1. januar 2011-imiit atuutilersumik.

Imm. 7. Kalaallit Nunaanni sulisilluni ajoqusernerup kingunerisassaannut isumannaarineq pillugu inatsisip atuutilersinneqarneranik peqqussut nr. 991, 3. oktober 2008-meersoq naapertorlugu ullor-musiat aamma ingerlaavartumik tunniunneqartartut, tunngaviusumik akissarsianut naapertuuttut 108,1 pct.-iannut qaffanneqassapput 1. januar 2011-imiit atuutilersumik.

Imm. 8. Ullormusiat, erniat aamma ingerlaavartumik tunniunneqartartut, tak. imm. 1-imiit 7-imut, inatsimmi matumani § 29 naapertorlugu iluarsiivigineqassapput 1. januar 2011-miit atuutilersumik.

§ 78. Nalunaarutit, Kalaallit Nunaanni sulisilluni ajoqusersinnaanerpup kingunerisaanik isuman-naarineq pillugu inatsisip atuutilersinneqarnissaanik peqqussut nr. 273, 24. april 2001-imeersoq, aamma Kalaallit Nunaanni sulisilluni ajoqusersinnaanermi isumannaarineq pillugu inatsisip atuuti-lersinneqarnissaanik peqqussut nr. 991, 3. oktober 2008-meersoq naapertorlugit atuutilersinneqartut atuutiinnassapput atorunnaarsinneqarnissaasa imaluunniit allanngortinneqarnissaasa tungaanut.

§ 79. Sillimmasiissutinik pisinnaatitaasoq sillimmasiisussaatitaasoq sillimmasiissutini, siornatigut atuuttoq peqqussut nr. 991, 3. oktober 2008-meersoq naapertorlugu sillimmasersimasup, atorun-

naarsissinnaangilaa, akiligassat qaffannerat pissutigalugu, inatsisip matumap malitsigisaanik aningaasartuutit qaffannerannik taamaallaat tunngavilersugaasoq.

§ 80. Sulisilluni ajoqusersinnaanermut sillimmasiineq pillugu inatsimmi, tak. inatsisikkut nalunaarut nr. 848, 7. september 2009-meersoq, makku allanngortinneqassapput:

1. § 90 ima oqaasertaliorneqassaaq:

”§ 90. Inatsit Savalimmiunut aamma Kalaallit Nunaannut atuutissanngilaq.

Inatsisisatut siunnersuummut oqaaseqaatit

Oqaaseqaatit nalinginnaasut

Ujarliutit

- 1. Aallaqqaasiut*
- 1.1. Inatsisissatut siunnersuutip siunertaa*
- 1.2. Inatsisissatut siunnersuutip tunuliaqutaa*
- 2. Kalaallit Nunaanni sulisilluni ajoqusersinnaanermi isumannaarineq pillugu oqaluttuarisaanermut tunngasut*
- 3. Kalaallit Nunaanni sulisilluni ajoqusersinnaanermi isumannaarineq pillugu aaqqisuussineq atuuttoq*
- 3.1. Maleruagassanut tunngaviit*
- 3.2. Allaffissorneq*
- 4. Inatsisissatut siunnersuutip pingaarnertut imarisai*
- 5. Inatsisissatut siunnersuut ataatsimut isigalugu*
- 6. Inatsisitigut inissisimanermi atuuttumi annertunerusumik allannguinerit aaqqissuussinermut atuuttumut naleqqiullugu*
- 6.1. Inatsit malillugu isumannaarneqartut sulisilluni ajoqusernerup kingorna Kalaallit Nunaata avataanut nuuttunut*
- 6.1.1. Inatsit atuuttoq*
- 6.1.2. Suliffissaqartitsinermut ministerip isumaliutersuutai*
- 6.1.3. Inatsisissatut siunnersuutip imarisai*
- 6.2. Napparsimmavinni nakorsiartarfinnilu namminersortuni katsorsartinnermut aningaasartuutini taarsiissuteqarneq*
- 6.2.1. Inatsit atuuttoq*
- 6.2.2. Suliffissaqartitsinermut ministerip isumaliutersuutai*
- 6.2.3. Inatsisissatut siunnersuutip imarisai*
- 6.3. Kalaallit Nunaanni immikkut ittut ullormusiat pillugit aaqqissuussinermi ullormusiat aalajangersimasut*
- 6.3.1. Inatsit atuuttoq*
- 6.3.2. Suliffissaqartitsinermut ministerip isumaliutersuutai*
- 6.3.3. Inatsisissatut siunnersuutip imarisai*
- 6.4. Ataatsimoortunut sillimmasiissutini namminersorlutik inuutissarsiuteqartut ukiumut aningaasarsiaannut tapiissutit*
- 6.4.1. Inatsit atuuttoq*
- 6.4.2. Suliffissaqartitsinermut ministerip isumaliutersuutai*
- 6.4.3. Inatsisissatut siunnersuutip imarisai*
- 6.5. Ataatsimoortunut sillimmasiissutit iluarsineqarnerat*
- 6.5.1. Inatsit atuuttoq*
- 6.5.2. Suliffissaqartitsinermut ministerip isumaliutersuutai*
- 6.5.3. Inatsisissatut siunnersuutip imarisai*
- 7. Pisortanut aningaasaqarnikkut kingunissat*
- 7.1. Inuutissarsiortunut aningaasaqarnikkut kingunissat*
- 7.2. Inuutissarsiortunut allaffissornikkut kingunissat*
- 8. Innuttaasunut allaffissornikkut kingunissat*
- 9. Avatangiisinut tunngasutigut kingunissat*
- 10. Eqqartuussivitsigut EU-mut pisussaaffiit*
- 11. Tusarniaaneq*
- 12. Inatsisissatut siunnersuutip kingunissaasa eqikkaarneqarnerat*

1. Aallaqqaasiut

Kalaallit Nunaanni sulisilluni ajoqusersinnaanermi maleruagassanut tunngavigineqartoq tas-saavoq Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarnera pillugu peqqussut nr. 991, 3. oktober 2008-meersoq. Peqqussut suliarineqarpoq sulisilluni ajoqusersinnaanermut isumannaarineq pillugu inatsimmi § 90 naapertorlugu, tak. inatsisikkut nalunaarut nr. 848, 7. september 2009-meersoq, imaqartoq sulisilluni ajoqusersinnaanermi isumannaarineq pillugu inatsimmik Kalaallit Nunaannut atuutilersitsinissamik tunngaviliisoq, Kalaallit Nunaanni pissutsit immikkut ittut malitsigisaannik allanguutitalerlugu.

1.1 Inatsisissatut siunnersuutip siunertaa

Naalackersuisut matumani inatsisissatut siunnersuut saqqummiuppaat, Kalaallit Nunaanni sulisilluni ajoqusersinnaanermi isumannaarinerneq allangorartumik naleqqussaaneq pilersikkumallugu. Siunnersuutikkut peqqussummi atuuttumi maleruagassat ingerlateqqinneqarput, Kalaallit Nunaanni pissutsinut immikkut ittunut naleqqussaaneq ataasiakkaat ilanngullugit. Inatsisissatut siunnersuummi maleruagassat sapinngisamik annertuut ingerlateqqinneqarput, sulisilluni ajoqusersinnaanermi isumannaarineq pillugu inatsimmi maleruagassanik tunngaveqartut, tak. inatsisikkut nalunaarut nr. 848, 7. september 2009-meersoq. Kalaallit Nunaanni sulisilluni ajoqusersinnaanermi isumannaarinerup maannamut peqqussummut naleqqiullugu inatsimmi pituttorneqarnissaanik siunnersuuteqarneq, kalaallit tungaanniit inatsisitigut inissisimanermi massakkut siunissamilu kissaatit piviusunngortinneqarnissaannut periarfissaalissaaq, peqatigisaanik sulisilluni ajoqusersinnaanermi isumannaarineq pillugu inatsimmik allanguinissaq akornutiginaq.

1.2. Inatsisissatut siunnersuutip tunuliaqutaa

Kalaallit Nunaanni sulisilluni ajoqusersinnaanermi isumannaarineq pillugu inatsisikkut periarfissaalissaaq, Kalaallit Nunaanni pissutsinut naleqquttumik sulisilluni ajoqusersinnaanermi isumannaarineq pillugu malittarisassanik siunertamut naleqquttumik nikerarsinnaasumillu naleqqussaaneq, siunissami sulisilluni ajoqusersinnaanermi isumannaarineq pillugu inatsimmik allanguinissaq akornutiginaq. Aammattaaq sulisilluni ajoqusersinnaanermi isumannaarineq pillugu inatsisikkut periarfissaalissaaq, danskit inatsisaannik annertunerusumik sanioqquitsinissamik, danskit inatsisaanni peqqussusiornissamut tunngavinni killissarititaasut iluanni periarfisaningarnit.

Maannamut Kalaallit Nunaanni sulisilluni ajoqusersinnaanermi isumannaarineq, piffissap ingerlanerani sulisilluni ajoqusersinnaanermi isumannaarineq pillugu danskit inatsisaannik allangorartumik peqqussutinik atuutilersitsinernik tunngaveqarpoq. Maleruagassanik tunngavittut peqqussutinik atuinerneq Kalaallit Nunaanni ineriartorerup malitsigisaanik allangorartumik pisariaqartitsineq akuersaarneqanngilaq

Kalaallit Nunaanni sulisilluni ajoqusersinnaanermi isumannaarineq pillugu inatsit, Arbejds-skadestyrelsen ataani Nuummi immikkoortotamit allaffissornikkut ingerlanneqartoq, aaqqissuus-sineruvoq naleqquttoq Namminersorlutik Oqartussat sulisilluni ajoqusersinnaanermi suliasaqarfim-mik tiguserusulernissaata tungaanut. Tamanna kalaallit tungaanniit massakkut pisariaqartineqanngikkallarpoq.

Kalaallit Nunaanni sulisilluni ajoqusersinnaanermi isumannaarineq pillugu inatsimmik atuutilersitsinissamik siunnersuuteqarneq taamaasilluni siunertarineqarpoq, Kalaallit Nunaanni sulisilluni ajoqusersinnaanermi isumannaarinerneq inatsisitigut tunngavinnik nikerarsinnaanerusunik pilersitsinissaq.

2. Kalaallit Nunaanni sulisilluni ajoqusersinnaanermi isumannaarineq pillugu oqaluttuarisaanermut tunngasut

Kalaallit Nunaanni sulisilluni ajoqusernermi isumannaarinermi malittarisassatigut tunngavik tassaavoq 1962-imiilli piffissap ingerlanerani danskit sulisilluni ajoquserneq pillugu inatsisaasa atuuttussanngortinneqarneranik peqqussutit. Peqqussutitigut danskit inatsisiliornerat atuutilersinneqarpoq allannguutit pisariaqartinneqartut Kalaallit Nunaanni pissutsit immikkut ittut eqqarsaatigalugit.

Inatsit siulleg atuutilersinneqartoq tassaavoq ajutumeernerup kingunerisaanik sillimmasiineq pillugu inatsit 1933-meersoq (ajutumeernermi sillimmasiineri inatsit). Inatsisip taassuma, peqqussutikkut nr. 42, 1962-imi atuutilersinneqartoq, ilaatigut imarai sulisilluni ajoqusernermi ullormusiaqarneq pillugu malittarisassat kiisalu inuutissarsiuutit ilaannut sillimasiissutit immikkut ittut, naleqqussarlugit peqqussummut nuunneqartut.

Taamanili tamakku Kalaallit Nunaanni sulisilluni ajoqusersinnaanermi isumannaarinermi ilaatinneqalersimapput, naak piffissap ingerlanerani danskit ajoqusersinnaanermi isumannaarineq atorunnaarsinneqaraluartut. Taamaasilluni 1973-imi ajutumeernerup kingunerisaanik isumannaarineq pillugu inatsimmi ullormusiaqartitsisarneq atorunnaarsinneqarpoq, imarsiortunut, aalisartunut il.il. isumannaarinermik aqqissuussinerit immikkut ittut danskit aqqissuussineraniit 1994-imi atorunnaarsinneqarlutik.

Kalaallit Nunaanni sulisilluni isumannaarinermi allaffissorneq aallaqqaataaniilli najukkani suliffeqarfinit isumagineqartarsimapput, tak. isumaliutissiissut 285, 1961 Kalaallit Nunaanni ajutumeernermi isumannaarineq, qupperneq 23 – 25. Isumaliutissiissut taanna peqqussummut nr. 42, 2. februar 1962-imeersumut tunngavigineqarpoq, taamaasilluni Det Grønlandske Nævn for Ulykkesforsikring pilersinneqarluni, tak. peqqussummi § 9.

Peqqussummut siullermut atatillugu nævnimik pilersitsinissaq toqqarneqarpoq, Kalaallit Nunaanni eqqartuussisuuneq siulittaasoralugu Kalaallit Nunaanni nakorsaanerup saniatigut, kiisalu ilaasortat pingasut landrådimit toqqarneqartut, tamatumunnga ilanngullugu sillimmasersimasunut sinniisooq ataaseq aamma sulisitsisunut sinniisooq ataaseq. Nævnip suliaanut aningaasartuutit naalagaaffiup karsianit akilerneqarput.

Nævni atorunnaarsinneqarpoq peqqussut nr. 991, 3. oktober 2008-meersukkut. Peqqussutikkut aqqissuussineq atuuttoq aqqissuuteqqinneqarpoq, kingorna Nævnip allattoqarfia sulianik suliarinnittunngorluni sulianilu aalajangiisartunngorluni. Tamatuma peqatigisaanik allattoqarfik allaffissornikkut immikkoortumut immikkoortutut aqqissuuteqqinneqarpoq, taaneqartoq Sulisilutik ajoqusersimasunik Sullissivik (Center for Arbejdsskadesikring), kisianni Nammissorlutik Oqartussanit sulisoqaannarluni.

3. Maannamut atuuttoq Kalaallit Nunaanni sulisilluni ajoqusersinnaanermi isumannaarineq pillugu aqqissuussineq

3.1. Inatsisissatut siunnersuutip inatsisitigut tunuliaqtaa

Peqqussut atuuttoq tassaavoq peqqussut nr. 991, 3. oktober 2008-meersoq, sulisilluni ajoqusersinnaanermi isumannaarineq pillugu inatsit nr. 422, 10. juni 2005-imeersumik ulloq 1. januar 2009-miit Kalaallit Nunaanni atuutitsilersooq, Kalaallit Nunaanni pissutsit malitsigisaannik allannguutitalerlugu. Peqqussutip imarai sulisilluni ajoqusernermi napparsimanermi ullormusiat pillugit malittarisassat kiisalu aalisartut piniartullu il.il. ataatsimoortunut sillimmasiissuteqartarnerat, naak tamanna pillugu sulisilluni ajoqusersinnaanermi isumannaarineq pillugu inatsimmi malittarisassaarukkaluartoq.

Maannamut atuuttoq peqqussut arlalitsigut sulisilluni ajoqusersinnaanermi isumannaarineq pillugu inatsimmit immikkoorteqarpoq. Ilaatigut pineqarput sulisilluni ajoqusernermi ullormusianik piginnaatitaaneq, inuutissarsiuutinut mikinerusunut ataatsimoortunut sillimmasiissutit

immikkut ittut, nalunaaruteqarnissamut periuseq immikkut ittoq aamma aalajangiinissamut piffissarititaasut sivisunerusut.

3.2. *Allaffissorneq*

Kalaallit Nunaanni sulisillutik ajoqusersinnaanermi isumannaarinermi allaffissorneq Sulisillutik ajoqusersimasunik Sullissivimmit, Namminersorlutik Oqartussat ataani immikkoortortamit, ingerlanneqarpoq. Sulisillutik ajoqusersimasunik Sullissivik Styrelsen for Råd og Nævn-ip ataani, Inuutissarsiornermut aamma Suliffissaqartitsinermut Naalakkersuisoqarfiup ataani inissisimavoq.

Sulisillutik ajoqusersimasunik Sullissiviup Kalaallit Nunaanni sulisilluni ajoqusersinnaanermi isumannaarinermi allaffissorneq isumagisaraa Sulisillutik ajoqusersimasunik Sullissivimmi aallartitat tunngavilugit. Sullissiviup allaffissornera Sulisillutik ajoqusersimasunik Sullissivik nakkutigisaraa. Nakkutilliineq ingerlanneqartarpoq Inuutissarsiornermut, Suliffissaqarnermut aamma Inuutissarsiutitigut Ilinniartitaanermut Naalakkersuisoqarfiup, Styrelsen for Nævni, aamma Råd og Sulisilluni ajoqusersimasunik Sullissiviup akornanni suleqatigiinnissamik isumaqatigiisutaat 2008-meersoq tunngavilugu.

Aaqqissuussineq tamanna ulloq 1. januar 2009 aallarnerfigalugu atuutilersinneqarpoq, maanamut atuuttumi peqqussummi § 46 tunngavilugu.

Isumaqatigiisummut atasutut Sulisillutik ajoqusersimasunik Sullissiviup ukiumut marloriarluni Arbejdsskadestyrelsi kisitsisinik makku pillugit nassiussisassaaq:

- Suliasat nalunaarutigineqarsimasut amerlassusaat, ajutoornernut aamma inuutissarsiutitigut nappaatinut sulianut agguarlugit
- Suliat suliarineqartut amerlassusaat
- Piffissarititap ukiup ataatsip iluani inaarneqarsimasussat suliat inaarneqanngitsut amerlassusaat, tak. peqqussummi § 16
- Piffissarititap ukiut marluk iluanni inaarneqarsimasussat suliat inaarneqanngitsut amerlassusaat, tak. peqqussummi § 16
- Aalajangiinerit amerlassusaat suussusiinut aamma taarsiissutissat annertussusaannut agguarlugit
- Gruppeforsikringimut akiligassat akilerneqarsimasut, ilanngullugit tuavisaarutit nassiunneqarsimasut amerlassusaat

Siunertarineqarpoq Arbejdsskadestyrelsip piffissaagallartillugu sunnuteqarluartumik allaffissornerup qulakkeerneqarnissaanut pisariaqartumik alloriarnissamut periarfissiinisaaq. Arbejdsskadestyrelsi aamma Sulisillutik ajoqusersimasunik Sullissivik ukiumut atasiallutik naapittassapput, pisariaqartillugu suleqatigiinnissamik isumaqatigiisut iluarsartuunneqarsinnaasassalluni.

Sulisillutik ajoqusersimasunik Sullissivik allaffissornikkut akitsuutitigut ilaannaasumik nammineq aningaasalersorpoq, taakku sillimmasiisarfinit aamma Arbejdsmarkedets Erhvervssydomssikringimit sulianik sulisilluni ajoqusernerit pillugit suliarinninnermut akiliuteqartarput. Allaffissornikkut akitsuutit 2008-mi 1.24 mio. kr.-upput. Aammattaaq Sulisillutik ajoqusersimasunik Sullissiviup ingerlanneranut naalagaaffik tapiissuteqartarpoq. 2009-mi tapiissutit 1.6 mio. kr.t missarai.

3.3. *Siunissami allaffissorneq*

Inatsisissatut siunnersuutip atuutilerneranut peqatigisaanik, Sulisillutik ajoqusersimasunik Sullissivik Arbejdsskadestyrelsimut ilanngutitinneqassaaq, taamaasilluni najukkami immikkoortortaqaalissalluni Nuummi angerlarsimaffeqartumik.

Pingaartuuvoq sulisilluni ajoqusersinnaanermi isumannaarinerneq allaffissornerup suli Kalaallit Nunaanniinissaa aamma najukkanilu ilisimasalinnik sulisunik isumagineqarnissaa. Taamaattumik najukkami allaffissornerup pisariaqartinneqarpoq, kalaallisut allassinnaasuni, oqalussinnaasunik aamma paasisinnaasunik, nalunaarutiniq saaffignissutinillu tiguisinnaasut aamma suliat pillugit paasisutissanik isumaginnissinnaasut il.il.

Maannamut Sulisillutik ajoqusersimasunik Sullissivimmi sulisuusut Arbejdskadestyrelsimi atorfinitsinneqassapput, aamma Arbejdsskadestyrelsimi atorfininnermi toqqissisimanartumik ikaarsaariarnissaaq pillugu pilersaarusiortoqassaaq. Ikaarsaariarnissamut pilersaarusiornermi sulisut peqataatinneqassapput. Naatsorsuutigineqarpoq, Sulisilluni ajoqusernermi Sullissivimmiit sulisunik Arbejdsskadestyrelsimut nuussineq ingerlanneqassasoq ingerlatsivimmik tiguserneq sulisartut inatsisitigut piginnaatitaanerat pillugu inatsisartut peqqussutaat malillugu. Aammattaaq naatsorsuutigineqarpoq, Inuutisarsiornermi aamma Suliffissaqartitsinerneq Naalakkersuisoqarfiup aamma Arbejdskadestyrelsip akornanni tamanna pillugu isumaqatigiissiorortoqassasoq.

Sullissivik danskit naalagaaffiannit 2010-mut Aningaasanut inatsimmi 1.657.375 kr.-nik tapiiffigineqarpoq. Tamatuma saniatigut sullissivik sulianut sullissivimmut nalunaarutigineqartunut akiliuteqartitsisarpoq. Sulianut Sullissivimmut nalunaarutigineqartunut Danmarkinmi akigitinneqartut assingi atorneqartarput. 2010-mi naatsorsuutigineqartutut nalunaarutiginninnerit amerlassusaat 400-t missaaniittut agguaqatigiissillugu 3.500 kr.-nik akeqartut, ukiumut isertitassat 1.4 mio. kr.-nut naapertuupput.

Arbejdsskadestyrelsip naatsorsuutigaa, suliassaqarfimmi allaffissornerneq styrelsip aningaasartuutissai aningaasaqarnikkut sinaakkutissat assingisa iluanni pissasoq. Ima oqaatigalugu, styrelsip naatsorsuutigimmagu suliassaqarfimmi allaffissornerup ingerlatsinnaagaa aningaasanut inatsimmi aningaasaliissutit assigalugit kiisalu suliat suliari- neqarnerannut isertitatigut.

Arbejdsskadestyrelsi 2011-mut Aningaasanut inatsimmi aningaasartuutissanut aningaasaliissutinik 1,7 mio. kr.-nik aamma isertitassanut aningaasaliissutinik 1,4 mio. kr.-nik tunineqarpoq.

4. Inasisissatut siunnersuutit pingaarnertut imarisai

Inasisissatut siunnersuummi tunngavigineqarpoq maannamut atuuttoq peqqussut 991, 3. oktober 2008-meersoq. Peqqussutikkut sulisilluni ajoqusersinnaanermi isumannaar- neq pillugu inatsit nr. 422, 2003-meersoq kingusinnerusukkut allanngortinneqartoq Ka- laallit Nunaanni atuutilersippaa ulloq 1. januar 2009 aallarnerfigalugu.

Inasisissatut siunnersuummi siunnersuutigineqarpoq Kalaallit Nunaanni sulisilluni ajoqusersinnaanermi isumannaarineq, maannamut atuttuumi Kalaallit Nunaanni aaqqissuussinermut naapertuuttoq, Danmarkimi aaqqissuussinermut qanittuusooq, taa- maattorli siunissami Kalaallit Nunaanni aaqqissuussineq malillugu ullormusiaqartitsinis- samik periarfissiisoq.

Taamaasilluni inasisissatut siunnersuut sulisilluni ajoqusersinnaanermi isumannaari- neq pillugu danskit inatsisaanni suliamik suliarinnittarneq, ajoqusernerit akuerisaasar- nerat aamma taarsiissutissanik annertussusiilneq pillugit malittarisassat assigai. Taa- maalilluni sulisilluni ajoqusersinnaanermi isumannaarineq malillugu periuseq pioreer- soq suliassaqarfimmi taakkunani Kalaallit Nunaanni sulisilluni ajoqusernerneq ator- neqar- sinnaavoq.

Inatsisissatut siunnersuummi siunnersuutigineqarpoq, Kalaallit Nunaanni allaffissornermi akisussaaneq Arbejdsskadestyrelsimiitineqassasoq, Suliffissaqartitsinermit ministeriaqarfik oqartussaasutut ministereqarfigalugu. Tamanna isumaqarpoq, sulisussat, Kalaallit Nunaanni Sulisilluni ajoqusernermi Sullissivimmi allaffissornermik maanna ingerlataqartut, Arbejdsskadestyrelsimi atorfinitsinneqassapput.

Inatsisissatut siunnersuummi maannamut atuuttumi inatsisitigut inissisimaneq allannguinerit ataasiakkaat ilanngunneqarput, tak. ataani imm. 5.

Pineqarput napparsimmavinni aamma nakorsiartarfinni namminersortuni katsorsartinnermut, annertusisamik akiliuteqarnissamik siunnersuut, tak. siunnersuummi § 14, imm. 5, ullormusiat aalajangersimasut pillugit siunnersuut, tak. siunnersuummi § 18 aamma pisat nammineq atugassat nalinginik ukiumut aningaasarsianut tapiissutit pillugit siunnersuut, tak. siunnersuummi § 28, imm. 5.

5. Inatsisissatut siunnersuut ataatsimut isigalugu

Inatsisissatut siunnersuummi maannamut atuuttumi peqqussummi aamma sulisilluni ajoqusersinnaanermi isumannaarineq pillugu inatsimmi aqqissuussineq malinneqarpoq.

Inatsisissatut siunnersuummi kapitali 1-imi inatsisip siunertaa allaaserineqarpoq.

Inatsisissatut siunnersuummi kapitali 2 inuit isumannaarfigineqarnissamik qulakkeerneqarsimasut inatsisillu atuuffii pillugit malittarisassanik imaqarpoq. Pingaarnertut suliassaqarfiit tassaapput inuit sulisitsisumi sulisut, kisianni aamma malittarisassaqaqarpoq, suliffiunngitsutigut allanik suliallit inuit qulakkeerneqarsimasut pillugit. Pineqarput meeqqat isumaginninnikkut nakkutigineqartut, pinerluuteqarsimasunik isumaginnittoqarfimmi sulillutik misiliisut aamma sulisut kiisalu inuiaqatigiinnik sullissisut aamma inuit inuunerannik annaassineq.

Inatsisissatut siunnersuummi kapitali 3 sulisilluni ajoqusernernerit oqaatsit kiisalu suliap aamma ajoqusernermi malitsigisap akornanni tunngavissat attuumassuteqarnerannut uppernaarsaatit pillugit malittarisassat tunngaviusut.

Inatsisissatut siunnersuummi kapitali 4 sulisilluni ajoqusernermi tunniunneqartartut (taarsiissutissat) pillugit malittarisassanik kiisalu tunniuttakkanik ataasiakkaanik tunineqarnissamut piumasaqaatit pillugit malittarisassanik imaqarpoq, tamatumunnga ilanngullugit napparsinnermi ullormusiat, ataavartumik ajuuteqalersimanermi ajunngitsorsiasat, inuutissarsiorsinnaanermik annaasaqarnermi taarsiissutit aamma qimagaasunut taarsiissutit.

Inatsisissatut siunnersuummi kapitali 5 ukiumut aningaasarsiat aalajangersarneqartarnerat pillugu malittarisassanik imaqarpoq. Ukiumut aningaasarsiat inuutissarsiummik annaasaqarnermi taarsiissutissanik aamma pilersuisumik annaasaqarnermi taarsiissutissanik annertussusilinnermi tunngaviupput.

Inatsisissatut siunnersuummi kapitali 6 taarsiissutissanik tunniussarneq pillugu malittarisassanik imaqarpoq. Malittarisassatut pingaarnertut taarsiissutissat pisinnaatitaasumut tunniunneqartarput. Pisinnaatitaasoq 18-t inorlugit ukioqarpat, nammineersinnaanngitsut aningaasaatai pillugit malittarisassat atuuttut malillugit taarsiissutissat tunniunneqassapput. Taamatuttaaq isumaginninninnermi tunniunneqartartunik, taarsiissutip matussusigassaanut piffissamut ataatsimut matussutissat tunniunneqarsimasunik, kommunit utertitsisinnaatitaanerit pillugu malittarisassaqaqarpoq, akiligassaqaqarfisat malersuinissaannut taarsiissutissanut piumasaqaatinik illersuineq pillugu malittarisassanik.

Inatsisissatut siunnersuummi kapitali 7 sulisilluni ajoqusernerit nalunaarutigineqartarneranik suliallu suliarineqartarneranik malittarisassanik imaqarpoq, tamakkununga ilanngullugu suliap suliarineqarnissaanut paasissutissanik pissarsineq. Sulisitsisut nakorsallu pisussaapput sulisilluni ajoqusernernik aamma inuutissarsiornermi nappaatinik nalunaarutiginnissamut. Taamaattorli ajoqusertoq imaluunniit qimagaasut namminneq nalunaaruteqarsinnaapput, ajoquserneq nalunaaruteqartussaasunit nalunaaruteqanngippata. Nalunaaruteqarnissamut piffissaritat pillugit malittarisassaqarpoq. Sulisitsisut imaluunniit nakorsat nalunaaruteqarnissamik piffissaritanik qaangiinerat akiliisitaanermik kinguneqarsinnaavoq. Ajoqusersimasoq imaluunniit qimagaasut namminneq sulisilluni ajoquserneq nalunaarutigigunikku, tamanna pissaq ajoqusernermiit ukioq ataaseq qaangiutinnginnerani. Kingusinaarluni nalunaarutiginninnermi immikkut akuersissuteqarnissaq periarfissaavoq.

Inatsisissatut siunnersuummi kapitali 8 allaffissorneq aamma aalajangiinissamut piginnaati-taaneq pillugu malittarisassanik imaqarpoq. Qitiusutut aalajangersagaq § 45-mi nanineqarsinnaavoq, taanna oqarmat, Arbejdsskadestyrelsen inatsit malillugu aalajangiinerit tamaasa aalajangiiffigisarai. Tamatuma saniatigut kapitali suliat aalajangiiffigineqareersimasut sulia-reqqitassanngortinneqartarnerat aamma maalaaruteqarsinnaaneq pillugu malittarisassanik imaqarpoq. Inatsit malillugu aalajangiinerit Ankestyrelsen saqqummiunneqarsinnaapput.

Inatsisissatut siunnersuummi kapitali 9 sulisitsisoq isumannaarissussaataasoq pillugu malittarisassanik imaqarpoq, ima oqaatigalugu, sulisitsisoq, sulisilluni ajoqusertoqartillugu akisussaasuususaq, taamaattumillu sillimmasiinermit aamma Arbejdsmarkedets Erhvervssygdомssikringimut ilanngunermigut imminut qulakkeerfigisussaasoq.

Inatsisissatut siunnersuummi kapitali 10 isumannaarinissamik pisussaaneq qanoq naammassineqarnissaa pillugu malittarisassanik imaqarpoq. Pingaarnertut isumannaarinissamik pisussaasoq sulisitsisoq sillimmasiisarfimmi ajoqusernissanut sillimmasissaaq kiisalu suliffeqarfiutini Arbejdsmarkedets Erhvervssygdомssikringimut ilanngutitillugu. Kapitalip aammattaaq imarai Arbejdsskadestyrelsen taarsiissuteqarnissaa pillugu malittarisassat, sulisitsisup isumannaarinissamut pisussaaffini sumiginnarsimappagit. Aammattaaq kapitali ataatsimortunut sillimmasiisarneq pillugu malittarisassanik imaqarpoq, tassaasoq aalisarnerup piniarnerullu inuutissarsiutit iluanni namminersortut inuutissarsiuteqartunik sillimmasiisarnermik aaqqissuussineq.

Inatsisissatut siunnersuummi kapitali 11 taarsiissuteqaqqusineq, taarsiissuteqarnissamik piumasaqataatinut akiligassaqarfiup illersugaanera, Arbejdsskadestyrelsen sulisunut pikkorissuseqarnissaannut piumasaqaatinik aamma nalunaaruteqarsimannginnermi pillaaneq imaluunniit isumannaarinissamik pisussaaneermik naammassinnissimannginneq pillugit malittarisassanik imaqarpoq.

Inatsisissatut siunnersuummi kapitali 12 atuutilernissaanik ikaarsaariarnermilu aalajangersakkanik imaqarpoq.

6. Peqqussummut atuuttumut naleqqiullugu inatsisitigut inissisimanermut atuuttumik allannguutit annertuut.

- Peqqussummi § 5-imi isumannaariffigineqarsimasut, ajoqusernerup kingorna Kalaallit Nunaata avataanut nuuttut, sulisilluni ajoqusersinnaanermi isumannaarinissaaq pillugu inatsit malillugu sillimmasiinermit nuutinneqarnissaat pillugu malittarisassaq, atorunnaarsinneqassaq

- Napparsimmavinni nakorsiartarfinnilu namminersortuni katsorsartinnermi aningaasartuutit taarsiissuteqarneq, pisortani katsorsartinnissamut utaqqisoqartillugu, aningaartuutillu utaqqinnermi ullormusianut il.il. aningaasartuutit naligigaangassuk
- Kalaallit Nunaanni immikkut ittumik ullormusiat pillugit aaqqissuussinnermi ullormusiat aalajangersimasut atuutilersinneqassapput
- Ukiumut aningaasarsianut tapiissuteqartoqassaaq ataatsimoortunut sillimmasiinnermi namminersorlutik inuutissarsiorlut namminneq atugassatut pisaasa agguaqatigiissillugu nalinginut naapertuuttumik
- Ataatsimoortunut sillimmasiisarneq pinngitsaalissutaajunnaassaaq.

Immikkoortoq siulleg tassaavoq Suliffissaqartitsinnermut ministerip tungaanniit kissaateqarneq immikkoortut sisamat kingullit maannamut atuuttut malittarisassat iluarsineqarnissaannik kalaallit tungaanniit kissaateqarnerit ersersippaat.

6.1. Inatsit malillugu isumannaarneqartut sulisilluni ajoqusernerup kingorna Kalaallit Nunaata avataanut nuuttut

6.1.1. Inatsit atuuttoq

Peqqussut nr. 991, 3. oktober 2008-meersumi § 5-ip malitsigaa, pisuni, ajoquserup taassumalluunniit qimagaasa ajoqusernerup kingorna Kalaallit Nunaata avataanut ataavartumik najugalersimasunut tunngatillugu, sulisilluni ajoqusernermi isumannaarineq pillugu danskit inatsisaanni malittarisassat atorneqassapput. Peqqussummi § 30, imm. 5 malillugu inunnt Kalaallit Nunaata avataani najugaqartunut ingerlaavartumik tunniuttakkat tunniunneqassapput iluarsineqarlutillu, sulisilluni ajoqusersinnaanermi isumannaarineq pillugu inatsimmi § 25, imm. 2 malillugu.

Taamatut pisoqartillugu maannamut atuuttoq peqqussummi § 5 aamma 30, imm. 5 naapertorlugu, taarsiissutit ingerlaavartut peqqussut malillugu tunniunneqarsimasut naatsorsoqqinneqassapput. Naatsorsueqqinneq sulisilluni ajoqusersinnaanermi isumannaarisarneq pillugu inatsimmi § 25, imm. 2 malillugu ingerlanneqassaaq.

Peqqussummi atuuttumi nr. 559, 1979-imeersumi § 5-imi malittarisassaaq Kalaallit Nunaanni sulisilluni ajoqusersinnaanermi isumannaarineq pillugu isumaliutissiissut nr. 883, 1979-imeersoq tunngavigalugu eqqunneqarpoq.

Isumaliutissiissummi aamma siunnersuummut oqaaseqaatini takuneqarsinnaavoq, peqqussut malillugu tunniuttakkat annikinnerusut tunngavigineqartut malitsigaa, ajoqusersimasut Danmarkimi najugaqartut aamma peqqussut malillugu tunineqartartut, pitsaanngitsumik assigiinngitsumik sullinneqartartut.

6.1.2. Suliffissaqartitsinnermut ministerip isumaliutersuutai

Peqqussummi atuuttumi § 5-imut atatillugu piumasarineqarpoq, Danmarkimi aamma Kalaallit Nunaanni malittarisassanik tunngavigisat, inatsimmit assigiimmit tunngaveqassasut, tunniuttakkanik aamma tunngaviumsumik aningaasanik assigiinngitsunik aaqqiissuseqartoqaannarluni, tiguisussaqaq Kalaallit Nunaanni imaluunniit Danmarkimi najugaqarnerisooq apeqqutaatillugu.

Piomasqaatit tamakku allanngortinneqarput, ineriartornerup kingunerimmagu ataatsimut isigalugu Kalaallit Nunaanni tunniuttakkat Danmarkimi tunniuttakkanut naapertuum-

mata. Tamatuma saniatigut inatsisissatut siunnersuutikkut Kalaallit Nunaanni inatsit atorpeqartoq Danmarkimi atorpeqartup assignissaanik piumasaqaat allanngortinneqarpoq. Kalaallit Nunaanni sulisilluni ajoqusersinnaanermi isumannaarineq pillugu inatsimik atuutilersitsineq, inatsit malilugu tunniuttakkanik piginnaatitaasup Kalaallit Nunaata avataanut nuunnissaata tungaannaanut atuuttussa, anguniakkamut akerliuvoq.

Tullertut pineqarpoq, sillimmasiissutinik tunngaveqartoq aaqqissuussineq, akiliutitigut aamma tapiissutitigut sulisitsisunit aningaasalersorneqartoq, aamma inatsit naapertorlugu taarsiissutinik akiliuteqarnissamik sillimmasiisarfinnut aamma Arbejdsmarkedets Erhvervssygdomssikringimut pisussaatisisoq. Sillimmatinik tunngaveqartumik aaqqissuussinermi piumasaqaataavoq, sillimmasiisariit aamma Arbejdsmarkedets Erhvervssygdomssikringip tunniuttakkanut naleqqiullugu ajoqusertoqassappat sulisitsisut ataasiakkaanut navianartorsiorneq nalilersinnaamassuk.

Taarsiissutissanik piginnaatitaasup najukkami nuunneratigut sillimmasiinermik aaqqissuussineq alla malillugu tunniuttakkanik, inatsisiliornermik allamik tunngavilimmik aamma tunniuttakkanik iluarsiissutinik allaasumik tunngavilimmik, naak massakkat tunniuttakat assigiit pineqaraluartut, piginnaatitaanera sillimmasiissutinik tunngasutigut piumasaqaatit naapertuutinngillat.

6.1.3. Inatsisissatut siunnersuutip imarisai

Siunnersuutigineqarpoq, maannamut atuuttumi § 5-imi aamma § 30, imm. 5-imi malittarisassat inatsisissatut siunnersuummi ilanngunneqassanngitsut.

Tamatuma kinguneraa, ajoqusersimasup taarsiissutinik piginnaatitaanera inatsisitigut tunngavik, aamma Kalaallit Nunaanniit nuunnermi, Kalaallit Nunaanni sulisilluni ajoqusersinnaanermi isumannaarineq pillugu inatsisissatut siunnersuummi nassaasaanera.

Tamanna suliassaqarfimmi nunani tamalaani inatsisit toqqarneqarsinnaasut pillugit malittarisassanut nalinginnaasunut naapertuuppoq. Assersuutigalugu ajoqusersimasup, tyskit sulisilluni ajoqusernermi sillimmasiissutaannit tunniuttakkanik pisartagaqartup, sulisilluni ajoqusersinnaanermi isumannaarineq pillugu inatsit malilugu pisartagai iluarsineqarsinnaanngillat, pineqartoq Danmarkimut nuussappat aamma nuuppat.

Massakkut atuuttumi peqqussummi § 5-ip peerneqarnerata kingorna, ukiuni tallimani kingulerni atuussimasut akit aamma aningaasarsiat ineriartornerat, ingerlaavartumik tunniuttakkanik pisartunut malunnaataannaviangilaq.

Assersuutissatut eqqarsaatigineqartup peqqussummi atuuttumi § 5-ip aamma § 30, imm. 5-p atorunnaarsinneqarnerisa sunniutit erseqqissisissinnaavai: ajoqusersimasooq ukiumut 250.000 kr.-nik isertitaqartoq aamma 50 %-inik inuutissarsiornermi annaasaqarneq, Danmarkimut nuuttoq, peqqussummi atuuttumi malittarisassat malillugit qaammammut 9.881 kr.-nik ingerlaavartumik tunineqartarnissamut piginnaatitaassaaq, tunniuttakat, sulisilluni ajoqusersinnaanermi isumannaarineq pillugu inatsit malilugu 9.862 kr.-usut. Assersuummi 2009-mi akigitineqartut malillugit naatsorsorneqarput.

Assersuutip inerneraa, ajoqusernumut, peqqussummi atuuttumi naatsorsueqqinneq pillugu malittarisassaq malilugu naatsorsuutitseqqittumut, naatsorsuutigineqartut ataanni qaammammut tunniuttakat 19 kr.-nik (9.881 – 9.862) ikinnerusut tunniunneqartassappat.

Tamanna pissuteqarpoq, Kalaallit Nunaanni akit, ingerlaavartumik taarsiissutinik kalaallit aaqqiissuteqartarnerannik aalajangersaasut, piffissami 2003-miit 2009-mut annertunerusuti-

gut danskit aningaasarsiaasa ineriartorerisa assinganik ineriartorsimammata, danskit ingerlaavartumik taarsissutinik aaqqiissuteqartarneranik aalajangiisuusoq.

Siunnersuut sunniuteqassaaq ajutumeernernut aamma inuutissarsiutitigut nappaatinut, ullormi atuutilerfissatut siunnersuutaasumi, ulloq 1. januar 2011-mi nalunaarutigineqartunut, sunniuteqarnaviarnanilu ajoqusersimasunut Kalaallit Nunaanniit nooreersimasunut tunniuttakkanut, aamma ajoqusersimasunut, ullup atuutilernissaanik siunnersuutigineqartup kingorna Kalaallit Nunaanniit nuuttunut tunniuttakkanut, ajutumeerneq imaluunniit inuutissarsiutitigut nappaat nalunaarutigineqarsimappata, ullup atuutilernissaanik siunnersuutigineqartup siorna.

Naalackersuisut siunnersuutaat atorneqalissaaq, peqqussummi atuuttumi § 5 aamma § 30, imm. 5, siunnersuummi ilaatinneqanngippat.

6.2. *Napparsimmavinni nakorsiartarfinnilu namminersortuni katsorsartinnermut aningaasartuutitik taarsiissuteqarneq*

6.2.1. *Inatsit atuuttoq*

Peqqussummi atuuttumi nr. 911, 3. oktober 2008-meersumi § 15 malillugu napparsimmavimmi katsorsartinnermi, sungiusarnermi aamma ikiorsiissutinut aningaasartuutit suliap sularineqarnerani tunniunneqarsinnaapput, katsorsaanerup ajoquserup peqqissusaanut siuariarfiuppat, sulisilluni ajoqusernerup kinguneru annikillisinneqarpata imaluunniit ajoqutigilikkap aalajangersarneqarnissaanut imaluunniit inuutissarsiummik annaasaqarnermi pisariaqarpat, aningaasartuutit pisortanit akilernerqarsinnaanngippata. Malittarisassaq sulisilluni ajoqusersinnaanermi isumannaarineq pillugu inatsimmi § 15-imut naapertuuppoq.

6.2.2. *Suliffissaqartitsinnermut ministerip isumaliutersuutai*

Ajoquserup pisariaqartunut aamma siunertamut naapertuuttunut katsorsartinnermut il.il. aningaasartuutit taarsiissutigineqarnissaanut malittarisassaq, pisortat peqqinnissaqarfiannit katsorsaaneq akeqanngitsumik tunniunneqarsinnaannginnera naapertorlugu, pisortat peqqinnissaqarfiinik, nakorsanit illorsorneqarsinnaasup piffissap iluani naatsorsuutigineqartut, pisariaqartumik katsorsaansamik peqateqarnikkut atorneqartussatut eqqarsaatigineqarpoq.

Piumasaqaat tamanna Kalaallit Nunaanni Danmarkimisulli tamatigut periarfissaaneq ajorpoq, piginnaanilinnik ajornartorsiuteqarneq pissutigalugu, katsorsartinnissamut nalinginnaasumik sivisuumik utaaqisoqartarmat, suliaasaqarfinni ataasiakkaani sivisuupilussuumik utaaqisoqartarluni.

Malittarisassaq atuuttoq taamaakkaluartoq ima atorneqarsinnaanngilaq, sulisilluni ajoqusersinnaanermi isumannaarisarnerup katsorsartinnermut akiluteqarnissamik pisussaaffik tigussagaa, pisortat peqqinnissaqarfiinit katsorsartinneq pisariaqartoq tunniussinnaanngikkaangamikku nakorsanit illorsorneqarsinnaasup piffissap iluani. Tamanna peqqinnissaqarfiup aningaasartuutissaraluisa sulisitsisunut tutsinneqarnerannik, malittarisassami naatsorsuutigineqanngitsunut, kinguneqarsinnaavoq.

Akerlianilli siunertarisamut naapertuussinnaavoq malittarisassiorneq, Kalaallit Nunaanni Danmarkimilu napparsimmavinnik aamma nakorsiartarfinnik namminersortunik piginnaanilinnik atuinissamut periarfissiisumik, peqqinnissaqarfiup aningaasartuutissaraluinik sulisitsisunut tutsitsinngikkaarluni. Ima oqaatigalugu pisuni, aningaasatigut naatsorsuineq sukkasuumik aamma pitsaernerusumik peqqissinissamut ilimagisat taamaalillunilu suliffimmut sukkasuumik uteqqinnissamut ilimagisat ilanngullugit nalilernerasingut tunngaveqartoq, napparsimmavinni nakorsiartarfinnilu namminersortuni katsorsartinnermut aningaasartuutit ullormusianut il.il. utaaqinnermi sillimmasiisarfiit akiligassatut pisussaafigisai, aningaasartuutit naligigai erserpat.

6.2.3. *Inatsisissatut siunnersuutip imarisai*

Kalaallinit kissaatigineqartutut siunnersuutigineqarpoq malittarisassamik ilanngussinissaq, Kalaallit Nunaanni Danmarkimilu napparsimmavinni nakorsiartarfinnilu namminersortuni katsorsartinnermut aningaasartuutit akilertinnissaannut ajoqusersertumut piginnaatitsinermik anertnerusumik imaqartumik.

Suli tassaapput nalinnginnaasumik peqqinnissaqarfik, sulisillutik ajoqusersimasunik katsorsaanissamik sungiusarnissamullu akisussaasuusut. Taamatut katsorsartinnermut sungiusarnermullu aningaasartuutit sulisilluni ajoqusersinnaanermi isumannaarinnermit pisussaaffigineqanngilaq. Taamaattumik siunnersuut pingaarnertut malittarisassamit sanioqutitsineruvoq, killilerujussuup iluani.

Malittarisassatut siunnersuutip malitsigaa, napparsimmavinni aamma nakorsiartarfinni namminersortuni katsorsartinnermut aningaasartuutit ajoqusersimasup suliap suliarineqarnerani akilertinnaagai – pisortatigut tapiissutaasinnaasut ilanngaaticigereerlugit – akiliutigineqartut tamakkiisumik ullormusiani sipaarutaasumut aamma angallannermut uninnganermullu aningaasartuutitut naleqquppata, taakku ajoqusersertup pisortat napparsimmavianni katsorsartinnissaminut utaqqisariaqannginnerisigut anguneqarsinnaasutut naatsorsuutigineqarpoq. Taamaasiluni naatsorsuutigineqarpoq, inatsisissatut siunnersuummi tassunga tunngasortaa sulitsisunut aningaasartuuttaassanngitsoq.

Malittarisassaq taamaattoq ajoqusersimasumut inatsisitigut piumasaqaammik isikkoqalissaaq. Taamaakkaluartoq sillimmasiisarfii aamma Arbejdsmarkedets Erhvervssygdomekking siunnersuummi § 14, imm. 7 malillugu, mannamut atuuttumi peqqussummi § 15, imm. 6-imik ingerlatitseqqittoq, piumasaqaatinik taamaattunik suliarinninnissamut isummerninnaapput. Malittarisassap taaneqartup malitsigaa, sillimmasiisarfik imaluunniit Arbejdsmarkedets Erhvervssygdomekking piumasaqaammut isumminngippata imaluunniit ajoqusersertuq aalajangiinissamik kissaateqarpat, Arbejdsskadestyrelsi tamanna pillugu aalajangiisaaq. Taamaattumik naatsorsuutigineqarpoq, sillimmasiisarfii aamma Arbejdsmarkedets Erhvervssygdomekking namminneq sapinngisamik piumasaqaatinut, siunnersuut naapertorlugu piumasaqaatigineqartunut, isummernissaa.

Naalakkersuisut siunnersuuttaat § 14, imm. 5-imi atuutinneqassaaq.

6.3. *Kalaallit Nunaanni immikkut ittumut ullormusiat pillugit aaqqissuussinermi ullormusiat aalajangersimasut*

6.3.1. *Inatsit atuuttoq*

Peqqussummi atuuttumi §§ 17 – 18 malillugit ajoqusersertuq ullormusiaqarsinnaatitaavoq ulloq suliaritunngitsoorfik siulleq aallarnerfigalugu, ajoqusersimasuq sulisilluni ajoqusernerup kingunerisaanik sulisinnaanngippat. Sulisilluni ajoquserneq ilaannakuusumik sulisinnaannginnermik kinguneqarpat, ullormusiat naleqquttumik annikillisinneqarsinnaapput. Naleqquttumik annikillitsineq pillugu malittarisassaq qaqutigunnaq atorneqartarpoq, pisuni amerlanerpaani imaamat, ajoqusersertuq piffissami sivikinnerusumi imaluunniit sivilunerusumi sulisinnaaneq ajormat imaluunniit ajoquserneq napparsimalluni takkutinnngitsoornermik kinguneqarneq ajormat. Sillimmasiisarfii aamma Arbejdsmarkedets Erhvervssygdomekkingip napparsimalluni ullormusiat akilertassavaat.

Sulisilluni ajoquserneq pissutigalugu napparsimanermi ullormusiaqarsinnaaneq sulisilluni ajoqusernermi inatsisiliornermut ilaavoq, 1898-imi ajutumeernermi sillimmasiineq pillugu inatsit siulleq atuutilermalli. Napparsimanermi ullormusiat pillugit malittarisassat ajutumeernermi sillimmasiinermi inatsimmit 1973-imi peerneqarpoq napparsimanermi

ullormusiat pillugit inatsisip aalajangiunneqarneratigut, kisiannili Kalaallit Nunaanni ajutumeermermi sillimmasiineq pillugu inatsisip atuutilersinneqarneranut peqqussummi attatiinnarneqarpoq, Kalaallit Nunaanni allamik ullormusiat pillugit aaqqissuussinermik soqanngimmat.

Peqqussut malillugu ullormusiat ajoqusertup ukiumut aningaasarsiai tunngavigalugit naatsorsorneqartarput, inuutissarsiorsinnaanermik annaasaqarnermi taarsiissutissanik naatsorsuinermi aamma tunngavissiisuusumit. Ukiumut aningaasarsiat 52-inik agguarneqasapput, taamaaliornikkut sapaatip akunneranut ullormusiat saqqummissapput. Ullormusiat pillugit inatsimmi § 50, imm. 1 malillugu ullormusiat annerpaaffissaanniit annerusumit ullormusianik tunniussisoqarsinnaanngilaq. 2010-mi ullormusiat annerpaaffissaat sapaatip akunneranut 3.760 kr.-upput.

Ullormusiat tunniunneqartassapput ajoqusertup suliainik nangitsinissaata tungaanut imaluunniit inuussutissarsiorsinnaanermik annaasaqarnermi taarsiissutissanik aalajangiisoqarnissaata tungaanut. Inuussutissarsiorsinnaanermik annaasaqarnermi taarsiissutissat aamma ataavartumik ajoquteqarlersimaneq pillugu taartisiat pillugit aalajangiineq pissaaq sulisilluni ajoqusernerup nalunaarutigineqareernerata kingorna ukioq ataaseq qaangiutsinnagu, taamaattorli allattorsimaffiup avataaniittunut inuussutissarsiornermi nappaatinutkingusinnerpaamik ukiut marluk qaangiutsinnagit, tak. § 15, imm. 1.

Inuussutissarsiorsinnaanermik annaasaqarnermi ingerlaavartumik tunniunneqartartussanik pisussatut aalajangiisoqarsinnaavoq, ajoqusersimasup inuussutissarsiuutitigut inissisimanagera oqaatigiuminaappat. Tamatumi oqaatigisanut ilaangikkaluarluni piffissaq ullormusiaqarfusoq sivirusnerpaamik ukiunut marlunnut killeqarpoq.

6.3.2. Suliffissaqartitsinermut ministerip isumaliutersuutai

Ullormusianik aaqqissuussinerup atuuttup naammassiuminarsagaanissaa pisariaqartinneqarpoq aamma suliffeqanngikkallarnermi ikiorsiissutit pillugit Inatsisartut peqqussutaat nr. 5, 1. juni 2006-imeersumi pilersinneqarsimasumut Kalaallit Nunaanni napparsimanermi ullormusiat pillugit aaqqissuussinermut nalinginnaasumut naleqqussaanaissaq. Tamanna pillugu siunner-suut sulisilluni ajoqusersinnaanermi isumannaarinermit napparsimanermi ullormusiat pillugit malittarisassat atuuttut iluarsineqarnissaannik kalaallit kissaateqarnerannik pissuteqarpoq.

Ullormusiat taartisiatut eqqarsaatigineqarput, sulisilluni ajoqusernerup kingunerisaanik isertitanik annaasaqarallarnermi. Ataavartumik isertitanik annaasaqarnermik sulisilluni ajoquserneq kinguneqarpat, ataavartumik annaasat inuussutissarsiorsinnaanermik annaasaqarnermi taarsiissutissat aqqutigalugit taartisiaritinneqartarput. Piumasaqaataavoq napparsimanermi ullormusiat sapinngisamik piaarnerpaamik ulloq suliartunngitsoorfimmiit siullermit tunniunneqarnissaat.

Taamaakkaluartoq malittarisassat atuuttut kinguneraat akuttunngitsumik napparsimanermi ullormusianik kingusinaartumik tunniussisarneq. Nalinginnaasuunngilaq, napparsimanermi ullormusiat aatsaat tunniunneqartarmata ajoqusertup sulinerminik nangitsereernerata kingorna qaammaterpassuit qaangiukkaangata.

Tamanna siullertut pissuteqarpoq, sulisilluni ajoquserneq – tamatigut oqaatigineqarsinnaavoq sulisilluni ajutumeerneq – peqqussut malillugu akuerisaanersoq pillugu aalajangiisoqarnissaa, aamma napparsimalluni suliartunngitsoorneq sulisilluni ajoqusernermik akuerisamik pissuteqarnerasoq. Ajutumeermermi pisuni amerlanerni qaammatit pingasut iluini akuerisaanera pillugu aalajangiisoqarsinnaasarpoq, taamaattorli inuutissarsiuutitigut nappaatini piffissaq sivirusnerusoq atorineqarsinnaasarpoq.

Tulliatut sulisitsisumut aamma akileraaruseriffimmut aningaasarsiat pillugit paasissutissat pissarsiarineqassapput ukiumut aningaasarsiat naatsorsornissaannut atugassat. Tassunga tunngasortaa piffissamik atuiffiusinnaasarpog aamma kingusinaartumik ullormusianik tunnius-sisarnermi patsisit annersaraat.

Taamaattumik Suliffissaqartitsinermit ministeriaqarfiup aalajangersimasumik akimik atuutilersitsinissaq eqqarsaatigaa, suliffeqannginnermi tunniuttakkanut naapertuuttumik. Tamatuma annertuumik piuminarsaanermik kinguneqassaaq taamaalillunilu aamma sukkanerusumik aalajangiinernik. Tamatuma peqatigisaanik suliffeqannginnermi pisarta-gaqartunut naleqqiullugu atajuarnermik kinguneqassaaq, ulloq napparsimaffimmiit siul-lermiit tunniunneqartartut assigiit aamma inuutissarsiorsinnaanermi annaasaqarnermi taarsiissutit pillugit aalajangiisoqarnissaata tungaanut pisassagamikkit.

Suliffeqannginnermi tunniunneqartartunik pisartagaqarnissamut piunasaqaataavoq, tiguisus-sap 18-ileereersimanissaa imaluunniit pilersuisuunissaa, Kalaallit Nunaanni inunnik nalunaar-suiffimmi nalunaarsorsimanissaa aamma siuliatigut sapaatip akunnerini 13-ini aningaasarsi-aqartut akunnernik 182-inik sulisimanissaa. Tamanna isumaqarpoq, ajoqusersimasut ilaqar-sinnaasut suliffeqanngikkallarnermi ikiorsiissutinik piginnaatitaanngitsunik. Inunnut taakkunun-ga tunngatillugu immikkut pingaaruteqarpoq, suliamik suliarinninnerup sivisussusaata an-nikillisinneqarnissaa aalajangersimasumik aningaasanik atuutilersitsisoqarneratigut.

Taamaakkaluartoq inuutissarsiutitigut nappaateqartoqassaaq, akuerisaanermik aalajan-giinerit piffissap sivisuup ingerlareerneratigut, tamatigut ukioq ataaseq qaangiukkaan-gat, aatsaat aalajangiiffigineqarsinnaasunik.

Kalaallit Nunaanni Naatsorsueqqissaartarfik naapertorlugu, 2007-imi Kalaallit Nunaanni agguaqatigiissillugu aningaasarsiat 170.000 kr.-upput. Tamanna ukiumut 170.000 kr.-nik ullormusiaqaataassaaq imaluunniit sapaatip akunneranut 3.269 kr.-t missaanni, siunnersuummi malittarisassat malillugit naatsorsuinnermi ukiumut 147.326 kr.-usut ima-luunniit sapaatip akunneranut 2.833 kr.-usut, sapaatip akunneranut akunnerni 40-ni sulisaraanni. Tamanna isumaqarpoq ajoqusersimasumut agguaqatigiissillugu ukiumut aningaasarsiaqartumut ukiumut ullormusianik 22.674 kr.-nik annikilliliineq imaluunniit sa-paatip akunneranut 436 kr.-nik.

Ataatsimoortunut sillimmasiissutini namminersortut, amerlanersaat ukiumut 100.000 kr.-t ataallugit isertitaqartuusut, tassaapput malittarisassat atuuttunit siunnersuut malillugu annertunerusunik ullormusianik pisartussat. Taamaakkaluartoq Ataatsimoortunut sillim-masiissutini ajoqusernermi suliat amerlassusaat Kalaallit Nunaanni ukiumut ajoquser-nermi suliat ataatsimut amerlassusaannit 10%-iinnaapput imaluunniit 2008-imi suliani 382-usuni 36-t missaaniipput. 2007-imi ullormusiaqarsinnaanermik suliat 36-t aalajangi-iffigineqarput. Ullormusiat naatsorneqarneqarneranni suliffeqanngikkallarnermi tunniun-neqartartut tunngavittut atorneqarnissaanut siunnersuutip kingunerisaanik ullormusianik qaffaangaatsiarneq taamaasilluni pingaartumik ataatsimoortunut sillimmasiissutini ilaa-sortanut isertitat appasissut tunngavigineqarput. Tamanna ataatsimoortunut sillimmasi-issutini ilaasortat akuleruttumik aningaasaqarnerannik (blandet penge- og natuaralieø-konomi) attuumassuteqarpoq. Taamaasilluni aningaasanngorlugit isertitat annertuumik qaffasinnerusutut inissisimasussatut isumaqarfiginartut aningaasarsiaaviit ersersinngilaat, nammineq atugassat nioqqutissiat nalingat ilanngukkaanni. Tamanna aammattaaq tunn-gaviuvoq, taakkununngarpiaq nammineq atugassamut pisat il.il. nalinginik ukiumut anin-gaasarsiaannut tapeqartitsinissamut siunnersuuteqarnermi, tak. siunnersuummi § 28, imm. 5.

6.3.3. *Inatsisissatut siunnersuutip imarisai*

Siunnersuutigineqarpoq, ullormusiat suliffeqanngikkallarnermi ikiorsiissutit tak. inatsisartut peqqussutaat nr. 5, 1. juni 2006-imeersumi § 12-imi tunniunneqartarnerat assigalugu aamma aningaasat annertoqataannik tunniunneqartassasut. Taakku ikiorsiissutit sulisartut ilinnia-gaqarsimanngitsunut minnerpaamik aningaasarsiaat pillugit SIK-p aamma Namminersorlutik Oqartussat akornanni isumaqatigiissut naapertorlugu 90 pct.-eraat. 2009-mi suliffeqanngik-kallarnermi ikiorsiissutit: Akunnermut 70,83 kr.-upput. Sulisilluni ajoqusernermi ulloq suli-artunngitsoorfimmiit siullermiit suliffeqanngikkallarnermi ikiorsiissutit tunniunneqassapput, ka-tillugulu sapaatip akunnerini 13-imi tunniunneqartarsinnaallutik. Sapaatip akunneranut sivi-sunerpaamik akunnernik 40-nik aamma sivikinnerpaamik akunnernik 20-nik ullormusiaqartit-sisoqarsinnaavoq.

Siunnersuut malillugu ullormusiat sapaatip akunneranut annerpaamik 2.833 kr.-ussapput, suliffeqanngikkallarnermi ikiorsiissutit (40 x 70,83) tunngavigissagaanni. Ukiumut 250.000 kr.-nik aningaasarsiaqarnermi mannamut atuuttut malittarisassat malillugit ajoqusersimasooq 188.500 kr.-nik ukiumut pisinnaassaaq imaluunniit sapaatip akunneranut 3.625 kr.-nik, pi-neqartoq malittarisassat nutaat malillugit ukiumut annerpaamik 147.326 kr.-nik imaluunniit sa-paatip akunneranut 2.833 kr.-nik pisinnaasooq, pineqartoq napparsimalinnginnermi sapaatip akunneranut akunnernik 40-nik sulisimappat. Taamaattumik ajoqusersimasumut annertun-gaatsiartumik isertitaqartumut siunnersuut ukiumut 41.174 kr.-nik imaluunniit sapaatip akun-neranut 792 kr.-nik appararnermik kinguneqarpoq.

Ajoqusersimasooq ukiumut minnerpaamik isertitaqartoq, tassaasut 2010-mi 55.200 kr.-t, malit-tarisassat atuuttut malillugit ukiumut 55.200 kr.-nik pisinnaavoq imaluunniit sapaatip akunne-ranut 1.061 kr.-nik. Siunnersuut malillugu ullormusiat sapaatip akunneranut minnerpaamik 1.416,50 kr.-usinnaapput (20 x 70,83) inunnut, agguaqatigiissillugu sapaatip akunneranut akunnerit 40-t sinnerlugilluunniit sulisimanermiinnik uppersarsaasinnaangitsunut.

Ajoqusersimasooq, suliffeqanngikkallarnermi ikiorsiissutinik pinissamut piumasaaqatinik naam-massinnittoq, ullormi suliarunngitsoorfimmiit sapaatillu akunnerit 13-it tikillugit kommunimiit taakku ikiorsiissutit pisinnaavai. Inatsit malillugu ullormusiat pillugit aalajangiisoqaraangat, kommuni piginnaatitaassaaq sulisilluni ajoqusernermi sillimmasiisarfirmiit, Arbejdsmarkedets Erhvervssygdomssikringimiit imaluunniit ataatsimoortunut sillimaasiissutiniit sapaatip akunne-rini 13-imi suliffeqanngikkallarnermi ikiorsiissutit tunniunneqarsimasunut taartisinissamut, ta-matumalu kingorna ajoquserup aningaasat taakku piffissanilu taakkunani sulisilluni ajoquser-sinnaanermi isumannaarinermiit pisinnaavai, taamaattorli inatsimmi § 21 malillugu ulloq, inuutissarsiorsinnaanermik annaasaqarnermi taarsiissuteqarnissaaq pillugu aalajangiinerup sunniuteqalernissaa tikillugu.

Nangillugu siunnersuutigineqarpoq, inatsisissatut siunnersuummi § 17 erseqqissarneqassa-soq, ullormusiaqarsinnaaneq sivisunerpaamik pissasooq, inatsimmi § 21 malillugu ulloq, inuu-tissarsiorsinnaanermik annaasaqarnermi taarsiissuteqarnissaaq pillugu aalajangiinerup sunni-uteqalernissaa tikillugu.

Naalakkersuisut siunnersuuttaat §§ 17 aamma 18-imi atuutilersinneqarpoq.

6.4. Ataatsimoortunut sillimmasiissutini namminersorlutik inuutissarsiteqartut ukiumut anin-gaasarsiaannut tapiissutit

6.4.1. Inatsit atuuttoq

Peqqussummi atuuttumi § 29, imm. 2-mi malittarisassaqarpoq, inuutissarsiorsinnaanermik an-naasaqarnermi taarsiissutissanik aamma pilersuisigisamik annaasaqarnermi taarsiissutissanik (ki-isalu malittarisassat atuuttut malillugit ullormusiat) naatsorsuinermi ukiumut aningaasarsianut ilan-gullugit naatsorsorneqassasut nerisaqarnerup ineqartitaanerullu nalingat kiisalu allat nioqqtis-

sannngorlugit tunniunneqartartut nalingat. Tamatuma peqatigisaanik Arbejdsskadestyrelsip pisortaa piginnaatinneqassaaq, inunnut, sulisitsisuminnik najugaqartunut, nerisaqartitaanerup ineqarnerullu nalinginik aalajangersaanissamut. Nerisaqartitaanerup ineqartitaanerullu saniatigut nioqqutissanngorlugit tunniuttakkat allat nalinginik tapiissutit pillugit erseqqinnerusumik malittarisassiortoqann-gilaq.

6.4.2. *Suliffissaqartitsinermut ministerip isumaliutersuutai*

Ataatsimoortunut sillimmasiissutini ilaasortat pingaartumik tassaapput aalisartutut, pini-artutut

savaatilillutullu namminersortut. Massakkut ataatsimoortunut sillimmasiissutini ilaasortat 160-

t missaanniipput. Ilaasortat taakku piffissat ilaanni suliffeqarfiutiminni sulisoqartarput.

Aalisartutut, piniartutut aamma savaatilittut namminersortunut il.il. aningaasaqarnikkut ilu-anaarutit ilaatigut tassaapput piniakkanik pisisimasanik tunisaqarnermi isertitat ilaatigullu anger-larsimaffimmi piniakkanik pisisimasanik nammineq atuineq. Taamaattumik kalaallit tungaanniit kissaatigineqartarpoq malittarisassiortoqassasoq, ukiumut aningaasarsianut ilanngunneqarsin-naasumik nammineq atuinerup nalingisa naatsorsornissaannut periarfissiisumik. Eqqarsaattaann-gilaq, tapiissutit sulisunut, sulisitsisumik ilaasortaanerat pissutigalugu ataatsimoortunut sillimmasi-issutit ataanni sillimmasersimasunut tunniunneqassasut, sulisut akissarsiaqarlutik sulinissaat naatsorsuuttaammat.

Naatsorsueqqissaartarfik naapertorlugu paasissutissaqann-gilaq, piniakkanik namminermut atugassat nalingisa naatsorsorneranni erseqqinnerusumik ator-neqarsinnaasunik tunngasunik. Pisanik nammineq atugassat nalingat inunnut taakkununga tunngavittut isertitaannut annertuumik pingaaruteqarmat, naammaginaruussaaq aamma Kalaallinut Nunaanni pissutsinut naapertuut-tuussaaq, malittarisassamik atuutilersitsineq, inuutissarsiutinut tunngasutigut iluanaarut aningaa-sannngorlugu naatsorsorneqartumik, ukiumut aningaasarsiat naatsorsornerannut ilanngunneqarsin-nasumik qulakkeerinnittumik.

Naatsorsuutigineqassaaq, pisanik nammineq atuinerup nikerarnissaa, taamaasillunilu ataatsi-moortunut sillimmasiissutini ilaasortat ilaannut pisassat annertunerussallutik. Naatsorsuutigineqar-poq isertitat annikinnerutilugit pisanik nammineq atuineq annertunerussasoq.

Pisap ilaa, namminermut atugassap nalilersornissaanut erseqqinnerusumik tunngaviit ami-gaataanerat pissutigalugu, erseqqinnerussaaq nerisaqartitaanerup nalinga aallavigissallugu, taan-na tassaammat 1898-imi ajutoornermi sillimmasiineq pillugu inatsit siulleq atuutilermalli aalajanger-simasumik ilaatinneqartoq, taamaattumillu maannamut atuuttumi peqqussummi nassaassaalluni. Nerisaqartitaanerup nalinga Arbejdsskadestyrelsip pisortaata ukiumoortumik aaqqiissutit pillugit nalunaarutaanni aalajangersarneqartarpoq maannamut atuuttumi peqqussummi § 29, imm. 2 aam-ma § 30, imm. 4 naapertorlugit.

Aningaasat nerisaqartitaanerup nalingi, sulisitsip nioqqutissanut, sulisitsisup angerlarsimaffia-ni suliarineqartut taamaalillunilu sulisunut nerisassannngortut, aningaasartuuttaattut aallaqqaataan-niit aalajangersarneqarput. 2010-mi nerisaqarneq inersimasumut ullormut akigitinneqartoq 77 kr.-nut aalajangersarneqarpoq.

Sunniuteqarluartumik sukkasuumillu allaffissorneq eqqarsaatigalugu pisariaqarpoq, aki aalajan-gersimasup atuutilersinneqarnissaa, ilaasortanut tamanut pisanik nammineq atukkat agguaqatigiis-sillugu nalinginut naapertuutipajaartumik, ajoqusersimasunut ataasiakkaanut, tamatumunnga ilan-ngullugu angerlarsimaffimmi najugartunut meeqqanut, ilaqutariissutsikkut pissutsit eqqarsaatigis-sallugit allaffissornikkut annertuumik ajornartorsiuteqartoqassammat.

6.4.3. *Inatsisissatut siunnersuutip imarisai*

Siunnersuutigineqarpoq, ukiumut aningaasarsianut aalajangersimasumik tapiissuteqartoqartalissa-soq, nerisaqarnermut akigitinneqartumut atuuttumut 1,5-ilimut naapertuuttumik, 2010-mi ullormut inersimasumut 77 kr.-usoq, namminersortutut inuutissarsiuteqartunut ukiumut aningaasarsiaannut tapiissutitut, ataatsimoortunut sillimmasiissutitut ilaasortaasunut. Tapiissutit tunniunneqassanngilat inunnut, ataatsimoortunut sillimmasiissutit ilaasortanik sullissisussatut sulisinneqartunut.

Tapiissutit siunnersuutigineqarpoq naatsorsorneqassasut qaqugukkulluunniit atuuttut ullormut inersimasumut nerisaqarnermut akigitinneqartut affai 3-nik amerlisarlugit, meeqqat marluk inersimasutut naatsorsuunneqarmata. Tamanna akigitinneqartumut atuuttumut naapertuuppoq. Siunnersuut tunngaveqarpoq, nammineq pisat tassaasut ilaqutariit nerisanut atugaasa affaannut ilimaginninnermik.

Siunnersuut tunngaveqarpoq ilaqutariinni inersimasut marlunnik meeqqallu marluk 18-t ataallugit ukiullit. Naatsorsueriaatsikkut eqqoriarneqarpoq ataatsimoortunut sillimmasiissutitut ilaasortanut pisat nammineq atukkat aguaqatigiissillugu nalingat.

Tamanna tunngavigalugu siunnersuutigineqarpoq akigitinneqartoq ima naatsorsorneqassasoq 1,5 x 77 kr. (1 x 77 kr. ilaqutariinni inersimasunut marlunnut aamma $\frac{1}{2}$ x 77 kr. meeqqanut marlunnut) katillugit 115,50 kr. ullormut. Ima oqaatigalugu ukiumut 42.157,50,00 kr. (115,50 x 365), 2010 nerisaqarnermut akigitinneqartut malillugit naatsorsuinikkut.

Tapiissutit, ajoquserneq sioqqullugu ajoquserup ukiup siuliani isertitaannut ilanngunneqassapput. Ukiumut aningaasarsiaavisoq, pisanik nammineq atukkanut tapiissutit ilaqartoq, tassaavoq ukiumut aningaasarsiat, inuutissarsiorsinnaanermi annasaqarnermi aamma pilersuisumik annasaqarnermi taarsiissuteqarnissamut naatsorsuinermit tunngavigineqartussa. Ajoquserup ukiumut isertitavii ukiumut isertitat minnerpaaffissaasa ataanniippata, 2010-mi 55.200 kr.-nut naatsorneqartut, isertaviusunut taarsiullugu isertitat minnerpaaffii atorineqassapput, pisunilu taakkunanani ukiumut aningaasarsiat 55.200 kr.-ussapput + 42.157,50 kr. = 97.357,50 kr. 2010-mi akigitinneqartut malillugit.

Naalackersuisut siunnersuuttaat § 28, imm. 5-imi atuutilersinneqarpoq.

6.5. *Ataatsimoortunut sillimmasiissutit iluarsineqarnerat*

6.5.1. *Inatsit atuuttoq*

Peqqussummi atuuttumi § 55, imm. 4 malillugu kinaluunniit, umiarsuarmik tamakkiisumik ilaannakuusumilluunniit piginnittoq, umiarsuarmilu suliaqartoq, namminermut ataatsimoortunut sillimmasiinissamut pisussaaffeqarpoq. § 55, imm. 5 naapertorlugu tamannattaq atuuppoq, nammineq akilerlugu imaluunniit allat peqatigalugit kikkulluunniit aalisartutut, piniartutut il.il. kisalu savaatilittut inuutissarsiuteqartunut.

§ 55, imm. 5-imi malittarisassap malitsigaa, inuutissarsiutit taaneqartut iluini sulisitsisut nammineq sillimmasissasut aamma sulisuminnut sillimmasiisusnaanertik naammassissagaat, ataatsimoortunut sillimmasiinermit ilaasortanngornikkut. Ataatsimoortunut sillimmasiissutit ajutumeernerit aamma inuutissarsiutit nappaatit matussuser tarpai. Sulisitsisoq, ataatsimoortunut sillimmasiissutitut ilaasortaasoq, sillimmasiissutitut akiliisanngilaq imaluunniit Arbejdsmarkedets Erhvervsygygdomssikringimut sulisuni pillugit nalunaaruteqassanngilaq, sulisut ataatsimoortunut sillimmasiissutit isumannaarneqarsimmata.

Peqqussummi § 70, imm. 1 aamma 2 malillugit, § 55, imm. 5-imi inuutissarsiutit taaneqartut sulisitsisut ilaasortaapput – taamaalillutillu sillimmasiiffiqineqarlutik – ataatsimoortunut sillimmasiissutit ataanni, namminermut aamma sulisuminnut tunngatillugu. Taamaattorli umiarsuarnik 15

meter-inik qummullu annertussusilinnik piginnittut ataatsimoortunut sillimasiissutitut ilaasortaangillat.

Ataatsimoortunut sillimasiissutit peqqussutikkut nr. 42, 1962-imeersukkut atuutilersinneqarpoq inuutissarsiutitut mikinerusunut ataatsimoortitsilluni aaqqissuussinertut eqqarsaatigineqarluni, aallaqqaataanniit umiartortut aalisartullu forsikringsforbundiannut ilaasortaangitsunut, inuutissarsiummik angallammiit, nalunaarsugaanissaminnut mikivallaartunit, ingerlatsinerat pissutigalugu imaluunniit umiartornermit aalisartuunermillu mikinerusunut inuutissarsiummik ingerlataqarnerit pissutigalugu. Umiartortunut, aalisartunut il.il. pinngitsaaliissummik sillimasiinissamik aaqqissuussineq, Danskit ajutumeernermit sillimasiissutaannit kingusinnerusukkut sulisilluni ajoqusernermi isumannaarinermit ilaatinneqartut, kisianni danskit aaqqissuussineranniit peerneqartoq 1. juli 1994 aallanerfigalugu, sillimasiinissamik aaqqissuussineq immikkut ittoq pineqarpoq.

Isumassarsiaavoq inuutissarsiortunut taakkununga immikkut ittumik sillimasiisarfimmik (forsikringsforbund) pilersitsiniarluni, ilimagineqarmat inatsimmi malittarisassat nalinginnaasut malilugit taakku sillimmasernaviangitsut taamaasillutillu sillimmasersimassanatik taakkununga pinngitsaaliissummik aaqqissuteqannginnera pissutigalugu. Inuutissarsiutit taaneqartut taamaallaat ataatsimoortunut sillimasiissutini ilaasortaasinnaasut.

Ataatsimoortunut sillimasiissutit tassaavoq sulisilluni ajoqusernermi taarsiissutit aningaasalersorneqarnissaannut periusi immikkut ittoq inuutissarsiummik ingerlataqartut killilikkat iluini. Ataatsimoortunut sillimasiissutit pilersinneqarsimangippat, sillimasiisarfimmi ajutoornernut sillimaserneq aamma Arbejdsmarkedets Erhvervssygdomssikringimut ilanngunneq toqqarneqarsimassagaluarpoq. Ataatsimoortunut sillimasiissutit pilersinneqarpoq, isumaqassalluni pissutissaqartoq piniartutut, aalisartutut il.il. namminersorlutik inuutissarsiuteqartut pisarnertut sillimmasersinnaassanngikkaluarmata, tak. Isumaliutissiissut nr. 285, 1961-imeersoq, Kalaallit Nunaanni ajutumeernermit sillimasiineq pillugu, quppernerit 19 – 22.

Aaqqissuussineq pinngitsaaliissutitut, naalagaaffimmit tapiissuteqarfigineqartoq, inuutissarsiutitut taaneqartunut atorineqarsimavoq. Ingerlatseqatigiiffinnut, inunnit ataasiakkaanit ingerlanneqartunut naalagaaffik akiliutigineqartut 2/5-annik tapiissuteqartarpoq. Akiliutissat Arbejds-skadestyrelsen pisortaanit aalajangersarneqartarput. Akiliutissat kingullermik nalunaarut 873, 3. oktober 2001-imeersukkut ukiumut 2.500 kr.-nut 2004 aallanerfigalugu aalajangersarneqarput. Naalagaaffiup 1.000 kr.-t tapiissutai ilanngaatigereerlugit akiliutissat 1.500 kr.-upput. Akiliutissat aalajangersarneqartarput ataatsimoortunut sillimasiissutini aningaasartuutit naliliiffiginerisigut.

Taarsiissutit ingerlaavartumik Sulisilluni ajoqusernermit Sullissivimmit akilerneqartarput, ima oqaatigalugu illuartitsoqartinnagu. Naalagaaffiup amigartoorutit qulakkeertarpari. Ataatsimoortunut sillimasiissutini ukiorpassuarni amigartooruteqartoqartarpoq.

2008-mi naalagaaffik 0.3 mio. kr.-nik ataatsimoortunut sillimasiissutitut tapiissuteqarpoq, akiliutissat akileqquneqarsimasut 0.4 mio. kr.-usut. Taarsiissutissatut aningaasartuutit katillugit 8,9 mio. kr.-upput. Taamaasilluni naalagaaffiup ataatsimoortunut sillimasiissutitut ataatsimut akiliutai 8,9 mio. kr. + 0,3 mio. kr.-upput imaluunniit amigartoornermit taamaasilluni 2008-mi 8,8 mio. kr.-ullutik.

Ataatsimoortunut sillimasiissutinit taarsiissutit akilerneqartarput, ajutumeernerup imaluunniit inuutissarsiutitigut nappaateqalernerup kingorna tunniunneqarnerat ilutigalugu, aningaasat, ilaasortanit akiliutigineqartut aamma naalagaaffimmit tapiissutit atorlugit. Ilaasortat ikiliartortut, ukiuni kingusinnerusunut paasineqartut, malitsigaa akiliutitigut isertitat annikillinerannik taamaalillunilu amigartoornerit annertunerusut, naalagaaffimmit matussuserneqartariaqartut.

Maannamut atuuttutumi peqqussummi § 72 malillugu Arbejdsskadestyrelsen pisortaa ataatsimoortunut sillimmasiissutitut akiliutissat akilerneqarnissaannut malittarisassiussaaq. Piginnaatitsineq nalunaarut nr. 762, 28. august 2001-imeersumi atorneqarpoq. Nalunaarummi § 3, imm. 7-ip malitsigaa, ataatsimoortunut sillimmasiissutitut ilaasortaanermut piumasarineqarmat, piffissamut sillimmasiiffimmut akiliuteqarsimanissaq, tassaasoq qammaatitsiutini ukioq aggersoq.

Malittarisassap malitsigaa, sulisitsisoq, qaammatisiutini ukiumut siumoortumik akiliuteqarsimanngitsoq, nammineq ajoqusernermini ataatsimoortunut sillimmatinit taarsiissutissanik piginnaatitaanngitsoq, killormut sulisut ataatsimoortunut sillimmatinit taarsiissutaasinnaasunik piginnaatitaasut. Kingorna ataatsimoortunut sillimmasiissutitut sulisitsisoq akiliuteqarnissamik piumasaqaa-teqarsinnaavoq, sulisitsisup sulisut ataatsimoortunut sillimmasiissutitini sillimmasersimanngipagat.

6.5.2. Suliffissaqartitsinermit ministerip isumaliutersuutai

Ataatsimoortunut sillimmasiissutitut peqqussummi nr. 42, 1962-imeersukkut atuutilersinneqarpoq inuutissarsiutitut mikinerusunut ataatsimoortitsilluni aaqqissuussinertut eqqarsaatigineqarluni, aallaqqaataanniit umiartortut aalisartullu forsikringsforbundiannut ilaasortaanngitsunut, inuutissarsiummik angallammiit, nalunaarsugaanissaminut mikivallaartunit, ingerlatsinerat pissutigalugu imaluunniit umiartornermit aalisartuunermillu mikinerusunit inuutissarsiummik ingerlataqarnertik pissutigalugu.

Isumassarsiaavoq inuutissarsiortunut taakkununga immikkut ittumik sillimmasiisarfimmik (forsikringsforbund) pilersitsiniarneq, ilimagineqarmat inatsimmi malittarisassat nalinginnaasut malillugit taakku sillimmasernaviannngitsut taamaasillutillu sillimmasersimassanatik taakkununga pinngitsaaliissummik aaqqissuussisoqannginnera pissutigalugu.

Piffissap ingerlanerani ataatsimoortunut sillimmasiissutitut aaqqissuussinertut pinngitsaaliissutaanngitsutut iluseqalersimavoq. Tamatuma ilaatigut malitsigaa, inuutissarsiuteqartut, ilaasortaausatut eqqarsaatigineqartut, ataatsimoortunut sillimmasiissutitut avataatigut sillimmasernissartik toqqarsimagaat.

Aaqqissuussineq, aallaqqaataanniit inuutissarsiutaasunut mikinerusunut tunngassuteqartoq aamma nalinginnaasumik sillimmasiinermit akitigut akikinnerusoq suli pisariaqartinneqarpoq. Kalaallit tungaanniit innersuussutigineqarpoq, aaqqissuussineq pinngitsaaliissutaassanngitsoq. Siunnersuut malillugu Ataatsimoortunut sillimmasiissutitut sulisut sillimmasersimanissaannut toqqagassaassaaq aamma namminersortup pinngitsaaliissutaanngitsumik sillimmasernissaanut.

Siunertamut naapertuuttuussaaq namminersortunut aaqqissuussinermi, ataatsimoortunut sillimmasiissutitut toqqaanissamut piumasaqaatinik naammassinittut, namminersortoq nammineq, aappaasoq suleqataasoq aamma ilaqutaasut sulisullu ilaatinneqarpata. Tamanna pissuteqarpoq, aaqqissuussinermik katersuisumik pisariaqartitsisoqarmat, inuit inuutissarsiutitini taakkunani suliffeqartut, sillimmasersimannginnissaannik navianartorsiorfitsinermik annikillitsitsisoq.

Ataatsimoortunut sillimmasiissutitini akiliutigineqartussanut appasissunut, taamaalillunilu ataatsimoortunut sillimmasiissutitut nalinginnaasumik sillimmasiinermit toqqagassaananeranut, piumasaqaataavoq, siunissami naalagaaffimmiit akiliutitut tapiissuteqartoqartarnissaa aammalu ataatsimoortunut sillimmasiissutitini amigartooruteqarneq naalagaaffimmit qulakkeerneqarnissaa.

Kalaallit Nunaanni pisariaqartitsineq naapertorlugu ineriartorneq qulakkeerniarlugu, siunertamut naapertuuttuussaaq, inuit pineqartut aalajangersarneqarnissaat nalunaarusiornikkut, Arbejdsskadestyrelsen pisortaanit atuutilersinneqartumik Namminersorlutik Oqartussat isumaqatiginiarelugit.

6.5.3. *Inatsisissatut siunnersuutip imarisai*

Siunnersuuteqarnikkut ataatsimoortunut sillimasiissutit aaqqissuussinertut pinngitsaaliissutaanngitsutut ingerlateqqinneqarpoq, amigartooruteqarnermi naalagaaffiup qulakkeerinninnera atuuttoq aamma akiliutissanut tapiissutit attatiinnarlugit.

Tamanna isumaqarpoq, siunissami inunnut inuutissarsiutitik minnerusunik ingerlataqartunut periarfissaalissasoq, sulisuminnik sillimasiissuteqarnissaminnut pisussaanutik naammassinninnissamut tamatuma peqatigisaanik ataatsimoortunut sillimasiissutini nammineq sillimmaser-nissaq, ajutumeernernut aamma inuutissarsiutitigut nappaatinut.

Taamaakkaluartoq inuutissarsiuteqartunut taakkununga siunissami nalinginnaasumik sillimasiissutitik toqqaanissaq aamma Arbejdsmarkedets Erhvervssygdomssikringimut ilanngunnissaq periarfissaassaaq sulisunut naleqqiullugu sillimasiinissamik pisussaaffik naammassiniarlugu kisalu malittarisassat assingi malillugit namminermut aapparisamullu suleqataasumut pinngitsaaliissutaanngitsumik sillimmaserneq.

Inuutissarsiummik ingerlataqartup namminermut ataatsimoortunut sillimasiissutit aamma sulisunut nalinginnaasumik sillimasiineq paarlattuanullu toqqarsinnaanngilaat. Inuutissarsiummik ingerlataqartup ataatsimoortunut sillimasiineq toqqarpagu, inuutissarsiummik ingerlataqartoq nammineq, aappaasoq suleqataasoq sulisullu ataatsimoortunut sillimasiissutini sillimmasersimassapput, ajutumeernernik inuutissarsiutitigullu nappaatinik matussusiisumik. Tamanna pisari-aqartinneqartutut isumaqarfigineqarpoq, allaffissorneq siunertamut naapertuuttoq ataatsimoortunullu sillimasiissutini annertussuseq eqqarsaatigalugit, tamannalu tunngaviumik peqqussumut atuuttumut naapertuuppoq.

Siunnersuutigineqarpoq, inuit pineqartut nalunaarutikkut erseqqinnerusumik aalajangersarneqassasut, Arbejdsskade styrelsen pisortaanit atuutilersinneqartumik Namminersorlutik Oqartus-sat isumaqatiginiareerlugit, taamaaliornikkut inuit pineqartut Kalaallit Nunaannut pissutsinut pitsaaneruseq naleqqussarneqarniassammata. Inuit pineqartut Arbejdsskade styrelsen pisortaanit nalunaarummi erseqqinnerusumik aalajangersarneqassapput, Namminersorlutik Oqartus-sat isumaqatiginiareerlugit (Uteqqiinerugunarpoq, in. Nutserisoq). Inatsimmi erseqqis-sarneqassaaq, inuutissarsiutini taaneqartuni inuutissarsiummik ingerlataqartut ataatsimoortunut sillimasiissutitut ilaasortanngorsinnaasut. Inatsisissatut siunnersuummi § 69-imi oqaa-seqaatit immikkut ittut innersuussutigineqarput. Eqqarsaataavoq, peqqussut atuuttoq malillugu ilaasortat pineqartut ingerlateqqinneqarnissaat, ilaasortat pineqartut Namminersorlutik Oqartus-sat isumaqatiginiareerlugit annertusineqarnissaasa imaluunniit annikillisinneqarnissaasaluunniit tungaanut.

Ataatsimoortunut sillimasiissutini allaffissornerup pinngitsuuliissutaanngitsutut aaqqissuusin-ningortinneqarnerata aamma allaffissornerup Arbejdsskade styrelsimut nuunneqarnissaata malitsi-gisaannik, ilaasortat taamaalillunilu akiliuteqartussatut pisussaasut erseqqinnerusumik killiler-neqarsinnaalissaapput aamma peqqussut atuuttoq malillugu akiliutissanik akiliitsiniarnermut naleqqiullugu aalajangersimanagerusumik ingerlasalissaaq. Taamaattumik naatsorsuutigineqar-poq, amigartoorutit annikillisinneqarsinnaassasut. Taamaakkaluartoq siunissami amigartooru-teqartoqartassaaq, aaqqissuussineq naalagaaffimmit tapiiffigineqartartussatut suli ingerlan-neqarnissaa eqqarsaataammat.

Naalakkersuisut siunnersuuttaat § 52, imm. 4-mi aamma §§ 67 – 69-imi atuutilersinneqarpoq.

7. *Pisortanut aningaasaqarnikkut allaffissornikkullu kingunissat*

Naatsorsuutigineqarpoq, pisortat ukiumut 0,27 mio. kr.-nik aningaasartuuteqarnerussasut. Naatsorsuutigineqarpoq, ataatsimut isigalugu kommuninut aningaasartuuttaassanngitsaq. Er-seqqissarneqassaaq, naatsorsuinerit annertuumik nalorninermik attuumassuteqarmata.

Naatsorsuinermi nalornineq isumaqarpoq, annertunerusumik annikinnerusumilluunniit ataasiarluni taarsiissuteqarnerup inernernik annertuumik illuartitsisinnaasoq. Tamanna aamma isumaqarpoq, ukiorpassuit aatsaat qaangiuppata aningaasartuuteqarnerit naatsorsuutigisat ersernissaat, imaluunniit paarlattuanik ukiumi ataatsimi aningaasartuuteqarnerit annertunerulernissaat. Taamaattumik sutigut agguagaqatigiissillugu naatsorsuinerit atornerarput, piffissap ingerlanerani inernernik eqqortunik takutitsisussatut isumaqarfiginartut. Pisortat aningaasartuuteqarnerunerat aningaasalersorneqarpoq ilaatigut ataatsimoortumik sillimmasiissutit 300 kr.-t misaannik qaffannerisigut. Tamatumuunakkut isertitat ukiumut 120.000 kr.-unissaannik naatsorsorneqarput. Taamaasilluni naalagaaffimmut ukiumut aningaasartuuteqarneruneg ilanngaattissat ilanngaatigereerlugit 150.00 kr.-ussapput.

Siunnersuummi makku pisortanut aningaasaqarnikkut kinguneqartussaapput:

Siunnersuummi § 40, imm. 1, kingusinaarluni nalunaarutiginninnermi immikkut akuersissuteqarnissamik oqilisaaneq

Kingusinaartumik nalunaaruteqarnermi immikkut akuersissuteqarnissap oqilisarneqarnissaa siunnersuutigineqarpoq, sulisilluni ajoqusernermi isumannaarineq pillugu inatsit malillugu atuutut assigalugit immikkut akuersissuteqarnissap anguneqarnissaa periarfissaalerniassammat.

Suliassaqaqarfimmi tassani Kalaallit Nunaannut paasissutissanik pissarsiniarneq periarfissaanngilaq, taamaattumillu aningaasaqarnikkut kingunissat Danmarkimi paasissutissanik tunngaveqarput. Naatsorsuutigineqarpoq, allannguinerup kingunerissagaa, inuutissarsiorsinnaanermik annaasaqarnermi taarsiissutit suliamik ataatsimik ilaneqassasut, ataavartumillu ajoquteqalernermi taartisiat sulianik sisamanik ilaneqassasut. Tamanna tunngavigalugu naatsorsuutigineqarpoq tamakkunani aningaasaqarnikkut kingunissat 1,98 mio. kr.-ussasut. Erseqqissarneqassaaq, naatsorsuinerit annertuumik nalorninermik attuumassuteqarmata.

Naatorsuutigineqarpoq, aningaasartuutit ima agguarneqassasut 0,08 mio. kr.-t naalagaaffimmut, ilanngullugu ataatsimoortunut sillimmasiissutit aamma sillimmasiisarfinnut 1,89 mio. kr.-t. 2008-mi nalunaarutigineqartut amerlassusaat agguaanermi tunngavigineqarput.

Ullormusiat aalajangersimasut pillugit siunnersuummi § 18

Ukiumut ullormusiat pillugit suliat agguaqatigiissillugu 30-usarput. Naatsorsuutigineqarpoq, 200.000

kr.-nik aningaasartuuteqarnerusoqassasoq. Aningaasartuuteqarnerit annerpaartaat tassaasapput

ataatsimoortunut sillimmasiissutit, tassaniimmata ajoqusersimasut annertunerpaamik qaffaaffigineqar-

tut. Tamanna tunngavigalugu naatsorsuutigineqarpoq, aalajangersimasumik ullormusiat pillugit siun-

nersuummi § 18-ip malitsigisaanik naalagaaffimmut ataatsimoortunut sillimmasiissutit ilanngulugit

150.000 kr.-ussasut.

Ataatsimoortunut sillimmasiissutini ilaasortanut ukiumut aningaasarsianut tapiissutit pillugit siun-

nersuummi § 28, imm. 5

Inuutissarsiornermik annaasaqarnermi taarsiissutissat ukiumut aningaasarsiat 4/5-iat tunngavigalugu

naatsorsorneqartarput. Tamatuma kinguneraa, ajoqusertoq inuutissarsiummik annaasaqartoq pro-

centimik ataatsimik taarsiiffigineqarpat, pineqartoq qaavatigut 324,12 kr.-nik pissaaq.

2008-mi taarsiissuteqarnissamik aalajangiinernut inuutissarsiorsinnaanermik annaasaqarnermi procenti agguaqatigiissillugu 48,75 %-iuvoq. Naatsorsuutigineqarpoq, allannguinermi ukiumut inuk

ataaseq marlulluunniit eqqorneqassasut. Naatsorsuutigineqarpoq, pisortanut aningaasartuuteqarneru-
neq 24.000 kr.-t missaanniissasoq.

Nutserinerit pillugit siunnersuummi § 39, imm. 4

Siunnersuutigineqarpoq, sillimmasiisarfiit aamma Arbejdsmarkedets Erhvervssygdomssikring sulisilluni ajoqusernerti sulianik nutserinerit akilernissaannut pisussaatinneqassasut. Aningaasartuutit

ukiumut 100.000 kr-unissaat, taakkunannga naalagaaffiup ataatsimoortunut sillimmasiissutit ilanngullugit 12.000 kr.-t akilertassagaat.

Pisortanut inatsisissatut siunnersuut allaffissornikkut kinguneqassanngilaq.

7.1. Inuutissarsiornermi aningaasaqarnikkut allaffissornikkullu kingunissat

Naatsorsuutigineqarpoq, siunnersuutip malitsigisaanik inuutissarsiortut 2,04 mio. kr.-nik katillugit

aningaasartuuteqarnerussasut. Ukiumut aningaasartuutit pineqarput. Aningaasartuuteqarner-
uneq

Malunniutissaaq inatsisip atuutilerniariartorlu, ajoqusertoqartillugu sillimmasiisarfiit sillimmatinik illuartitsissussaammata.

Siunnersuummi tulliuuttut inuutissarsiornermi aningaasaqarnikkut kingunerineqassapput, ima oqaatiga-

lugu sulisitsisunut, akiliutitigut tapiissutitigullu inatsimmi tunniunneqartartunik aningaasaler-
suisuu-
sut:

*Kingusinaartumik nalunaaruteqarnermi immikkut akuerisaanissamut malittarisassanik oqil-
isaaneq*

pillugu siunnersuummi § 40, imm. 1

Naatsorsuutigineqarpoq siunnersuut inuutissarsiuuteqartunut 1,89 mio.kr.-nik aningaasar-
tuuteqarfiune-

russasoq sulisitsisunit sillimmasiisarfinnut akiliutissat qaffannerisigut.

Ullormusiat aalajangersimasut pillugit siunnersuummi § 18

Ukiumut ullormusiat pillugit suliat agguaqatigiissillugu 30-upput. Naatsorsuutigineqarpoq,
200.000

kr.-nik aningaasartuuteqarnerusoqassasoq. Aningaasartuutit annersaat ataatsimoortunut sillim-
masiissu-

tiniittussaavoq, tassani ajoqusersimasut annertunerpaamik qaffaaffigineqassammata. Tamanna tunnga-

vigalugu naatsorsuutigineqarpoq, ullormusiat aalajangersimasut pillugit siunnersuummi § 18-p
malit-

sigisaanik inuutissarsiuteqartunut 50.000 kr.-ussasut sillimmasiisarfinnut akiliutitigut iluseqartut.

Nutserinerit pillugit siunnersuummi § 39, imm. 1

Siunnersuutigineqarpoq, sulisilluni ajoqusernerit pillugit suliat nutserneqarnerinut sillimmasiisar-
fiit

aamma Arbejdsmarkedets Erhvervssygdomssikring akiliisinneqartalissasut. Aningaasartuutit
ukiumut

100.000 kr.-unissaat naatsorsuutigineqarpoq, taakkunannga sillimmasiisarfiit aamma Arbejds-
 markeds Erhvervssygdomssikring taamaasillunilu sulisitsut, 88.000 kr.-t akilertassagaat.

7.2. Inuutissarsiuteqartunut allaffissornikkut kingunissat

Inatsisissatut siunnersuut inuutissarsiuteqartunut allaffissornikkut kinguneqassanngilaq.

7.3. Innuttaasunut allaffissornikkut kingunissat

Inatsisissatut siunnersuut innuttaasunut allaffissornikkut kinguneqassanngilaq.

8. Avatangiisinut tunngasutigut kingunissat

Inatsisissatut siunnersuut avatangiisinut tunngasutigut kinguneqassanngilaq.

9. Eqqartuussivitsigut EU-mut pisussaaffiit

Inatsisissatut siunnersuut eqqartuussivitsigut EU-mut pisussaaffeqanngilaq.

10. Tusarniaaneq

Inatsisissatut siunnersuut ukunani tusarniaassutigineqarpoq ...

1.3

11. Inatsisissatut siunnersuutip kingunissaanik eqikkaaneq

Skema 1: Inatsisissatut siunnersuutip ataatsimut kingunissai pingaarnerit

	Kingunissat pitsaasut/aningaas- artuutikinneruneg	Kingunissat ajornerusut/ anin- gaasartuuteqarneruneg
Naalagaaffimmut, kommuni- nut nunallu immikkoortuinut aningaasaqarnikkut kingun- issat	Ataatsimoortunut sillimmasiissuti- nut akiliutit qaffannerisigut naala- gaaffimmut 0,12 mio. kr.-t	Taarsiissutitut 0,27 mio. kr.-t
Allaffissornikkut kingunissat	Soqanngilaq	Soqanngilaq
Inuutissarsiortunut aningaa- saqarnikkut kingunissat	Soqanngilaq	Taarsiissutitut 2,04 mio. kr.-t
Inuutissarsiortunut allaffissor- nikkut kingunissat	Soqanngilaq	Soqanngilaq
Innuttaasunut allaffissornikkut kingunissat	Soqanngilaq	Soqanngilaq
Avatangiisinut tunngasutigut kingunissat	Soqanngilaq	Soqanngilaq
Eqqartuussivitsigut EU-mut pisussaaffiit	Inatsisissatut siunnersuut eqqartuussivitsigut EU-mut pisussaaffeqanngilaq	Soqanngilaq

Malittarisassanut ataasiakkaanut oqaaseqaatit

§ 1-imut

Malittarisassani inatsisip siunertaa pingaarnertigut eqqartorneqarpoq peqqussummilu atuuttumi § 1 ingerlateqqinneqarluni. Malittarisassaq sulisilluni ajoqusersinnaanermi isumannaarineq pillugu inatsimmi § 1-imut naapertuuppoq.

§ 2-mut

§ 2-mi malittarisassat inuit pineqartut sillimaserneqarsinnaasut aamma isumannaarineramik aaqqissuussinermi sumiiffinni atuuffissat killilerneqarput. Peqqussummi atuuttumi § 2 ingerlateqqinneqarpoq aamma sulisilluni ajoqusersinnaanermi isumannaarineq pillugu inatsimmi § 2-mut naapertuuppoq, ataani eqqartorneqartut allannguutit ilanngullugit.

Imm. 1-imi siunnersuutigineqarpoq, inuit, Kalaallit Nunaanni sulinissamut atorffinitinneqarsimasut inatsit taanna malillugu sillimmasersimassasut. Oqartiartaat "sulisoq" paasineqassaaq, sulisilluni ajoqusernermi isumannaarineq pillugu inatsimmi. Atorfeqarneq ileqqut pissusissamisoortut imaluunniit pissusissamisunngitsut malillugit atorffinititsinerusinnaavoq, aningaasarsiaqaataalluni imaluunniit aningaasarsiaqaataannani. Atorffinitinneqarneq ikiuinikkut aamma pisinnaavoq. Malittarisassat sulisilluni ajoqusersinnaanermi isumannaarineq pillugu inatsimmi § 2, imm. 1 assigaa.

Siunnersuummi imm. 2 naapertorlugu, peqqussummi § 2, imm. 2-mik ingerlatitseqqittoq, inatsit malillugu sulisitsisup ilaquataanut ilaasut sillimaserneqarsimasut, ingerlatsivimmi sulinerat sulisut allat suliaannut naapertuuppat. Malittarisassaq sulisilluni ajoqusernermi isumannaarineq pillugu

inatsimmi § 2, imm. 2-lu assigiipput, inatsit aamma peqqussut atuuttoq malillugu sulisitsisup aappaa pinngitsoornani sillimaserneqarsimasussaanera assigiinngissutigalugu.

Killormoortuanik ippoq sulisilluni ajoqusersinnaanermi isumannaarineq pillugu inatsimmi, aappaa-soq suleqataasoq sulisilluni ajoqusersinnaanermi isumannaarineq pillugu inatsit malillugu pinngitsaalisaaingitsumik sillimaserneqarnissani kissaatigippagu, tak. sulisilluni ajoqusersinnaanermi isumannaarineq pillugu inatsimmi, § 2, imm. 2, tak. imm. 3. Sulisilluni ajoqusersinnaanermi isumannaarineq pillugu inatsimmi tassunga tunngasortaa kalaallit kissaattaat malillugu peqqussummi atuuttumi ilaatinneqanngilaq, aamma siunnersuutip § 2, imm. aappaanni.

Siunnersuummi § 3-mi namminersortut piunmassutsi naapertorlugu sillimaserneqarnissamut periarfissi-isoqarpoq. Malittarisassap peqqussummi atuuttumi § 2, imm. 3 ingerlateqqippaa. Danskit sulisilluni ajoquserneq pillugu iluarsartuussaanni, 1. januar 2004-mi Danmarkimi atuutilersumi, periarfissi-issutigineqarpoq, namminersortutut inuutissarsiuqartut aappaasullu suleqataasut inatsit malillugu sillimaserneqarnissaannut. Aaqqissuussineq pinngitsaaliissutaanngitsoq pineqarpoq. Aaqqissuussinerup assinga § 2, imm. 3-mi malitsigitinneqarpoq, kalaallit peqqussutaanni, taamaattorli una assigiinngissutigalugu, aappaasoq suleqataasoq Kalaallit Nunaanni peqqussut malillugu pinngitsoorani sillimaserneqarsimassaaq inatsit malillugu, tak. siunnersuummi imm. 2. Siunnersuutigineqarpoq aaqqissuussineq taanna ingerlateqqinneqassasoq.

Imm. 4-mi siunnersuut peqqussummi atuuttumi § 2, imm. 4-mik ingerlatitseqqippooq, Kalaallit Nunaanni angerlarsimaffeqartuni umiarsuarni sulisut qanoq sillimasersimanerat pillugu. Siunnersuummili imm. 4-mi oqaasertaliussat allanngortinneqarput Kalaallit Nunaanni angerlarsimaffeqartuni umiarsuarni sulinerit inatsimmit matussuserneqarnerat erseqqissarneqarnissaat siunertaralugu. Oqaasertaliornernik allannguinerneq piviussumik allannguneq siunertarineqanngilaq. Aaqqissuussineq atuuttoq malillugu: *“Inuit, Kalaallit Nunaanni angerlarsimaffeqartuni danskit umiarsuaanni sulisut”* inunnut, Kalaallit Nunaanni sulisussatut atorfinitsinneqartunut naligiissinneqarput. Taamatut oqaasertaliorneq nalorninermik pilersitsivoq taamaattumillu erseqqissarneqarnissaa siunnersuutigineqarluni.

Siunnersuummi imm. 4-p oqaasertaliornerni sillimaffigineqarpoq, Kalaallit Nunaanni angerlarsimaffeqartunut umiarsuarnut nalunaarsuinerneq aaqqissuussinerneq immikkut ittumik pilersitsisoqarsimanera. Kalaallit umiarsuaat tassaavoq, Søfartsstyrelsen isumasiuinerneq naapertorlugu, umiarsuaq, Kalaallit Nunaanni umiarsualivimmi angerlarsimaffeqartoq. Umiarsuaq, skibsregisterimi imaluunniit den grønlandske fartøjsfortegnelsemi Kalaallit Nunaanni umiarsualivimmi angerlarsimaffeqartutut nalunaarsorsimasooq, piginnaatitaavoq kalaallit erfalasaannik erfalasoqarnissamut. Taamaattumik § 2, imm. 4-mik siunnersuutigineqartutut oqaasertaliornissamik periarfissaqarpoq, malittarisassap erseqqissarneqarnissaannut, taamaasilluni inatsisiliorneq sorliup atorineqartussaanera pillugu paatsuungassutit pinngitsoorneqarsinnaallutik. Umiartortut, Kalaallit Nunaanni najugaqartut, danskit erfalasaannik erfalasuulimmik umiarsuarni sulisut, Kalaallit Nunaata avataani najugaqartut umiartortut assigalugit sulisilluni ajoqusersinnaanermi isumannaarineq pillugu inatsit malillugu sillimaserneqarput. Akerlianik umiartortut, Kalaallit Nunaata avataani najugaqartut, tamatumunnga ilanngullugu Danmarkimi, kalaallit erfalasaannik erfalasuulimmi umiarsuarni sulisut, malittarisassatut siunnersuutigineqartutut sillimaserneqarput.

Imm. 5-imi aamma 6-imi siunnersuutit peqqussummi atuuttumi § 2, imm. 5 aamma 6 allanngortinagit ingerlateqqinneqarput, taakkulu sulisilluni ajoqusersinnaanermi isumannaarineq pillugu inatsimmi § 2, imm. 5 aamma 6-imut naapertuupput. Malittarisassani aalajangersarneqarpoq, anaanaasup suliaata kingunerisaanik naartut ajoqusersimasut (imm. 5) imaluunniit naartup naartorineqalernera sioqqullugu imaluunniit naartup inunngoreernerata kingorna angajoqqaat sulianut attuumassuteqartunik sunniinerit inuussutissarsiornerneq nappaatit pillugit malittarisassat malillugit taarsiiffigineqarnissamik piginnaatitsisinaapput.

§ 3-mut

Siunnersuutigineqartuq § 3 peqqussummi atuuttumi § 3-mut naapertuuppoq, tassani suliffissaqartitsinermut ministeri piginnaatinneqarpoq, meeqqat ilaannut 18-t inorlugit ukiulinnut aamma ilinniaqartut ilaannut sulisilluni ajoqusernermi isumannaarineq qanoq atuutissanissaa pillugu malittarisassiornissamut. Aammattaaq malittarisassami Arbejdsskadestyrelsen pisortaa piginnaatinneqarpoq, sulisilluni ajoqusernermi isumannaarineq inissitanut qanoq annertutigisumik atorneqarnissaa pillugu malittarisassiornissamut. Peqqussut aamma siunnersuut sulisilluni ajoqusersinnaanermi isumannaarineq pillugu inatsimmi § 3-p assigaa, peqqussut aamma siunnersuut immikkoortutigit marlutigit Kalaallit Nunaannut pissutsinut naleqqussarneqarnera assigiinngissutigalugu:

Peqqussut meeqqat ilaannut, isumaginninnermi suliassaqarfiup iluani inatsisartut peqqussutaanni ilaatinneqartunik tunngavoq, sulisilluni ajoqusersinnaanermi isumannaarineq pillugu inatsimmi meeqqanik, isumaginninnermi sullissinnermi, imm. IV-mi ilaatinneqarlutik. Tamatuma saniatigit peqqussummi Suliffissaqartitsinermi ministeri piginnaatinneqarpoq, Kalaallit Nunaanni pinerluttulerinermik inatsimmi ilaatinneqartunut, inunnut sulisilluni ajoqusersinnaanermi isumannaarineq pillugu inatsit qanoq annertutigisumik atuutinneqassanersoq pillugu malittarisassiornissamut. Malittarisassap assinga sulisilluni ajoqusersinnaanermi isumannaarineq pillugu inatsimmi nassaassaangilaq.

Imm. 1-imut siunnersuut suliffissaqartitsinermi ministeri piginnaatinneqarpoq, Namminersorlutik Oqartussat isumaqatiginiareerlugit, meeqqat, isumaginninnerup iluani ulloq unnuarlu paaqqinniffinniitneqartunut ilinniagaqartunullu praktikkertunut il.il. isumannaarineq pillugu erseqqinnerusumik malittarisassiornissamut. Malittarisassaq peqqussummi atuuttumi § 3, imm. 1-imut naapertuuppoq. Taamaattorli siunnersuutigineqarpoq, imm. 1, nr. 1-imi oqaasertaliorneq allanngortinneqassasoq, peqqussummut atuuttumi § 3, imm. 1, nr. 1-imut naleqqiullugu, erseqqissarneqassammat, malittarisassat meeqqanut, ulloq unnuarlu paaqqinnittarfinniittunut taamaallaat attuutissammata. Taamaaliornikkut sulisilluni ajoqusersinnaanermi isumannaarineq pillugu inatsimmi § 3, imm. 1, nr. 1-imi malittarisassap assingani atuuffissaannut malittarisassat naapertuuttunngortinneqassapput. Inatsissatut siunnersuutip atuutilersinneqarneranut atatillugu nalunaarummik atuutilersitsisoqassaaq. Nalunaarutikkut qulakkeerneqassaaq, inuit pineqartut, Namminersorlutik Oqartussat isumaqatiginiareerlugit, malittarisassami ilaatinneqartut isigineqartussat, inatsit malillugu sillimmaserneqarnissaat malittarisassat, Danmarkimi inunnut pineqartunut assinginut atuutinneqartut assigalugit, nalunaarut nr. 937, 26. november 2003-meersoq aamma nalunaarut nr. 1272, 29. november 2006-meersoq naapertorlugit, taakku atuutilersinneqarput sulisilluni ajoqusersinnaanermi isumannaarineq pillugu inatsimmi § 3, imm. 1, nr. aamma 2 tunngavigalugu.

Imm. 2-mut siunnersuut peqqussummi atuuttumi § 3, imm. 2-mut naapertuuppoq. Malittarisassami Arbejdsskadestyrelsen pisortaa inuit, nunanut allanut suliarortillugit aallartitaasartut sillimmaserneqartarnerat pillugu erseqqinnerusumik malittarisassiornissamut piginnaatinneqarpoq. Inasisissatut siunnersuutigineqartup atuutilernissaanut atatillugu nalunaarummik saqqummiisoqassaaq. Nalunaaruttip qulakkiissavaa, kalaallit sulisartut, nunani allani suligallartussatut aallartitat, inatsit malillugu sillimmaseqqaannarnissaat, danskit sulisartui assigalugit, nalunaarut nr. 853, 20. oktober 2003-meersoq naapertorlugu, sulisilluni ajoqusersinnaanermi isumannaarineq pillugu inatsimmi § 3, imm. 2-mik tunngaveqartuq.

Imm. 3-mut siunnersuut peqqussummi atuuttumi § 3, imm. 3-mut naapertuuppoq. Malittarisassami Suliffissaqartitsinermut ministeri piginnaatinneqarpoq, Kalaallit Nunaanni pinerluttulerinermik inatsimmi ilaatineqartunut inunnut inatsisip qanoq annertutigisumik atuutinneqarnissaanik erseqqinnerusumik malittarisassiornissamut. Nalunaarutikkut qulakkeerneqassaaq, inuit, inatsit malillugu Kalaallit Nunaanni pinerluuteqarsimasunik isumaginnittoqarfiup ataaniittut sillimmaserneqarnissaat, nalunaarut nr. 382, 19. maj 2004-meersoq, pillaatit naammassineqartarnerat pillugu inatsimmi § 6 aamma § 102-mik tunngaveqartuq, naapertorlugu Danmarkimi pinerluuteqarsimasunik isumaginnittoqarfiup ataaniittut assigalugit.

§ 4-mut

§ 4-mi inuit inuiaqatigiinnik kiffartuussisut, sinniisutut suliallit imaluunniit inuit inuunerannik annaasi-niartartut isumannaarneqarnissaannik piginnaatinneqarput. Malittarisassaq peqqussummi atuuttu-mi § 4-mut aamma sulisilluni ajoqusersinnaanermi isumannaarineq pillugu inatsimmi § 4-mut naa-pertuuppoq.

§ 5-imut

Siunnersuummi § 5 peqqussummi atuuttumi § 6-imik ingerlatitseqqinneruvoq aamma sulisilluni ajoqusersinnaanermi isumannaarineq pillugu inatsimmi § 6-imut naapertuuppoq.

Malittarisassami pingaarnertigut eqqartorneqarpoq sulisilluni ajoqusernermi taaguutit qanoq paasi-neqassanersut, tassalu pineqarput ajutoorneq aamma inuutissarsiutitigut nappaatit. Malittarisassa-mi sulisilluni ajutoornermi taaguutit pillugit § 6 aamma inuutissarsiutitigut nappaatit pillugit taaguutit pillugit § 7 innersuussutigineqarput. Siunnersuummi §§ 6 aamma 7-imi taaguutit sulisilluni ajoqu-sersinnaanermi isumannaarineq pillugu inatsimmi §§ 6 aamma 7 assigai. Sulisilluni ajoqusernermi taaguutinik ingerlatitseqqinneq pineqarpoq, sulisilluni ajoqusersinnaanermi isumannaarineq pillugu inatsit (sulisilluni ajoqusersinnaanermi iluarsartuussineq) nr. 422, 10. juni 2003-meersukkut atuuti-lerneqartoq, aamma 1. januar 2009-miilli Kalaallit Nunaanni atuutinneqartoq. Kissaatiginarpoq, taakku taaguutit Kalaallit Nunaanni Danmarkimiittut assigissagai. Ulloq 1. januar 2004-mi sulisilluni ajoquserneq pillugu iluarsartuussinerup atuutsilerneraniilli taaguutit paasineqartarnerat pillugu peri-useqartoqalerpoq, siunnersuutigineqartup §§ 5 aamma 6 malillugit Kalaallit Nunaanni sulisilluni ajoqusernermi suliassani atornerqarsinnaasumik.

§ 6-imut

Malittarisassap imarai sulisilluni ajutoornerup isumasiorneqarnera. Malittarisassami peqqussummi atuuttumi § 7 ingerlateqqinneqarpoq aamma sulisilluni ajoqusersinnaanermi isumannaarineq pil-lugu inatsimmi § 6-imut naapertuuppoq.

§ 7-imut

§ 7-ip imarai inuutissarsiutitigut nappaatit pillugit malittarisassat aamma qanoq annertutigisumik taakku sulisilluni ajoqusernermi taarsiissutissanik piginnaatitsinersut. Siunnersuummi peqqus-summi atuuttumi § 8-mi malittarisassaq ingerlateqqinneqarpoq sulisilluni ajoqusersinnaanermi isumannaarineq pillugu inatsimmi § 7-mut naapertuuttusoq.

Malittarisassamik siunertarineqarpoq, taaguutinik assigiinnik atuinerup aamma inuutissarsiutitigut nappaatinut taarsiissuteqarnissamut qinnuteqaatit suliarineqarnerinut aaqqissuussinerup pilersin-neqareersimasup qulakkeerneqarnissaa, sulisilluni ajoqusersinnaanermi isumannaarineq pillugu in-atsit malillugu atuuttusoq, kissaatiginarmat, Kalaallit Nunaanni inuutissarsiutitigut nappaatit pillugit suliassaqarfimmi ineriartorneq Danmarkimi ineriartorneq assigissagaa, inuutissarsiutitigut nappaatit amerlanerit akuerisaanerat ilutigalugu. 2003-mi sulisilluni ajoquserneq pillugu iluarsartuuss-isoqarmalli Arbejdsskadestyrelsi, inuutissarsiutitigut nappaatit pillugit suliassaqarfimmi nakorsaan-ermik ilisimatusernermik pioreersumik aaqqissuussamik misissuisarpoq. Suliaq tamanna siunis-sami ingerlateqqinneqassaaq, siunissamilu inuutissarsiutitigut nappaatit pillugit allattorsimaffiup ilu-arsaanneqarnissaannut tunngaviussaaq.

§ 8-mut

§ 8-mi malittarisassami aalajangersarneqarpoq, inuk, inuutissarsiutitigut nappaatit allattorsimaffi-anni ilanngunneqarsimasumik nappaateqalersimasooq, tak. § 7, imm. 1, inatsit malillugu tunniut-takkanik piginnaatitaasoq, nappaat, inuutissarsiutitigut nappaatinut allanik pissutsinik pissuteqartu-tut annertuumik ilimanaateqanngippat. Taamaasilluni malittarisassaq tunngaviusumik uppersaas-tissanik oqilisaassineq pillugu malittarisassamik (ilimaginninnermik malittarisassaq) imaqarpoq aamma peqqussummi atuuttumi § 9-mut naapertuuppoq.

§ 9-mut

Malittarisassami ilanngunneqanngillat ajoqusernerit Danmarkimi sorsunnikkut iliuseqarluni ajun-aartitsinerit, kisianni inuit ilaannut taarsiiffiqineqarnissamik piginnaatitsilluni. Malittarisassami peqqussummi atuuttumi § 10 ingerlateqqinneqarpoq. Danmarkip Kalaallit Nunaatalu akornanni naalagaaffeqatigiinnerisa malitsigisaanik, Danmark sorsulerpat tamanna isumaqassaaq aamma Kalaallit Nunaat sorsulersoq. Taamaattumik malittarisassaq sulisilluni ajoqusersinnaanermi isumannaarineq pillugu inatsimmi malittarisassat § 10-misut paasineqassaaq.

§ 10-mut

§ 10-mi malittarisassami taarsiissutit tunniuttakkat, inatsimmit matussuserneqartut aala-jangersarneqarput aamma peqqussummi atuuttumi § 11-mut naapertuuppoq. Malittarisassami pissutsit, sulisilluni ajoqusersinnaanermi isumannaarineq pillugu inatsimmi § 11-mi assingi ilu-arsineqarput. Peqqussummi atuuttumi sulisilluni ajoqusernermi ullormusianik piginnaatitaaneq § 10, nr. 2-mi aamma §§ 16 – 20-mi ingerlateqqinneqarput. Inatsisissatut siunnersuummi nalingin-naasumik oqaaseqaatini ullormusiat pillugit immikkoortoq 6.3. innersuussutigineqarpoq.

§ 11-mut

Siunnersuummi § 11-p imarai sulisilluni ajoqusernerup kingunerinut taamaallaat tunniussisoqartar-nera pillugu malittarisassat. Malittarisassap taarserpaa peqqussummi atuuttumi § 12, oqaasertali-orneqartoq sulisilluni ajoqusersinnaanermi isumannaarineq pillugu inatsit sioqqullugu sulisilluni ajoqusernerup kingunerinut isumannaarineq pillugu inatsit atuuttumi malittarisassaq assigalugu. Malittarisassami periarfissiisutigineqarpoq taarsiissutissat appartinneqarnissaannik imaluunniit taarsiissutissat peerneqarnissaannik, ajoqusernerup kingunerisai tamakkiisumik ilaannaasumil-luunniit sulisilluni ajoqusernermit pissutsinik allanik pissuteqarpata. Taamaakkaluartoq pissutis-saqavissumik uppersaasiisooqassaaq, ataavartumik ajoquteqalernermik paasisaq aamma/im-aluunniit inuutissarsiorsinnaanermik annaasaqarneq imaluunniit ajoqusersimasup toqunera ta-makkiisumik ilaannaasumilluunniit sulisilluni ajoqusernermit pissutsinik allanik pissuteqartut. Malit-tarisassaq sulisilluni ajoqusersinnaanermi isumannaarineq pillugu inatsimmi § 12-imut naapertuup-poq. Periutsi imartooq, sulisilluni ajoqusernermi isumannaarineq pillugu inatsimmi malittarisassap assinga, atorpeqarsinnaassaaq. Siunnersuutikkut Danmarkimisut Kalaallit Nunaanni inatsisitigut in-issisimaneq anguneqarpoq, ajoqusersimasunut inatsisitigut qulakkeerinninnermut annertuumut tunngatillugu.

§ 12-imut

§ 12-imi malittarisassaq sulisilluni ajoqusersinnaanermi isumannaarineq pillugu inatsimmi § 13-imut aamma peqqussummi atuuttumi § 13-imut naapertuuppoq. § 12-imi periarfissiisutigineqar-poq, ajoqusersimasunut annaasaqarnermi killeqartitsinissamik pisussaaffiliineq. Ajoqusersimasoq nakorsamit misissortinnissanut aamma katsorsartinnissanut pisariaqartunut peqataassaaq. Taamaattoqanngippat taarsiissutissat atorunnaassapput. Malittarisassaq akuttusoorujussuarmik at-orneqartarpoq. Tamanna pissuteqarpoq, ajoquseritut sulisilluni ajoqusernerup kingunerisaanut peqqissinissaminnut namminneq soqutiginnittuunerat.

§ 13-imut

Malittarisassami peqqussummi atuuttumi § 14 ingerlateqqinneqarpoq aamma sulisilluni ajoqusersinnaanermi isumannaarineq pillugu inatsimmi § 14-imut naapertuuppoq. § 13-imi malittar-isassami pineqarpoq nammineq pisuunerup isumaa, malittarisassamik paasinninnermik anner-tuumik annikilliliisuusoq. Ima oqaatigalugu, taarsiissutit taamaallaat pissutsini immikkut ittuni anni-killisinnegartartut, inatsisitigut akerliusumik iliuseqarnikkut ajoqusernerup kinguneri ilanngun-neqartinnagit. Piaaraluni nammineq ajoquserneq akuttusoorujussuarni takussaasarpoq.

§ 14-imut

§ 14-imi malittarisassami ajoqusertoq piginnaatinneqarpoq pisariaqartunut – ima oqaatigalugu katsorsaataasinnaasunut – katsorsartinnermut ikiorsiissutitut pisariaqartunut, timip ilaannut taarsiusatut sanaanut il.il. aningaasartuutit pisariaqartut taarsiiffigineqarnissaminut, katsorsaaneq aamma ikiorsiissutit Kalaallit Nunaanni nalinginnaasumik peqqinnissaqarfimmit il.il. akeqanngitsumik tunniunneqartannginnerat apeqqutaatillugu. Ajoqusersimasunik katsorsaaniissamik sungiusaanisamillu pisussaaneq Danmarkimisut Kalaallit Nunaanni peqqinnissaqarfiup pisussaaffigaa. Sulisilluni ajoqusersinnaanermi isumannaarinerup pisussaaffiginngilaa katsorsaaneq aamma sungiusarneq. Akerlianik aningaasartuutit, nammineq akiliuteqartussaaneq pillugu inatsisit pissutigalugit katsorsaaneq sungiusarnermullu aningaasartuutigisimasai, sulisilluni ajoqusersinnaanermi isumannaarinnermit taarserneqarsinnaapput, katsorsaaneq sungiusarnerluunniit katsorsaataasutut sunniuteqarsimappat.

Malittarisassami peqqussumi atuuttumi § 15 ingerlateqqinneqarpoq, aamma sulisilluni ajoqusersinnaanermi isumannaarineq pillugu inatsimmi § 15-imut naapertuuppoq. Taamaattorli imm. 1 – 4-mi malittarisassani ima oqaasertaliortoqarnissaanik siunnersuutigineqarpoq, peqqinnissaqarfimmit isumaginittuqarfimillu tunniuttakkat inatsisartut peqqussutaannik tunngaveqarnerat sillimmaffigeqquneqarluni, peqqussutilli taakku siunissami Kalaallit Nunaanni inatsisinit taarserneqarumaartut. Oqaasertaliornernik allanngineq piviusumik allannguinissaq siunertarineqanngilaq. Aammattaaq siunnersuutigineqarpoq siunnersuummi immikkoortumik 5-mik nutaamik ikkussisoqarnissaa.

Imm. 5-imi siunnersuut ajoqusertup katsorsartinnermut aamma ikiuutitut aningaasartuuttaannut taarsiiffigineqarnissamik piginnaatitsivoq peqqussut atuuttumit annertunerusumit aamma sulisilluni ajoqusersinnaanermi isumannaarineq pillugu inatsimmi § 15-imit annertunerusumit. Pineqarpoq malittarisassaq, Kalaallit Nunaanni sillimmasiisarfinnit ataasiakkaanit nammineq piumassutsi tunngavigalugu atorineqarsimasoq.

Imm. 5-imi pineqarput, suliap suliarineqarnerani taamaallaat katsorsartinnermut aningaasartuutit, siunissami katsorsaaniissanut aningaasartuutaanngitsut. Katsorsaaneq aningaasartuutit, nalilersuereernerup kingorna peqqissinissamut pilertortitsinnaasut taamaallillunilu piffissamik ullormusiaqarfiusumik sivikillilerisinnaasut taamaallaat taarsiiffigineqarsinnaasut. Pisariaqartumut aningaasartuutit pisarneq naapertorlugu matussuserneqartarput aningaasartuutinit matussuserneqarsinnaannginnerat apeqqutaatillugu.

Siunnersuutigineqarpoq, sillimmasiisarfiit aamma Arbejdsmarkedets Erhvervssygdomsring kat-sorsaaniissamut aningaasartuutit pillugit isummersinnaassasoq, peqqussut atuuttoq assigalugu.

Tamanna aamma atuutissaaq siunnersuummi § 14, imm. 5 malillugu taarsiissuteqarnermut naleqqiullugu. Tamanna isumaqarpoq, sillimmasiisarfik, aningaasartuutini akiliisussaannngitsut isumaqartoq, apeqqut Arbejdsskadestyrelsimut saqqummiutissavaa. Ammattaaq taamaassaaq ajoqusersimasup ingerlatsiviup akiliinissamik neqeroorteqarnera naammaginngikkuniuk. Taamaassappat Arbejdsskadestyrelsi aalajangiisaaq.

Siunnersuummi imm. 5 malillugu aalajangiinermi Arbejdsskadestyrelsip sillimmasiisarfik imaluunniit Arbejdsmarkedets Erhvervssygdomsring akiliinissamut peqqunissaanut piumasaqaataavoq, aningaasartuutissatut naatsorsuutigineqartut pillugit naatsorsuisoqarsimanissaa sipaarutissatut naatsorsuutigineqartumut naleqqiullugu. Aalajangiineq aalajangiinertulli allatulli Ankestyrelsimut maalaarutigineqarsinnaavoq.

Nalinginnaasumik oqaaseqaatini imm. 6.2. innersuussutigineqarpoq.

§ 15-imut

§ 15-imi malittarisassami taarsiissuteqarnissamik aalajangiinernut piffissarititaasut aalajangersarneqarput aamma peqqussummi atuuttumi § 16 taarserneqarpoq.

Peqqussummi atuuttumi § 16 naapertorlugu akuerisaanermik taarsiissuteqarnissamullu aalajangiingerit sapinngisamik ukiup ataatsip qaangiutinnginnerani kingusinnerpaamillu sulisilluni ajoqusernerup nalunaarutigineqarneraniit ukiut marluk qaangiutinnginneranni aalajangiiffigineqassapput. Siunnersuummi malittarisassaq sulisilluni ajoqusersinnaanermi isumannaarineq pillugu inatsimmi § 16-imut naapertuuppoq.

Siunnersuutigineqartumi malittarisassami nutaami § 15-imi siunertarineqarpoq, sulisilluni ajoqusersinnaanermi isumannaarineq pillugu inatsit malillugu Danmarkimisut Kalaallit Nunaanni piffissarititaasut assigiit atuutilersinneqarnissaat. Siunnersuutip kinguneraa, aalajangiinissanut piffissarititaasunik sukaterineq, sulisilluni ajoqusersinnaanermi isumannarineq pillugu inatsit nr. 422, 10. juni 2003-meersumi atuutilersinneqartoq (sulisilluni ajoqusernermi iluarsartuussineq), Kalaallit Nunaanni sulisilluni ajoqusernermik sulianik suliarinninnermi aammattaaq atuutinneqalissasoq. Ima oqaatigalugu, sulisilluni ajoqusernerup nalunaarutigineqarneraniit ukiup ataatsip qaangiunneratigut akuerisaaneq aamma taarsiissuteqarnissaq pillugit ataatsimut aalajangiisoqassasoq.

Malittarisassami pineqanngillat ullormusiat pillugit aalajangiinissamut piffissarititaasut. Aamma taamaappoq peqqussummi atuuttumi § 16-imi malittarisassap assingani. Taamaakkaluartoq Arbejdsskadestyrelsen ullaullormusiat pillugit aalajangiinissaanut immikkut ittumik piffissarititaasumik inatsimmi aalajangersaasoqarnissaa pisariaqanngitsutut isumaqarfigineqarpoq, siunnersuut malillugu ajoqusersimasooq ullormusiat pillugit inatsisitigut piumasaqarsinnaammat aamma ullormusiat tunniuttakkat, isertitanik nalinginnaasunik taartisiatut eqqarsaattaammata, akerlianik ataavartumik ajuuteqalernerumut taartisianut aamma inuutissarsiummik annaasaqarnerumut taarsiissutissanut, siunisami ataavartunut annaasaqarnerumut taartisiaritinneqartartunut.

Ataatsimoortumik aalajangiinermut ukioq ataatsimik piffissarititaasup akornusinnigilaa, Arbejdsskadestyrelsen assersuutigalugu ataavartumik ajoquteqarlersimanermut apeqqut pillugu siusinnerusumik aalajangiinissaanut, paasinarsippat inuutissarsiornikkut pissutsit pillugit paasiniaaneriit sivitsorneqartut. Taamatut ataavartumik ajoquteqalersimanermut immikkut aalajangiinerup aammattaaq imarissavaa, ajoqusernerup nalunaarutigineqartup sulisilluni ajoqusernertut akuerisaanera pillugu ilaannaasumik aalajangiineq. Tamatuma kingorna suliaq suliarineqassaaq suliami inaarutaasumik aalajangiinissaq siunertaralugu.

§ 16-imut

§ 16-imi malittarisassaq sulisilluni ajoqusernerup kingunerisaanik ajoqusersimasup sulisinnaannginnermini ullormusianik piginnaatinneqarpoq, aamma peqqussummi atuuttumi § 17 taarserneqarpoq. Imm. 1 ullutsinnut oqaatsit naleqqunnerusut atorlugit oqaasertaliorneqarpoq maannamut atuuttup peqqussummi § 17, imm. 1-imut naleqqiullugu, kisianni pissusiviusunik allannguutinik siunertaqanngikkaluarluni.

Ullormusiat, ajutumeermermi sillimmasiineq pillugu inatsimmik 1973 sioqqullugu tunngaveqarput, aamma Kalaallit Nunaanni attatiinnarneqarlutik, maannamut Kalaallit Nunaanni ullormusiat pillugit aqqissuussisoqarsimanngimmat. Suliffeqannginnermi tunniuttakkat pillugit Inatsisartut peqqusutaat nr. 5, 1. juni 2006-imeersukkut maanna Kalaallit Nunaanni ullormusiat atuutinneqalerput, sulisilluni ajoqusernermik aamma matussusiisoq, tak. peqqussummi § 8, imm. 3. Taamaattumik sulinnigiffeqarnermi tunniuttakkat aamma napparsimanermi ullormusiat ataqatigiisinneqalernissaanut pilersitsisoqarnissaanut periarfissaqalerpoq, tamannalu siunertaavoq inatsisissatut siunnersuummi § 18-imi. Nalinginnaasumik oqaaseqaatini imm. 6.3 innersuusutigineqarpoq.

§ 17-imut

Malittarisassami § 17-imi ullormusianik piginnaatitaanerup sivissusaa aalajangersarneqarpoq, aamma imarisamigut peqqussummi atuuttumi § 18-imut naapertuuppoq. Oqaasertaliornera ullutsinnut naleqqunnerusunngortinneqarpoq, pissusiviusunik allanngiueq siunertarineqanngikkaluarluni.

§ 21-mut innersuussinermi erseqqissaanissaq siunertarineqarpoq, ullormusiat inuutissarsiorsinnaanermik annaasaqarnermi taarsiissutissat pillugit aalajangiinerup sunniutaanniit sivissunerusunik tunniunneqarsinnaanngitsut. Tamanna aamma atuuppoq peqqussummi atuuttut malillugu. Taamaasilluni allanngiueq aqqissuussinerneruinaavoq.

§ 18-imut

Peqqussummi atuuttumi § 19 malillugu ajoqusersimasooq sulisilluni ajoqusernerup kingunerisaani sulisinnannginnermi ullormusianik piginnaatitaavoq. Ullormusiat naatsorsorneqartarput ajoqusersimasup ajoqusernerup siuliatigut ukiumi ukiumut aningaasarsiat tunngavigalugit. Ukiumut aningaasarsiat inuussutissarsiorsinnaanermik annaasaqarnermi aamma pilersuisumik annaasaqarnermi taarsiissutissanik naatsorsuinnermi aammattaq tunngaviusarpoq. Ukiumut aningaasarsiat aallaavitut tassaapput ajoquserneq sioqqullugu ukiumi ajoquserup sulinnermigut aningaasarsiat.

Siunnersuummi § 18-imi malittarisassaaq taanna allanngortinneqarpoq, nutaattut siunnersuutigineqarmat, ullormusianut akititaq aalajangersimasooq atuutilersinneqarnissaa, ullormusiat inuit ataasiakkaat ukiumut aningaasarsiat tunngavigalugit naatsorsorneqartarnerannut malittarisassamat atuuttumut taarsiullugu. Aningaasat qaffasissusaat pisuni tamani ataasiussaaq, ajoqusersimasup ukiumut aningaasarsiat eqqarsaatiginagit. Siunnersuutigineqarpoq, suliffeqannginnermi tunniuttakkat aningaasartaasa qaffasissusaat aalajangersimasooq qaqugukkulluunniit atuuttoq atorneqassasoq. Akigitinneqartoq atorneqarpoq napparsimalluni nalunaaruteqannginnermi sapaatip akunnerini 13-imi aguaqatigiissillugu ajoqusersimasup akunnernut suliffigisimasaannut nalequllugu.

Siunnersuummik siunertarineqarpoq, ullormusiarnermik aqqissuussinernerup piunarsarneqarnissaa sunniuteqarluarnerulernissaalu, taamaasilluni ullormusiat nalunaarutiginninnerup tigueqarneraniit sapinngisamik sukkaasuumik tunniunneqarsinnaanngorlugit, ajoqusersimasunut iluaqutissanngorlugit. Tamakkua saniatigut kissaatigineqarpoq suliffeqannginnermi tunniuttakkat aamma ullormusiat ataqatigiinnerusumik aqqissuunneqarnissaat, taamaasilluni ataatsimut isigalugu sulisilluni ajoqusernermi ulloq suliarunngitsoorfimmiit siullermiit taartisinissap annertunerusumik qulakkeerneqarnissaa anguneqassaaq. Oqaaseqaatini nalinginnaasuni imm. 6.3. innersuussutigineqarpoq.

§ 19-imut

Siunnersuummi § 19 malillugu sulisitsisoq, isumaqatigiissut malillugu napparsimanerup nalaani aningaasarsiaqartitsisoq, inatsit malillugu ullormusianik piginnaatitaanerup ilannguppoq. Siunnersuummi § 19-imi inatsit atuuttoq ingerlateqqinneqarpoq aamma maannamut atuuttumi peqqussummi § 20, imm. 2-mut naapertuuppoq, taamaallaalli oqaasertaliornera ullutsinnut naleqqunnerusunngortinneqarpoq kisianni tamatumuuna pissusiviusunik allannguisoqarnissaa siunertarineqanngilaq. Siunnersuutigineqarpoq, maannamut atuuttumi § 20, imm. 1-imi, ullormusiat pillugit inatsit malillugu ullormusiarinnaatitaasut inuit pillugit, ingerlateqqinneqassanngitsooq, malittarisassaaq pisariaqanngimmat, ullormusiat pillugit inatsit aamma inatsisissatut siunnersuut malillugu inoqarnaviannngimmat ullormusiarinnaasunik.

§ 20-mut

Siunnersuummi malittarisassami § 20-mi Arbejdsskadestyrelsi piginnaatinneqarpoq, ajoqusersimasup sulisinnaannginneranik nakorsamit allagarsiussamik uppernarsaammik piumasaqarnisamat, aamma imarisamigut maannamut atuuttumi peqqussummi § 21-mut naapertuuppoq. Oqaasertaliornera ullutsinnut naleqqunnerusunngortinneqarpoq kisianni tamatumuuna pissusiviusunik allannguisoqarnissaa siunertarineqanngilaq.

§ 21-mut

§ 21-mi malittarisassaq inuutissarsiorsinnaanermik annaasaqarnermi taarsiissutinik piginnaatitaneq pillugu peqqussummi atuuttumi § 22-mut aamma sulisilluni ajoqusersinnaanermi isumannaarineq pillugu inatsimmi § 17-imut naapertuuppoq.

§ 22-mut

§ 22-mi malittarisassaq tamarmi ataavartumik ajoquteqalersimanermi taartisiaqarneq pillugu peqqussummi atuuttumi § 23-mut aamma sulisilluni ajoqusersinnaanermi isumannaarineq pillugu inatsimmi § 18-imut naapertuuppoq. Sulisilluni ajoqusersinnaanermi isumannaarineq pillugu inatsit aamma peqqussut atuuttoq malillugit periuseq ingerlateqqinneqarsinnaavoq.

§ 23-mut

§ 23-mi malittarisassaq tamarmi toqusoqarneratigut ikaarsaariarnermi tunniuttakkat aningaasat pilugit peqqussummut aamma sulisilluni ajoqusersinnaanermi isumannaarineq pillugu inatsimmi § 19-imut naapertuuppoq.

Sulisilluni ajoqusersinnaanermi isumannaarineq pillugu inatsit aamma peqqussut atuuttoq malillugu periuseq atuuttoq ingerlateqqinneqarsinnaavoq.

Nalunaarsukkamik aappariilersarneq pillugu inatsisip Kalaallit Nunaannut atuutilersinneqarnissanik pequssut nr. 320, 26.april 1996-imeersoq malillugu, aappariilernermik nalunaarsuineq aallaavittut aappariilersarnermi inatsisitigut sunniuteqarpoq. Tamanna nalunaarsukkamik aappariilersarneq pillugu inatsimmi § 3-mi malittarisassamat naapertuuppoq, tak. inatsisikkut nalunnarut nr. 938, 10. oktober 2005-imeersoq.

§ 24-mut

§ 24-mi malittarisassaq tamarmi aapparissamat inooqammullu pilersuisumik annaasaqarnermi taarsiissutit pillugit peqqussummi atuuttumi § 25-mut aamma sulisilluni ajoqusernermi isumannaarineq pillugu inatsimmi § 20-mut naapertuuppoq.

Sulisilluni ajoqusernermi isumannaarineq pillugu inatsit aamma peqqussut atuuttoq malillugit periutsi atuuttoq ingerlateqqinneqarsinnaavoq.

§ 25-mut

§ 25-mi malittarisassaq meeqqanut pilersuisumik annaasaqarnermi taarsiissuteqarneq pillugu peqqussummi atuuttumi § 26-imut aamma sulisilluni ajoqusersinnaanermi isumannaarineq pillugu inatsimmi § 21-mut naapertuuppoq.

Sulisilluni ajoqusernermi isumannaarineq pillugu inatsit aamma peqqussut atuuttoq malillugu periutsi atuuttoq ingerlateqqinneqarsinnaavoq.

§ 26-mut

§ 26-mi malittarisassaq tamarmi aapparissamuunngitsoq, inooqataasumuunngitsoq imaluunniit meeqqanuunngitsoq allamut taarsiissuteqarneq pillugu peqqussummi atuuttumi § 27-mut aamma sulisilluni ajoqusersinnaanermi isumannaarineq pillugu inatsimmi § 22-mut naapertuuppoq.

Sulisilluni ajoqusernermi isumannaarineq pillugu inatsit aamma peqqussut atuuttoq malillugu peri-
utsi atuuttoq ingerlateqqinneqarsinnaavoq.

§ 27-mut

§ 27-mi malittarisassa qimagaasunut taartisiat pillugit peqqussummi atuuttumi § 28-mut aamma
sulisilluni ajoqusersinnaanermi isumannaarineq pillugu inatsimmi § 23-mut naapertuuppoq.

§ 28-mut

§ 28-mi malittarisassa qimagaasunut taartisiat pillugit peqqussummi atuuttumi § 29-mut naapertuuppoq imaralugulu inuutissarsi-
orsinnaanermik annaasaqarnermi taarsiissutinik kiisalu pilersuisumik annaasaqarnermi taarsiissu-
tinik ukiumut aningaasarsianik naatsorsuinermi tunngavigineqartunik aalajangiinermi malittarisas-
sat. Ukiumut aningaasarsianik aalajangersaaneq ajutumeernermi sillimmasiissutit pillugit inatsit
1898-imeersoq siullermiilli, inuutissarsiorsinnaanermik annaasaqarnermi (siusinnerusukkut in-
narluuteqalernermi taarsiissutit) aalajangersaaneq tunngavigineqarpoq. Malittarisassap sulisilluni
ajoqusersinnaanermi isumannaarineq pillugu inatsimmi § 24 assigaa, taamaattorli ukiumut
aningaasarsiat minnerpaaffissaat Kalaallit Nunaannut pissutsinut naleqqussarlugu aala-
jangersarneqarpoq.

Aammaattaq § 5-imi siunnersuutigineqarpoq, namminersortutut inuutissarsiuteqartut ukiumut
aningaasarsiaannut tapisiat aamma imm. 7 aaqiivigineqassaaq.

Siunnersuummi imm. 5-imi nutaattut siunnersuutigineqarpoq, ataatsimoortunut sillimmasiissutit
ataanni namminersortutut inuutissarsiuteqartunut ukiumut aningaasarsianut tapiissut, tak. siunner-
suummi § 52, imm. 4. Tamanna pissuteqarpoq, aalisartunut, piniartunut aamma savaatilinnut il.il.
namminersortunut aningaasaqarnikkut iluaqut, ilaatigut pisaanik tunisaqarnermi isertitanik il-
aqarmat ilaatigullu pisaanik nammineq atuinermik ilaqarluni. Nammineq pisaanik atuinerup nalingat
pillugu naatsorsueqqissaartoqanngilaq, taamaattumillu siunnersuutigineqarpoq sulisut, sulitsisum-
innik najugaqartut, nerisaqartitaanerisa nalingat aallaavigineqassasoq. Naligitinneqartoq nutaaju-
voq, ima oqaatigalugu ajutumeernermi sillimmasiissutit pillugit inatsimmi 1898-imeersumi, aala-
jangersarneqartoq sulisitsisup nioqqutissianut, sulisitsisup angerlarsimaffiani suliarineqartup,
taamaalillunilu sulisunut nerisassiarineqartoq, aningaasartuuttaattut aalajangersarneqartut. 2010-
mi nerisaqarnermi akigitinneqartoq ullormut inersimasumut ataatsimut 77 kr.-nut aala-
jangersarneqarpoq.

Taamaattumik siunnersuutigineqarpoq, pisuni tamani aki aalajangersimasup qaqugukkulluunniit
atuuttup nerisaqarnermut akip affaa, 2010-mi 77 kr.-usoq. Tamatumani aallaavigineqarpoq il-
aqutariit inersimasut marluusut meeqqallu marluk, meeqqanut naligitinneqartoq inersimasup
nalingisa affaannarlugu. Tamanna ilaqutariinni inersimasut marluupput 2 x 38,50 kr. aamma
meeqqanut marlunnut 1 x 38,50 kr., katillugit ullormut 115,50 kr. Ima oqaatigalugu ukiumut
42.157,50 kr., 2010-mi akigitinneqartut naatsorsuinermi tunngavigalugit. Siunnersut annerpaamik
pizat affai il.il. namminermut atorineqartarnerannik, aamma affai tunineqartarnerannik isumaqarner-
mik tunngaveqarpoq. Piuminartuunissaa pissutigalugu nerisaqarnermut akigitinneqartup
qaqugukkulluunniit atuuttup 1,5-istik oqaasertalerneqarnissaa siunnersuutigineqarpoq.

Ukiumut aningaasarsiaavinnut tapisiat tunniunneqartarput, ukiumut aningaasarsianut minnerpaaffis-
saq qaangerneqarpat, 2010-mi 55.200 kr.-usoq. Ukiumut aningaasarsiaavinnut minnerpaaffissanit
annikinneruppata imaluunniit minnerpaaffissat assigippagit, ukiumut aningaasarsiat minnerpaaffis-
saannut tapisiat ilallugit ukiumut aningaasarsiat aalajangersarneqassapput.

Nalinginnaasuni oqaaseqaatini imm. 6.4 aamma siunnersuutip aningaasaqarnikkut kingunerit pillu-
git oqaaseqaatit innersuussutigineqarput.

Imm. 6-imut siunnersuut peqqussummi atuuttumi § 29, imm. 6-imi malittarisassap assinganit allaanerusumik oqaasertaliorneqarpoq, siunnersuutigineqarmat oqaatsit: "tamatuma kingorna ullormusiat naatsorsorneqarnerat" peerneqarmat. Tamanna siunnersuummi § 18-ip kinguneraa, ullormusiat, suliffeqannginnermi tunniuttakkat assigissagaat, peqqussut atuuttoq malillugu ukiumut aningaasarsiat tunngavigalugit naatsorsuinnermut taarsiullugu. Taamaattorli malittarisassaq ukiumut aningaasarsiat naatsorsorneqarnerannut pingaaruteqarpoq, inuutissarsiorsinnaanermik annaas-aqarnermi aamma pilersuisumik annaasaqarnermi taarsiissutit aalajangerneqarnissaannut atugas-sanut.

Iluarsiissuteqarneq pillugu siunnersuummi § 7-imi siunertarineqarpoq iluarsiissuteqarneq, oqaaseq "ullormusiat" peerneqarmat, aalajangersimasunik ullormusianik atuutilersitsinissamik siunnersuuteqarnerup kingunerisaanik, tak. siunnersuummi § 18.

§ 29-mut

§ 29-mi malittarisassaq peqqussummi atuuttumi § 30-mut naapertuuppoq aamma tunniuttakkanik tunngaviumillu aningaasanik iluarsiissuteqartarneq pillugu malittarisassanik imaqarluni.

Peqqussut atuuttoq malillugu tunniuttakkat iluarsineqarnerat pillugu malittarisassat, sulisilluni ajoqusersinnaanermi isumannaarineq pillugu inatsit malillugu tunniuttakkanik iluarsiissuteqarneq pillugu malittarisassat immikkoorput, iluarsiissuteqarneq qimagaasunut imaluunniit inooqataasumut ikaarsaariarnermi aningaasaammata, tak. peqqussummi atuuttumi § 24 kiisalu ukiumut aningaasarsiat minnerpaaffissaat, tak. peqqussummi atuuttumi § 29, imm. 4, Kalaallit Nunaanni iluarsiis-sutinut akit nalunaarsuuttaat malillugu naleqqussarneqarmat, tunniuttakkat sinneri sulisilluni ajoqusersinnaanermi isumannaarineq pillugu inatsit malillugu tunniuttakkat naleqqussarneqar-tarlutik, tak. inatsimmi § 25. Taanna naleqqussaanneri assigiinngissut siunnersuummi ingerlat-eqqinneqarpoq. Peqqussummi atuuttumi § 30, imm. 5-imi imaritinneqartumi, inuit ingerlaavartumik tunniuttakkanik akuerisaareernermi kingorna Kalaallit Nunaata avataanut najugaqalertartut pillugit malittarisassaq, naleqqussaannissamik malittarisassat peqqussummi atuuttumi § 5-p ingerlateqqin-neqannginnerata kingunerisaanik peerneqarmat. Nalinginnaasumik oqaaseqaatini imm. 6.1.inner-suussutigineqarpoq.

§ 30-mut

§ 30-mi malittarisassaq peqqussummi atuuttumi ajoqusersimasunut qimagaasunullu taarsiissutinik tunniussineq pillugu § 31-mut aamma sulisilluni ajoqusersinnaanermi isumannaarineq pillugu inat-simmi § 26-mut naapertuuppoq. Erniat kingusinaartunik akilerneqartut il.il. pillugit inatsisip Kalaallit Nunaannut atuutilersinneqarnissaanik peqqussut nr. 350, 14. juli 1980-imeersoq malillugu ernialer-suisoqassaaq.

Malittarisassaq iluarsineqarpoq allaffissornermi suliasanik Sulisilluni ajoqusernermi Sullissivimmit Arbejdsskadeskyrelserimut nuussineri allannguutit pissutigalugit. Tassa Center for Arbejdsskadeskyrelserimut ullormusiat akilertarpei sillimmasiisarfiit arlallit isumaqatigereerlugit taakkunanik akitsuutinik akiliuteqarnikkut. Aaqqissuussinerup taassumap Kalaallit Nunaanni sulisilluni ajoqusernermi isumannaarinnermi neqerooruteqartunut naleqqiullugu atuuttussanngorlugu an-nertusineqarnissaa siunnersuutigineqarpoq. Center for Arbejdsskadeskyrelserimut sillimmasiisarfinnik isumaqatigiissuteqarfigisimasaanut arbejdsskadeskyrelsi imaaliillaannaq ilanngussinnaannginnera pissutigalugu, Arbejdsskadeskyrelserimut siunniuppaa, Kalaallit Nunaanni suliamik suliarinninnermut akiliuteqarnerup iluarsineqarnissaa, ullormusianik tunniussinnermut aamma akileraarutinik akiliis-itsinnermut atasumut immikkut ittumut allaffissornermut naleqquttumut. Sillimmasiisarfiit, massakkut Center for Arbejdsskadeskyrelserimut isumaqatigiissuteqartut 2009-mi ??? kr.-nik akiliuteqarput.

§ 31-mut

§ 31-mi malittarisassaq taarsiissutinik ingerlaavartunik aningaasanngorlugit (kapitalbeløb) kaavi-aartitsineq pilugu peqqussummi atuuttumi § 32-mut naapertuuppoq.

Malittarisassaq, Kalaallit Nunaannut pissutsinut naleqqussaanerit ilanngullugit, sulisilluni ajoqusersinnaanermi isumannaarineq pillugu inatsimmi, malittarisassap inatsit nr. 496, 6. juni 2007-imeersukkut allanngortinneqannginnerani § 27-mut naapertuuppoq.

Taamaasilluni malittarisassaq aningaasannortitsinerit (kapitaliseringsfaktorerne) ukiut qaamatillu ilivitsut allortarlugit aalajangersarneqarnissaat pillugu malittarisassanik kiisalu utoqqaliner-siaqalernissamut ukiut allanngorarneri pillugit malittarisassanik imaqqanngilaq, tak. aamma inatsit nr. 1587, 20. december 2006-imeersoq.

Ajutumeernerni ingerlaavartunik tunniuttakkanik aningaasannorlugit kaaviaartitat pillugit nalun-aarut nr. 449, 8. juni 2009-meersoq kiisalu inuutissarsiutitigut nappaatinut tunngatillugu 1. juli 2007 sioqqullugu nalunaarutigineqartunut atorneqartussaavoq, inuutissarsiornermik annaasaqarnermi pilersuisumillu annaasaqarnermi ingerlaavartumik taarsiissutinik kaaviiartitsineq atorneqartussaa-voq.

§ 32-mut

§ 32-mi malittarisassaq inunntut, ajoqusernerup kingunerisaanik atorfilittut utoqqalinersiutininik anertusisanik piginnaatitaasunut atorfilittut ilanngaait pillugit peqqussummi atuuttumi § 33-mut aamma sulisilluni ajoqusersinnaanermi isumannaarineq pillugu inatsimmi § 28-mut naapertuuppoq.

§ 33-mut

§ 33-mi malittarisassaq pisuni immikkut ittuni ajoqusersimasunit qimagaasunillu allanut tunni-ussineq pillugu peqqussummi atuuttumi § 34-mut aamma sulisilluni ajoqusersinnaanermi isuman-naarineq pillugu inatsimmi § 29-mut naapertuuppoq.

§ 34-mut

§ 34-mi malittarisassaq inatsit malillugu isumaqatigiissuteqarnikkut piumasaqaatinik nuussineq aamma akilgassaqaarfiup malersuina pillugu peqqussummi atuuttumi § 35-mut aamma sulisilluni ajoqusersinnaanermi isumannaarineq pillugu inatsimmi § 30-mut naapertuuppoq.

§ 35-mut

§ 35-imi malittarisassaq ajoqusernerit sorliit nalunaarutigineqarnissaannut aamma sulisilluni ajoqusernerit nalunaarutigineqarnissaannut piffissarititaasut pillugit peqqussummi atuuttumi § 36-imumut aamma sulisilluni ajoqusersinnaanermi isumannaarineq pillugu inatsimmi § 31-mut naaper-tuuppoq.

Malittarisassami oqaatsititigut nutaanngorsaasoqarpoq. Nutaanngorsaaneq piviusunik allannguini-ermik ersersitsinngilaq.

§ 36-mut

§ 36-mi malittarisassaq sulisilluni ajoqusernerinik kikkut nalunaaruteqartussaanagerat pillugu peqqus-summi atuuttumi § 37-mut aamma sulisilluni ajoqusersinnaanermi isumannaarineq pillugu inat-simmi § 32-mut naapertuuppoq.

§ 37-mut

§ 37-mi malittarisassaq nalunaarutit sumut nassiunneqartarnissaat pillugu peqqussummi atuuttumi § 38-mut naapertuuppoq.

Malittarisassami inatsisitigut inissisimaneq atuuttoq ingerlateqqinneqarpoq. Danmarkimi aamma Kalaallit Nunaanni sulisilluni ajoqusernerinik nalunaaruteqarnermi malittarisassani atuuttuni assigi-inngissutigaa, Danmarkimi ajutoornernik nalunnaarutiginninnerit sillimmasiisarfinnut nalunaaruti-gineqartarnerat Kalaallit Nunaanni pisuni tamani Sulisilluni ajoqusernermi Sullissivimmut nalun-

aarutigineqartartut. Kalaalit Nunaanni pissutsit pissutigalugit naapertuuttuussaaq taakkunatigut nalunaaruteqarnissamut malittarisassap ingerlateqqinneqarnissaa.

§ 38-mut

§ 38-mi malittarisassaaq inuutissarsiutitigut nappaatinik nalunnaaruteqartarneq pillugu peqqussummi atuuttumi § 39-mut aamma sulisilluni ajoqusersinnaanermi isumannaarineq pillugu inatsimmi § 34, imm. 1-imut naapertuuppoq.

§ 39-mut

Siunnersuummi § 39-p imarai paasissutissat, nalunaarutiginninnermi ilaatinneqartartut, pillugit malittarisassat kiisalu qanoq nalunaarutiginninneq ingerlanneqassanersoq. Malittarisassami Arbejdsskadeystyrelsimi pisortaq nalunaarummi erseqqinnerusunik malittarisassiornissamut tunngavissanik periarfissinneqarpoq. Malittarisassaaq maannamut atuuttumi peqqussummi § 40-mut, aamma aamma sulisilluni ajoqusersinnaanermi isumannaarineq pillugu inatsimmi § 35, imm. 2-miit 4-mut naapertuuppoq, naleqqussaanerit Danmarkimi Kalaallit Nunaannilu nalunaaruteqarnissamut assigi-inngissutaat ilanngullugit.

Taamaattorli siunnersuutigineqarpoq imm. 4-mi erseqqissumik tunngavissiisoqarnissaanik, sillimmasiisarfiiit aamma Arbejdsmarkedets Erhvervssygdomssikringip danskisut kalaallisullu nutserneqarnissaat pisariaqartut akilertassagaat. Pisariaqartuuvoq suliani tamani uppernarsaatit nutserneqarnissaat, Kalaallit Nunaanni kalaallisut oqaatsit pisortatigoortumik oqaasiummata, aamma akuttunngitsumik danskisut attaveqatigiinnissaaq periarfissaaneq ajormat. Naammagintartuuvoq, tassunga atasut aningaasartuutit sillimmasiisarfinnit aamma Arbejdsmarkedets Erhvervssygdomssikringimit akileneqartarnissaat. 2007-mi nutsertitsinernut tamakkiisumik aningaasartuutit 124.000 kr.-upput, 2008-mi aningaasartuutit 250.000 kr.-usut. 2007-imi aningaasartuutit, taamaattumillu pingaartumik 2008 sulianik kinguartitanik suliarinnermit sunnerneqarsimavoq. Naatsorsuutigineqarpoq, siunissami aningaasartuutissat 100.000 kr.-unissaat.

§ 40-mut

Malittarisassami § 40-mi ajoqusersimasut imaluunniit qimagaasut sulisilluni ajoqusernertut taarsiissutinik piunasaqaatinik namminneerlutik nalunaarutiginninnissaannut periarfissiissutigineqarpoq, sulisitsisup imaluunniit nakorsap pisoq nalunaarutigisimangippagu. Nalunaarutiginninneq ukiup ataatsip iluani, sulisilluni ajoqusernerup pineraniit naatsorsorlugu imaluunniit piffissamiit ajoqusertup imaluunniit qimagaasut ilisimalerpassuk nappaatip sulinermut attuumassuteqartup paasineraniit. Malittarisassami taaneqartoq nalunaaruteqarnissamut piffissarititaasoq pillugu piunasaqaat sanioqqunneqarsinnaavoq.

§ 40, imm. 1-imi malittarisassami periarfissiissutigineqarpoq ajoqusertup nalunaaruteqarnissaanut inatsimmi ukioq ataatsip piffissarititaasup sanioqqunneqarnissaanut. Malittarisassap taarserpaa maannamut atuuttup peqqussummi § 41, imm. 1. Malittarisassatut siunnersuut sulisilluni ajoqusersinnaanermi isumannaarineq pillugu inatsimmi § 36, imm. 1-imut naapertuuppoq, taanna atuutilersinneqarpoq inatsisikkut nr. 496, 6. juni 2007-ikkut, kingusinaartumik nalunaaruteqarnermi immikkut akuersissuteqartarneq oqilisaavigineqarluni. Siunnersuutigineqarpoq tamanna Kalaallit Nunaannut aaqqissuussineq malillugu sulianut atuutinneqarnissaa. Siunnersuuteqarnikkut anguneqarpoq Kalaallit Nunaanni Danmarkimisut inatsisitigut inissisimaneq kingusinaartumik nalunaaruteqarnermi immikkut akuersissuteqarnermut tunngatillugu. Taamaattorli siunnersuutigineqarpoq ukiumik ataatsimik immikkut akuersissuteqarnissamik ullormusiaqarsinnaanermi atuutinneqannginnissaanik peqqussummi atuuttumi § 41, imm. 1-imi naggammi kingullermi malittarisassaaq ingerlateqqinneqassasoq. Tamanna siunnersuummi inatsimmi § 14-imut aamma inatsimmi §§ 21-miit 27-imut innersuussisoqarneratigut takuneqarsinnaavoq. Naatsorsuutigineqarpoq, siunnersuutip kingunerissagaa ukiumi ataatsimi suliat sisamat ataavartumik ajoquteqalernermi taarsiissutigineqartassasut, inuutissarsiorsinnaanermi annasaqarnermi taarsiissuteqarnerit ukiumut suliamik

ataatsimik ilaneqassasut. Tamatumuunakkut naatsorsuutigineqarpoq ataatsimut aningaasar-tuuteqarnerunissaq annerpaamik ukiumut 1.98 mio. kr.-ussasut. Naatsorsuinermit tunngavigineqar-poq sulisilluni ajoqusersinnaanermi isumannaarineq pillugu inatsit malillugu kingusinaartumik nalunaarutiginnittarnerit, Kalaallit Nunaannut tunngatillugu tamanna pillugu paasisutissaqanngim-mat. Taamaattumik naatsorsuineq nalorninermik attuumassuteqarpoq.

§ 41-mut

Siunnersuummi § 41 Arbejdsskadestyrelsi piginnaatinneqarpoq, sulisitsisunit, kommuninit, nappar-simmavinni sulisunit, nakorsanit aamma nioqqutissiortunit il.il. paasisutissanik piumasaqarnis-samut, suliap suliarineqarnissaanut pisariaqartunik. Malittarisassami peqqussummi atuuttumi § 42 ingerlateqqinneqarpoq, aamma sulisilluni ajoqusersinnaanermi isumannaarineq pillugu inatsimmi § 37, imm. 1 aamma 2-mut naapertuuppoq. Malittarisassami Sulisillutik ajoqernermit Sullissivik tunngavissinneqarpoq inuit avataaniittut – ima oqaatigalugu nakorsat, sulisitsisut, nioqqutissiortut il.il. – paasisutissanik pigisaminnik, aamma sulisilluni ajoqusernermit suliami paasisutissatut pingaaruteqartunik Arbejdsskadestyrelsimut tunniussinissamut piumasaqarnissamut. Malittarisas-sami Arbejdsskadestyrelsi akuerineqaaqartinnani illumini misissuinissamut assigisaanillunniit ili-uuseqarnissamut tunngavissinneqanngilaq.

§ 42-mut

§ 42-mik siunnersuutigineqarpoq Kalaallit Nunaanni suliani sulisilluni ajoqusernermit suliaqarnermit paasisutissat pisariaqartut, nipaatumik akuersissuteqarneq tunngavigalugu pissarsiarineqarnis-sai pillugit erseqqissumik tunngavissiiinissaq, soorlu sulisilluni ajoqusersinnaanermi isumannaar-ineq pillugu inatsit malillugu suliani pisoqartartoq. Malittarisassaq sulisilluni ajoqusersinnaanermi isumannaarineq pillugu inatsimmi § 37 a-mut naapertuuppoq. Siunnersuut aqutigalugu Kalaallit Nunaanni inatsisitigut inissisimaneq Danmarkimi atuuttoq assigilissavaa.

§ 43-mut

Siunnersuummi § 43-mi ajoqusertoq aalajaalluni nakorsamit misissortinnernut katsorsartinnernullu pisariaqartunut peqataasarnissaanik peqquneqarpoq. Ajoqusersimasup aalajaalluni peqataanera-nut akerlianik pisariaqartunut misissortinneranut ajoqusersimasup angalanermut nerisaqarnermullu il.il. aningaasartuutimik taarsertinnissaannut piginnaatitaavoq. Malittarisassaq annaasaqarnermit kil-liliineq pillugu isummanik tunngavinnik tunngaveqarpoq. Malittarisassaq peqqussummi atuuttumi § 43-mik ingerlatiteqqippoq aamma sulisilluni ajoqusersinnaanermut isumannaarineq pillugu inat-simmi § 38-mut naapertuuppoq.

Peqataanginnerup kingunerisinnaavaa, § 12 naapertorlugu taarsiissutinik annikilliliineq imaluunniit atorunnaarsitsineq. Malittarisassaq assigiinngitsutigut sulisilluni ajoqusersinnaanermi isumannaar-ineq pillugu inatsisip ilagaa, 1898-imi inatsit siullermik atuleqqaarmalli, kisianni akuttusuumik taarsiissutinik killiliinermik imaluunniit atorunnaarsitsinermik kinguneqartarsimavoq. Malittarisassaq § 12-imut ataqatigiissillugu atuarneqassaaq.

§ 44-mut

Siunnersuummi § 44-p imarai ajutoorneq imaluunniit nappaat nalunaarutigineqartoq sulisilluni ajoqusernertut akuerineqarsinnaannginnera pillugu Arbejdsskadestyrelsip aalajangiinerinut piffis-sarititaasut. Malittarisassaq sulisilluni ajoqusersinnaanermi isumannaarineq pillugu inatsimmi § 39-mut naapertuuppoq. § 44-mut siunnersuut siunnersuummi § 15-imut ataqatigiissillugu isigineqas-saaq.

Siunnersuutigineqarpoq peqqussummi atuuttumi § 44-mi malittarisassaq taarsissagaa, ajoquseri-masunik imaluunniit qimagaasunik akuerisaanermik aalajangiinissamik piginnaatitsisoq. Taamatut aalajangiinermik periuseq sulisilluni ajoqusersinnaanermi isumannaarineq pillugu inatsimmi peer-neqarpoq inatsit nr. 422, 10. juni 2003-meersukkut, taarserneqarlunilu akuersaarneq aamma taar-siissuteqarneq pillugu ataatsimut aalajangiinermi, tak. sulisilluni ajoqusersinnaanermi isumannaar-

rineq pillugu inatsimmi § 16. Tamatuma peqatigisaanik sulisilluni ajoqusersinnaanermi isumannaar-
rineq pillugu inatsimmi § 39-ikkut pisimasoq nalunaarutigineqarsimasoq sulisilluni ajoqusernertut
akuersaarneqarsinnaannginneranik aalajangiinernut piffissarititaq atuutilersinneqarpoq.

Siunnersuummi siunertarineqarpoq suliassaqarfimmi tassani Danmarkimi Kalaallit Nunaannilu inat-
sisitigut inissisimanermik naapertuuttumik pilersitsisoqarnissaa, taamaasilluni aalajangiinermi peri-
utsip akuersaarneqarnera peerneqarluni taarserneqarlunilu akuersaarneq aamma taarsiissuteqar-
nissaq pillugu ataatsimut aalajangiinermik, pisuni akuersaarneqarsinnaasuni, tak. siunnersuummi §
15 kiisalu piffissarititaasuni aalajangersimasuni aalajangiineq pisuni, sulisilluni ajoqusernertut aku-
ersaarneqarsinnaanngitsuni.

Malittarisassami ajoqusersimasut imaluunniit qimagaasut piffissarititaasut aalajangersimasut iluan-
ni aalajangiinissamik piumasaqaateqarsinnaapput, pisoq sulisilluni ajoqusernertut akuersaarneqar-
sinnaanngippat. Pisoq paarlattuanik akuersaarneqarsinnaappat, inuutissarsiorsinnaanermik annaa-
saqarnermi ataavartumillu ajoquteqalersimanermi taartisiassat pillugit aalajangiinissamut § 15-imi
piffissarititaasut atuutissapput.

§ 45-mut

Siunnersuummi § 45-mi malittarisassami Arbejdsskadestyrelsen piginnaatinneqarnera aalajangers-
arneqarpoq, Kalaallit Nunaanni sulisilluni ajoqusernermik suliassanut tunngatillugu. Siunnersuum-
mi allanngortinneqarpoq peqqussummi atuuttumi § 46-mi piginnaatitsineq pillugu malittarisassaq,
tamannalu tunngaveqartinneqarpoq allaffissorneq Sulisilluni ajoqusernermi Sullissivimmiit Arbejds-
skadestyrelsimut nuunneqarneranik. Tamatuma peqatigisaanik kinguneratullu Namminersortulik
Oqarussat ataanni immikkoortortaqaarfittut Sulisillutik ajoqusersimasunik Sullissivik atorunnaarsin-
neqarpoq. Taamaattumik aallartitat aamma nakkutilliineq pillugit maannamut atuuttoq malittarisas-
saq pisariaqartinneqanngilaq.

§ 46-mut

§ 46-mi malittarisassaq inatsit malillugu akuersaarneqanngitsut suliareqqinneqartarnerat pil-
lugu peqqussummi atuuttumi § 48 taarserpaa. Malittarisassaq siunnersuutigineqartoq sulisilluni
ajoqusersinnaanermi isumannaarineq pillugu inatsimmi § 41 assigaa, oqaasertaliorneqartutut inat-
sit nr. 186, 18. marts 2009-imeersumi. Peqqussummi atuuttumi § 48-mut naleqqiullugu malitta-
risassami siunnersuutigineqartumi suliareqqitassanngortitsineq periarfissiissutigineqarpoq, aamma
sulianut, kingusippallaartumik nalunaarutigineqarsimasutut itigartinneqarsimasunut. Siunnersuum-
mik siunertarineqarpoq, Danmarkimisut Kalaallit Nunaanni inatsisitigut inissisimanissaq.

§ 47-mut

§ 47-mi malittarisassaq sulisilluni ajoqusernemi ajoqusersimasunut taarsiissutissanik nalilersui-
nerup suliareqqinneqartarnerat pillugu peqqussummi atuuttumi § 49-mut aamma sulisillunin ajoqu-
sersinnaanermi isumannaarineq pillugu inatsimmi § 42-mut naapertuuppoq.

Peqqussut atuuttoq aamma sulisilluni ajoqusersinnaanermi isumannaarineq pillugu inatsit malillugit
periutsi atorneqarsinnaavoq.

§ 48-mut

§ 48-mi malittarisassaq qimagaasunut taarsiissutissanik nalilersuinerup suliareqqinneqartarnerat
pillugu peqqussummi atuuttumi § 50-imut aamma sulisilluni ajoqusersinnaanermi isumannaarineq
pillugu inatsimmi § 43-mut naapertuuppoq.

Peqqussut atuuttumi aamma sulisilluni ajoqusersinnaanermi isumannaarineq pillugu inatsimmi pe-
riutsi atuuttoq atorneqarsinnaavoq.

§ 49-mut

Siunnersuummi § 49-p imaraa, Ankestyrelsimut maalaaruteqarnermi malittarisassat. Siunnersuut peqqussummi atuuttumi § 51-imut aamma sulisilluni ajoqusersinnaanermi isumannaarineq pillugu inatsimmi § 44-mut naapertuuppoq.

Siunnersuutigineqarpoq, suliamut sorlermut attuumassuteqarneq pillugu aalajangiinerit pillugit peqqussummi atuuttumi § 51, imm. 2 ingerlateqqinneqassanngitsoq, malittarisassaq pisariaqanngimmat, Arbejdsskade styrelsi suliamut sorlermut attuumassuteqarneq pillugu aalajangiisarunnaankuummat, kisiannili tamanna pillugu Arbejdsmarkedets Erhvervssygdomssikringimut nalunaaruteqaannartaleramat. Tamanna aamma atuuttariaqarpoq Kalaallit Nunaanni sulisilluni ajoqusernerit pillugit sulianut.

Tamatuma saniatigut naleqqussaaneq eqqarsaatigalugu imm. 8-mi maalaarutit suliarineqartarnerat pillugu nalunaarummut innersuussisoqarpoq, sulisilluni ajoqusersinnaanermi isumannaarineq pillugu inatsimmi § 44, imm. 9 naapertorlugu atuutilersinneqartoq, siunnersuutigineqarmat, nalunaarut taanna siunnersuut malillugu maalaarutininik suliarinninnernut atuutinneqassasoq. Tamatumani tunngavigineqarpoq, siunissami maalaarutininik suliarinninnermi Danmarkimi malittarisassat assingi Kalaallit Nunaanni aamma atuutinneqarnissaat.

§ 50-imut

Siunnersuummi § 50-imi malittarisassami pineqarput Arbejdsmarkedets Erhvervssygdomssikringimit aalajangerneqartut maalaarutit. Arbejdsmarkedets Erhvervssygdomssikring ingerlatseqatigiiffimmi suliamut aalajangersimasumut attuumassuteqarneq pillugu aalajangiisinaavoq, inuutissarsiutitigut nappaateqalernermi sillimmasiinermik tunngaviliisumut, tak. inatsisissatut siunnersuummi § 63. Malittarisassami Arbejdsmarkedets Tillægspension pillugu inatsimmi § 28 naapertorlugu pilersinneqartoq maalaaruteqartarfik innersuussutigineqarpoq.

§ 51-imut

Siunnersuummi § 51-imi malittarisassami peqqussummi atuuttumi § 52 ingerlateqqinneqarpoq, Forsikring og Pension-imik maalaaruteqarnissamat piginnaatitsisoq, siunnersuummi § 52, imm. 6 aamma 56 malillugu aalajangiinerit eqqarsaatigalugit. Malittarisassaq sulisilluni ajoqusersinnaanermi isumannaarineq pillugu inatsimmi § 46-mut naapertuuppoq.

§ 52-imut

Siunnersuummi § 52-imi aalajangersarneqarpoq, sulisunut naleqqiullugu sulisitsisup sillimmasiinisamik pisussaanaera. Malittarisassami peqqussummi atuuttumi § 55 ingerlateqqinneqarpoq, anertuutigullu sulisilluni ajoqusersinnaanermi isumannaarineq pillugu inatsimmi § 48-mut naapertuuppoq, Kalaallit Nunaanni pissutsit pissutigalugit allannguutit pisariaqartut ilanngullugit. Malittarisassaq pineqarpoq, assigiinngitsunik oqaasertaliorneqarnermigut ajutumeernermi sillimmasiineq pillugu inatsit 1916-imeersoq aqutigalugu sillimmasiissussaanaerup atuutilersinneqarneraniit pioreersoq. Sulisilluni ajoqusersinnaanermi isumannaarineq pillugu inatsimmi malittarisassaq pillugu periutsi imartooq pigineqarpoq, taannalu atorneqarsinnaassaaq.

Siunnersuutigineqarpoq, umiarsuaatillit sillimmasiisarnerat pillugu malittarisassaq, maannamut atuuttumi peqqussummi § 55, imm. 4-mut naapertuuttusoq, ingerlateqqinneqassanngitsoq, umiarsuarmik ingerlatsineq, taamatullu umiarsuaatillit siunnersuummi § 52, imm. 4-mi ilanngunneqarmata. Taamaasilluni umiarsuaatillit ataatsimoortunut sillimmasiissutitut suli ilaasortanngorsinnaapput, ataatsimoortunut sillimmasiissutit atuuttuni atugassarititaasut tunngavigalugit, tamatumunnga ilanngullugu umiarsuup 15 miiterit qaangersinnaannginneranik, tak. siunnersuummi § 67, imm. 2. Aaqqiissuteqarnermik allanngineq pineqarpoq, inatsisitigut piviusumik allannguinissaq siunertarinerqarani.

Imm. 4-mi siunnersuutigineqarpoq ataatsimoortunut sillimmasiissutit aaqqiissuussinertut pinngitsaalliissutaajunnaarsinneqassasoq, siunnersuummi imm. 4-p oqaasertaliornera allanngortinneqassammat, peqqussummi atuuttumi § 55, imm. 4 aamma 5-imi oqaaseq atorneqartoq „-niarpoq“ „-sinnaa-

voq“-mut allanngortinneqassammat. Tamanna isumaqarpoq, sulisitsisup, ataatsimoortunut sillimmasiissutitut ilaasortaaneq pillugu § 69 naapertorlugu malittarisassanik atuutinneqartunik piumasaqaatinik naammassinnittoq, sillimmasiisarfimmi sulisuni sillimmasersimanissaannut pisusnaanini naammassissanerlugu toqqarsinnaavaa aamma Arbejdsmarkedets Erhvervssygdomssikringimut ilanngunnermigut taamatullu pinngitsaaliissutaanngitsumik ataatsimoortunut sillimmasiissutitut taarsiullugu nammineq sillimmasersinnaalluni. Inuutissarsiuteqartut, siunnersuummi § 52, imm. 4-mi taaneqartut, taamaattumik toqqarsinnaavaat, pisarnertut sillimmasiisarfimmi ajutoornernut sillimmasiinikkut kiisalu inuutissarsiutitigut nappaatinut Arbejdsmarkedets Erhvervssygdomssikringimut ilanngunnikkut imaluunniit ataatsimoortunut ilanngunnikkut sillimmasiissusnaanertik naammassissanerlugu. Ataatsimoortunut sillimmasiissuteqarnissamik toqqaanermi siunnersuutigineqarpoq, inuutissarsiuteqartup nammineq, aappaasup suleqataasup sulisullu ilaatinneqarnissaat.

Nalinginnaasumik oqaaseqaatini imm. 6.5. innersuusutigineqarpoq.

§ 53-mut

§ 53-imi pisut pineqarput, sillimmasiissusaaatitaaneq aamma sillimmasiisarfinnut, Arbejdsmarkedets Erhvervssygdomssikringimut aamma naalagaaffimmut sillimaasiisusaaaneq pillugit nalornisoqarsinnaaneq aamma sulisitsisoq sorleq pisuni nalorninartorfiusuni assigiinngitsuni sillimmasiissusaaatitaasutut isigineqassanersoq. Malittarisassami peqqussummi atuuttumi § 56 ingerlateqqineqarpoq, aamma sulisilluni ajoqusersinnaanermi isumannaarineq pillugu inatsimmi § 49-mut naapertuuppoq.

§ 54-imut

§ 54-imi malittarisassaq ajutumeernerit kingunerisaannut sillimmasernissaq pillugu peqqussummi atuuttumi § 57-imut aamma Kalaallit Nunaannut pissutsinut naleqqussaanerit ilanngullugit sulisilluni ajoqusernermi isumannaarineq pillugu inatsimmi § 50-imut naapertuuppoq.

§ 55-imut

§ 55-imi malittarisassaq sillimmasiisoqarsimanngippat imaluunniit sillimmasiineq atuutiinneqarsimanngippat akiliutissanik sulisitsisup akiliuteqartusnaanera pillugu peqqussummi atuuttumi § 58-imut naapertuuppoq. Kalaallit Nunaannut pissutsinut naleqqussaanerit ilanngullugit malittarisassaq sulisilluni ajoqusernermi isumannaarineq pillugu inatsimmi § 51-imut naapertuuppoq.

§ 56-imut

§ 56-imi malittarisassaq pisuni, sulisitsisoq sillimmasiissuteqarsimatinnagu ajoqusersimasunut qimagaasunullu taarsiissutissanik akiliuteqarneq pillugu peqqussummi atuuttumi § 59-imut aamma sulisilluni ajoqusersinnaanermi isumannaarineq pillugu inatsimmi § 52-imut naapertuuppoq.

§ 57-imut

§ 57-imi malittarisassaq pisuni, sillimmasiisarfik paasissutissat piumasarisat eqqunngitsut tunngavigalugit sillimmasiisimanera pillugu peqqussummi atuuttumi § 60-imut aamma sulisilluni ajoqusersinnaanermi isumannaarineq pillugu inatsimmi § 53-imut naapertuuppoq.

§ 58-imut

§ 58-imi malittarisassaq sulisitsisoq akiliuteqanngikkaangat akiliutissanik akiliisitsiniartarneq pillugu peqqussummi atuuttumi § 61-imut aamma Kalaallit Nunaannut pissutsinut naleqqussaanerit ilanngullugit sulisilluni ajoqusersinnaanermi isumannaarineq pillugu inatsimmi § 60, imm. 2-mut naapertuuppoq.

§ 59-imut

§ 59-imi malittarisassaq pisuni, sillimmasiisarfiup sulisilluni ajoqusernermi sillimmasiissutaasa allanik aqunneqalernerat pillugu peqqussummi atuuttumi § 62-imut aamma sulisilluni ajoqusersinnaanermi isumannaarineq pillugu inatsimmi § 54-imut naapertuuppoq.

§ 60-imut

§ 60-imi malittarisassaq Arbejdsmarkedets Erhvervssygdømsikringimut ilanngunneq pillugu peqqussummi atuuttumi § 63-imut aamma Kalaallit Nunaanni pissutsinut naleqqussaannerit ilanngullugit sulisilluni ajoqusersinnaanermi isumannaarineq pillugu inatsimmi § 55-imut naapertuuppoq.

§ 61-imut

§ 61-imi malittarisassaq akilersuutinik akiliuteqarneq pillugu malittarisassanik aalajangersaaneq pillugu peqqussummi atuuttumi § 64-imut naapertuuppoq. Malittarisassaq sulisilluni ajoqusersinnaanermi isumannaarineq pillugu inatsimmi § 56-imit immikkooruteqarpoq, ilaatigut akilersuutinik ataatsikkut akileeqqusineq, sulisilluni ajoqusersinnaanermi isumannaarineq pillugu inatsimik allanngvineq pillugu inatsit nr. 1538, 20. december 2006-imeersukkut atuutilersinneqartukkut, ajornaatsuunissaa pissutigalugu Kalaallit Nunaanni atuutilersinneqanngimmat. Kingusinaartumik akiliuteqarnermi il.il. erniat pillugit inatsisip Kalaallit Nunaanni atuutilersinneqarnissaanik peqqussut nr. 350, 14. juli 1980-imeersoq malillugu ernialersuisoqartarpoq.

§ 62-imut

§ 62-imi malittarisassaq pisuni, sulisitsisoq Arbejdsmarkedets Erhvervssygdømsikringimut ilanngussimatinnagu, ajoqusersimasunut qimagaasunullu taarsiissutissanik akiliuteqartarneq pillugu peqqussummi atuuttumi § 65-imut aamma Kalaallit Nunaannut pissutsinut naleqqussaannerit ilanngullugit sulisilluni ajoqusersinnaanermi isumannaarineq pillugu inatsimmi § 57-imut naapertuuppoq. Taamaattorli siunnersuutigineqarpoq, ulloq 1. januar 1999-ip kingorna aaqqissuussinermut akilerneqarsimasussaasunik, akilersuutinut naleqquttunik Arbejdsmarkedets Erhvervssygdømsikringip sulisitsisumit piumasinnaaneri pillugit peqqussummi atuuttumi imm. 5, peerneqarnissaa, ikaarsaariarnermi malittarisassaq, soqutaajunnaarnikoq pineqarmat.

§ 63-imut

§ 63-imi malittarisassap taarserpaa, Arbejdsmarkedets Erhvervssygdømsikringimut ataatsimortunik akililiutinik aalajangersaasarneq pillugu peqqussummi atuuttumi § 66. Siunnersuummi sillimaffigineqarpoq sulisilluni ajoqusersinnaanermi isumannaarineq pillugu inatsimmi § 58-imit allanngvineq, inatsit nr. 1538, 20. december 2006-imeersukkut aamma inatsit nr. 496, 6. juni 2007-imeersukkut atuutilersinneqartoq. Kingullermik inatsisikkut allannguinikkut aalajangiunneqarpoq, 1. januar 2008-miit ajoqusernernut nalunaarutigineqartunut matussusiinissamut akiliutissat, pay-as-you-go tunngavik malillugu naatsorsorneqassasut, ulorli 1. januar 2008 sioqqullugu ajoqusernernut nalunaarutigineqartunut matussusiinissamut akiliutissat immikkoortitsineq tunngavigalugu naatsorsorneqartartut. Akiliutissat alajaannerusumik ineriartortinneqarnissaa qulakkeerniarlugu, peqatigisaannik aalajangiunneqarpoq, sulisitsisut brancegruppenut ikinnerusunut annerusunullu agguarnissaat. Suliamut attuumassuteqarnerit inatsisikkut aalajangersarneqarput, tak. sulisilluni ajoqusersinnaanermi isumannaarineq pillugu inatsimmi § 58 a.

Kalaallit Nunaanni sulisitsisut danskit sulisartuinut malittarisassat assigalugit inuutissarsiutitigut nappaatit kingunerisaannut sillimmasiisarput. Tamanna isumaqarpoq, Kalaallit Nunaanni sulisitsisut Arbejdsmarkedets Erhvervssygdømsikringimi akiliutissanik aalajangersaanermi ilaatinneqartut.

Periutsi taanna attatiinarniarlugu pisariaqarpoq, akiliutissat pillugit aalajangersaaneq pillugu malittarisassat Kalaallit Nunaanniittunut aamma Danmarkimiittunut sulisitsisunut assigiinnissaat. Akiliutissanik aalajangersaanerup malitsigisaannik Kalaallit Nunaanni sulisitsisut Danmarkimi sulisitsisut assigalugit branchegruppit assinginut atatinneqartarput. Taamaattumik siunnersuutigineqarpoq, siunnersuummi § 63-imi innersuussisoqassasoq, sulisilluni ajoqusersinnaanermi isumannaarineq pillugu inatsimmi §§ 58-imiit 58 c-mut.

Sulisilluni ajoqusersinnaanermi isumannaarineq pillugu inatsimmi § 58-imi malittarisassat nassaari-neqarsinnaapput, Arbejdsmarkedets Erhvervssygdomssikringimut akiliuteqartussaaneq aamma akiliutininik akiliisitsiniarneq pillugu malittarisassanik. § 58 a-mi branchegruppit pingaarnerit allattor-neqarput aamma Arbejdsskadestyrelsen pisortaata branchegruppit pingaarnerit ataanniittunut grup-pinut aalajangersaasinnaaneranut tunngasut malittarisassat. Piginnaatitsineq atuutilersinneqarpoq Arbejdsmarkedets Erhvervssygdomssikringimi branchegruppit pillugit nalunaarut nr. 1290, 15. november 2007-imeersukkut. Taamaasilluni nalunaarut Kalaallit Nunaanni sulisitsisunut branche-nut attuumassuteqarnermi taamatuttaaq atuutinneqassaaq. § 58 b naapertorlugu akiliutissanik aa-lajangersaanermut atatillugu branchegruppini iluanaarutinik amigartoornerinillu naleqqussaaneermi puljet annertusarneqarnissannut aningaasanik akiliuteqartoqartassaaq.

Arbejdsmarkedets Erhvervssygdomssikring ukiumoortumik kalaallit inuussutissarsiortut nalu-naarsorsimaffianik (GER) eqqikkakkamik pisarpoq, Kalaallit Nunaanni sulisitsisut tamaasa pillugit paasissutissanik imaqartunik. Tamanna isumaqarpoq, Kalaallit Nunaanni sulisitsisunut tamanut branchekodenik attaveqartut. Arbejdsmarkedets Erhvervssygdomssikringip branchekode taanna atortarpaat, sulisitsisoq branchegruppimut innersuunneqassagaangat.

Danmarkimi sulisitsisut Arbejdsmarkedets Erhvervssygdomssikringimut akiliutertik naatsortarpaat sulisut piffissaq tamakkerlugu sulisartut amerlassusaat tunngavigalugu sulisut ATP-imut akilutai naatsorsukkat tunngavigalugit. Kalaallit Nunaanni sulisitsisut ATP-imi malittarisassani ilaatinneqan-gillat. Taamaattumik Kalaallit Nunaanni sulisitsisut sulinermi paasissutissat Arbejdsmarkedets Erhvervssygdomssikringimut toqqaannartumik nalunaarutigissavaat, qaammatisiutimut pi-neqartumut sulisitsisup akiliutaannik naatsorsuisartumut, qaammatisiummi pineqartumi sulinermi paasissutissat nalunaarutigineqartut tunngavigalugit. Taamaasilluni Kalaallit Nunaanni sulisitsisut sulisumik inuussutissarsiutitigut nappaateqalernissaannut navianartorsiortat qulakkeerneqarpoq, sulisitsisut danskisunut tunngaviit assigalugit, tak. aamma § 66.

§ 64-imut

§ 64-imi malittarisassaq Arbejdsskadestyrelsimi aamma Ankestyrelsimi ajoqusernermik suliat allaf-fissornikkut akilerneqarnissaat pillugu peqqussummi atuuttumi § 67-imut aamma Kalaallit Nunaan-ni pissutsinut naleqqussaaneerit ilanngullugit sulisilluni ajoqusersinnaanermi isumannaarineq pillugu inatsimmi § 59-imut naapertuuppoq.

§ 65-imut

§ 65-imi malittarisassaq aningaasat ernialersorneqarnerat pillugit peqqussummi atuuttumi § 68-imut aamma Kalaallit Nunaanni pissutsinut naleqqussaaneerit ilanngullugit sulisilluni ajoqusersin-naanermi isumannaarineq pillugu inatsimmi § 60, imm.1-imut naapertuuppoq.

§ 66-imut

§ 66-imi malittarisassaq peqqussummi atuuttumi § 69-imut naapertuuppoq. Malittarisassap kingun-eraa, Arbejdsmarkedets Erhvervssygdomssikring pillugu sulisilluni ajoqusersinnaanermi isuman-naarineq pillugu inatsimmi kapitali 11-imi malittarisassat Kalaallit Nunaanni aamma taamatuttaaq atuutinneqassasut, Arbejdsmarkedets Erhvervssygdomssikringip katitigaanera, suliassai, allaffis-sornera, aktuarimut tunngassuteqartut, ukiumoortumik naatsorsuutit kukkunersuisarnerlu, anin-gaasalersuineri maleruagassat aamma nakkutilliineq eqqarsaatigalugit.

§ 67-imut

Siunnersuummi § 67-imi 1962-imi pilersinneqartumi ataatsimoortunut sillimmasiissutinut akisus-saaneq Arbejdsskadestyrelsi akisussaatinneqarpoq. Maannamut Sulisillutik ajoqernermi Sullissivik akisussaasuvoq, taassumallu atorunnaarsinneqarnissaa siunnersuutigineqarpoq. Malittarisassap peqqussummi atuuttumi § 70 taarserpaa, siunnersuutigineqarmat ataatsimoortunut sillimmasiissutit pinngitsaaliissutaajunnaassasoq, siunnersuutigineqarmallu Arbejdsskadestyrelsen pisortaa pigin-naatinneqassasoq, ilaasortaaneq pillugu malittarisassiornissamut, tamatumunnga ilanngullugu

Namminersorlutik Oqartussat isumaqatiginiareerlugit ilaasortat aalajangersarneqarnissaannut, tak. siunnersuummi § 69. Nalinnginnaasumik oqaaseqaatini imm. 6.5. aamma siunnersuummut oqaaseqaatini § 52, imm. 4 innersuussutigineqarput.

§ 68-imut

Siunnersuummi § 68-imi pineqarpoq ataatsimoortunut sillimmasiissutitut aningaasalersuineq. Malittarisassami peqqussummi atuuttumi § 71 ingerlateqqinneqarpoq.

Imm. 1-imi allannguutissatut siunnersuutigineqarpoq, nalunaarut atuutilersinneqassasoq ”*Namminersorlutik Oqartussat isumaqatiginiareerlugit*”. Allannguutissatut siunnersuut tunngaveqarpoq, Sulisillutik ajoqernerme Sullissivik, Namminersorlutik Oqartussat ataani immikkoortortaasoq, peqqussummi atuuttumi § 71 malillug akiliutissat annertussusaannik innersuussisartuusup atorunnaarsinneqarnissaa. Allannguunikkut qulakkeerneqassaaq, Namminersorlutik Oqartussat siunissami akiliutissat annertussusilerneqarneranni aamma sunniuteqaqataanissaat.

§ 69-imut

Siunnersuummi § 69-imi Arbejdsskadestyrelsen pisortaa piginnaatinneqarpoq, ataatsimoortunut sillimmasiissutitut ilaasortanngorneq pillugu malittarisassiornissaaq, tamatumunnga ilanngullugu ilaasortasussat aalajangersarneqarnerat, kiisalu akiliutissanik akiliuteqarneq aamma ilaasortaajunnaarneq. Malittarisassaaq peqqussummi atuuttumi § 72-imut naapertuuppoq. Taamaattorli allannguutissatut siunnersuutigineqarpoq, akiliutissanik akiliuteqaqqusineq pillugu malittarisassiornissamat Arbejdsskadestyrelsen pisortaanut tunngavik pioreersup annertusineqarnissaa, ataatsimoortunut sillimmasiissutitut ilaasortaaneq pillugu malittarisassanik ilaqarnissaa, Namminersorlutik Oqartussat isumaqatiginiareerlugit.

Taamaasilluni siunnersuutigineqarpoq, ilaasortassanik aalajangersaaneq pisassasoq Namminersorlutik Oqartussat isumaqatiginiareerlugit, Kalaallit Nunaanni inuutissarsiornerup ineriartorneranik pisariaqartumik paasisimasaqartumik. Siunissaaq ungasinnerusooq eqqarsaatigalugu mattunneqarsinnaangilaq, inuutissarsiutit mikinerusut pioreersut, ataatsimoortunut sillimmasiissutitut ilaanisaminnut periarfissaqartut, siunissami piumaviangitsut. Aamma eqqarsaatigineqarsinnaavoq, inuutissarsiutit mikisut pilersinneqartut, ilaasortaanissamik periarfissamik neqeroorfigineqartut.

Ataatsimoortunut sillimmasiissutit aqqissuussinerummat, inuutissarsiutit mikinerusut sillimmaserneqarnissaannut Kalaallit Nunaanni immikkut pisariqartinneqartunik naammassinninnissamat, aalajangiisuussaaq siunissami kikkut ilaasortanngorsinnaaneri pillugit sukangavallaammik sinaakkersortoqannginnissaa, kisiannili allannguisoqannginnerani Namminersorlutik Oqartussat ilaatinneqartarnissaat. Inatsisissatut siunnersuummik namminerme ataatsimoortunut sillimmasiissutit annertusisoqarnissaanik imaluunniit annikilliliisoqarnissaanik eqqarsaataanngilaq, maannakkut ilaasortasunut naleqqiullugu.

Nangillugu siunnersuutigineqarpoq, nalunaarummi imaluunniit Namminersorlutik Oqartussat isumaqatiginiareerlugit, ilaasortaanermut, akiliutissanik akiliuteqarnermut, ilaasortaajunnaanermut il.il. sinaakkutit toqqissisimanartut pisariaqartut pilersinneqarnissaat. § 67 – 69 malillugit ataatsimoortunut sillimmasiissutit sulisitsisut ilaannut immikkut neqeroorutaavoq. Tamanna isumaqarpoq, Arbejdsmarkedets Erhvervssygdomssikringimut sillimmaserneq ilanngunnerlu pillugit pisussaaneq pillugu siunnersuummi §§ 54 aamma 60-miittut atorneqassasut, sulisitsisut inatsisissatut siunnersuummi §§ 67 – 69-imi neqeroorutit atunngippassuk.

Ajoqusersimasut qimagaasullu siunnersuummi §§ 56 aamma 62 malillugit taarsiiffigineqarnissamat piginnaatitaassapput, sulisitsisooq sillimmasersimangippat imaluunniit Arbejdsmarkedets Erhvervssygdomssikringimut imaluunniit Gruppeforsikringimut ilaasortanngorsimangippat.

Akilutissanik akilersuutinillu akilersitsiniaasarneq pillugu §§ 58-imi aamma 61-imi malittarisassat atorpeqassapput, sulisitsisoq sillimmasersimangippat imaluunniit siunnersuummi §§ 54 aamma 60-imi malittarisassat malillugit Arbejdsmarkedets Erhvervssygdomssikringimut ilaasortanngorsimangippat imaluunniit siunnersuummi §§ 67 – 69 malillugit ataatsimoortunut sillimmasiissutitut ilaasortanngorsimangippat.

Ataatsimoortunut sillimmasiissutini ilaasortaaneq akiliutinillu akiliuteqarneq pillugit nalunaarut aammattaaq pisuni ilaasortap ilaasortaanissamut piumasaqaatinik naammassinnissinnaajunnaaraangat pillugu malittarisassanik ilaqartariaqarpoq, assersuutigalugu akiliutissanik akiligassaqalernerneq pisutigalugu. Siunertamut naapertuuttuussaaq, nalunnaarummi ilaasortaajunnaarnermi malittarisassat ilanngunneqarpata, ilaasortaq piarinaatsoornikkut sillimmasersimanginnissaa sapinngisamik pinaveersimaarniarlugu, inuutissarsiortut, sillimmasersimanissamik isumammik sungiussisimangitsut peqatigisaanilu assigiinngiaartumik isertitaqartut pineqarmata.

§ 70-imut

§ 70-imi malittarisassaq taarsiissuteqarnissamik piumasaqaatit aamma ajoqusiisumut akisusaasumut piumasaqaatit ataqatigiissinneqarnissaat pillugit peqqussummi atuuttumi § 73-imut aamma sulisilluni ajoqusersinnaanermi isumannaarineq pillugu inatsimmi § 77-imut naapertuuppoq.

Sulisilluni ajoqusersinnaanermi isumannaarineq pillugu inatsimmi § 77 malillugu inatsisitigut periutsi, Kalaallit Nunaanni atorpeqarsinnaassaaq.

§ 71-imut

§ 71-imi malittarisassaq sillimmasersimasussaasut aamma piginnaatitaasut akornanni isumaqatigiissutit pillugit peqqussummi atuuttumi § 74-imut aamma sulisilluni ajoqusersinnaanermi isumannaarineq pillugu inatsimmi § 78-imut naapertuuppoq.

§ 72-imut

§ 72-imi malittarisassaq nunat allat inatsisiliornerannut naleqqiullugu suliffissaqartitsinermut ministerip malittarisassiornissamut piginnaatitaanera pillugu peqqussummi atuuttumi § 75-imut sulisilluni ajoqusersinnaanermi isumannaarineq pillugu inatsimmi § 79-imut naapertuuppoq. Taamaattorli siunnersuutigineqarpoq, inatsisip malittarisassaanik sanioqqutitsineq pillugu peqqussummi atuuttumi imm. 2, atorpeqarnissaanut pisariaqarneratut De Europæiske Fællesskaber-ip peqqussutaanni isumagininnikkut sillimmasiissutit il.il. peerneqassasoq, malittarisassaq Kalaallit Nunaannut attuumassuteqanngimmat.

§ 73-imut

§ 73-imi malittarisassaq Arbejdsskadestyrelsenimi atorfeqartunut, tamatumunnga ilanngullugu lægekonsulentitut immikkut atorsinnaassuseqarneq pillugit peqqussummi atuuttumi § 76-imut aamma sulisilluni ajoqusersinnaanermi isumannaarineq pillugu inatsimmi § 80-imut naapertuuppoq.

§ 74-imut

§ 74-imi malittarisassaq inatsimmit ilaatinneqanngitsunik inuit ajoqusernerat pillugu oqaaseqarnissamut Arbejdsskadestyrelsenip piginnaatinneqarnera pillugu peqqussummi atuuttumi § 77-imut naapertuuppoq aamma Kalaallit Nunaannut pissutsitut naleqqussaanerit ilanngullugit sulisilluni ajoqusersinnaanermi isumannaarineq pillugu inatsimmi § 77-imut.

Malittarisassaq eqqartuussinernut aamma sillimmasiisarfinnut il.il. atugassanut Arbejdsskadestyrelsenip ilitsruutitut oqaaseqartarnissaanut tunngavinnik imaqarpoq.

§ 75-imut

§ 75-imi malittarisassaq peqqussummi atuuttumi § 78-imut aamma Kalaallit Nunaannut pissutsinut naleqqussaannerit ilanngullugit sulisilluni ajoqusersinnaanermi isumannaarineq pillugu inatsimmi § 82-imut naapertuuppoq. Sulisut sillimmasinngitsoornerat imaluunniit sulisilluni ajoqusernernik nalunaaruteqanngitsoorneq Kalaallit Nunaanni pinerluttulerinermik inatsit malillugu pillaataasinnaapput, soorluttaaq kapitali 5-imi aamma kapitali 26-imi akiliisitaanermik pillaasoqarsinnaasoq, ingerlatsiviit sinnerlugit inatsisitigut ingerlatsisuusunut ammattooq tunngatillugu.

§ 76-imut

Siunnersuutigineqarpoq, ulloq 1. januar 2011-imi inatsit atuutilersinneqassasoq, aamma ator-neqassalluni ajutoornernut pisunut aamma inuutissarsiutitigut nappaatinut, ullormi atuutilersitsiner-mi nalunaarutigineqartunut. Tamatuma peqatigisaanik maannamut atuuttut peqqussut nr. 991, 3. oktober 2008-meersoq atorunnaarsinneqassaaq. Peqqussut siusinnerusoq malillugu ingerlaavartu-mik tunniuttakkat naleqqussarneqassapput. Atuutilersinneqarnissaanut malittarisassaq siunnersuu-tigineqartoq, siunnersuummi §§ 76-imiit 79-imut malittarisassat ilaatinneqartut Danmarkimi sulisillu-ni ajoqusernemi suliaasaqarfimmi inatsisiliornermut nutaamut atatillugu naapertuuppoq, aamma Kalaallit Nunaanni sulisilluni ajoqusernemi inatsisiliornerup atuutilersinneqarnera pillugu siusin-nerusunut peqqussutinut atatillugu atorneqartarpoq. Malittarisassani qulakkeerneqarpoq, malitta-risassat nutaat aamma iluatinnaateqartut taamaalillutilu aningaasartuutaanerusussat inatsisip atuutilereernerata kingorna taarsiissutissanut atuutinneqalissasut. Tamatuma peqatigisaanik qulak-keerneqassaaq, peqqussut siusinnerusoq malillugu tunniunneqartartut ullutsinni naligitinneqartunut naleqqussarneqarnerat.

§ 77-imut

Malittarisassami pineqarput, siusinnerusukkut peqqussut malillugu tunniuttakkat naleqqussar-neqartut, aamma maannamut atuuttumi peqqussummi § 80-imut naapertuuppoq, taamaattorli imm. 8-imi malittarisassaq, inatsit malillugu tunniuttakkanik naleqqussaannerik pisariaqartunut attuumas-sutilik ilanngunneqarpoq.

§ 78-imut

Siunnersuummi § 77-imi malittarisassap qulakkiissavaa, nalunaarutit, siusinnerusukkut peqqussutit tunngavigalugit atuutilersinneqartut, atuutiinneqarneri, inatsimmik nutaamik tungaveqartut nalu-naarutit atuutilersinneqarnissaasa tungaanut. Malittarisassaq maannamut atuuttumi peqqussummi § 81-imut naapertuuppoq.

§ 79-imut

Malittarisassami qulakkeerneqassaaq, sulisitsisut sillimmasiissutit atorunnaarsitsinnginnissaat, inatsisissatut siunnersuutip kingunerisaanik immikkut aningaasartuutit matussusernissaannut sil-limmasiissarfiit akiliutissat qaffammatigit, aamma maannamut atuuttumi § 82-imut naapertuuppoq.

§ 80-imut

Kalaallit Nunaanni kunngip peqqussutaasa atuutilersinneqarnerisigut inatsisitigut tunngaviit attuuk-kunnaarnerisa kingunerisaanik allannguinerit pineqarput.